

甘肅府縣志輯

中國地方志集成

道光續修山丹縣志

道光續修山丹縣志

山丹縣續志序

考正字通凡史傳記事之文曰誌邑之有誌記事也丹邑為古雍州西戎之墟漢名刪丹魏名仙堤晉置祁連郡後周廢弱水以其地歸入刪丹隋唐後訛刪為山元名山丹州明為山丹衛東至定羗西至樂定南至祁連北至邊部其山則有焉支天山之雄秀而磅礴也其水則有弱水漢泉之

澎湃而灑汗也三門鎮闕逼近居延為漢馬伏波之所守蓋自古用武之地焉我

朝定鼎以來新疆拓二萬餘里丹邑之素屬邊陲者盡為內地之版圖雍正三年設文武職官更衛為縣政治聿布文教日興向之穹廬繡幕盤踞於沙場磧石間者今則衡宇相望而築為民舍矣向之龍頭金山杜禦夫匈奴渾邪王者今則為編氓出入

而掏取物產矣向之洪水勝泉南湖鹽池
繚繞於青山合黎之下用以施引流灌虜
之策者今則濬水渠灌田畝以利民用矣
嘻

國家承平久矣顧風俗雖形其變異而文獻
猶慨其缺如考順治丁酉楊副使春茂於
明季兵燹之餘而纂修鎮誌不過網羅散
失收其片鱗隻爪而已至乾隆四十有四

年甘郡鍾太守賡起號邁亭者文學淹博
考核精詳條分縷析彙成全帙署為甘州
府誌美矣備矣不將與漢之十志後先繼
美與然迄於今已五十有餘年矣山川猶
是風景依然而其間官師人文科第明經
與夫孝子義士仁人節婦足以考政治振
文教勵風俗者不乏其人闕焉不載復歷
年所恐日就湮沒矧丹邑事蹟統之府誌

棗梨俱存張掖每詢事故邑人士茫然不
解此目不睹乘誌之故夫邑之有誌猶家
之有乘國之有史也可缺焉不備與爰取
府誌擇詳我丹邑之事跡者別刊一編更
將鍾太守既序之後凡所未載者分門續
入彙成一書名曰山丹續誌付諸剞劂俾
邑人士不時繙閱一切名山鉅川關阨橋
渡歷歷在目而其遺事軼聞載在編簡者

一考核間而觸目警心皆足以感發其性情其有關於風俗人心者豈淺鮮哉是為序

誥授奉直大夫軍功

特加知州銜知山丹縣事山右平定黃璟撰



山丹舊無縣志前明郭太僕紳創修採稽
無多雜於甘鎮志中

國朝乾隆四十四年補纂府志仍附其內故
丹邑之專志缺如也嘉慶十五年前任廣
文武功党雙原先生嘗以纂修為己任業
從府志中手錄一冊另加編續奈當事者
弗之舉故有志未逮終藏其稿於明經王
君庭三家中道光七年山右梅村黃明府

蒞任即有志纂修惜首事人採訪未確所得仍復無幾暫寢其事至十一年冬王明經出家存雙原遺稿呈之黃明府明府欣然即其所編續者逐類考核略加潤色而向之畧者詳缺者補彙集成卷囑學校紳士公校刊刻無如丹邑地素苦寒率多力不從心之士王明經慨然獨任前後出橐資二百金付之剞劂廣為散布而後丹邑

之事蹟不待求之於遠凡邑人士之留心
考稽者皆得隨時展閱廣其見聞則廣文
雙原明府梅村明經庭三三君子之有裨
於政治風化之功為不可少矣是為序

勅授修職郎俸滿引

見以知縣即用山丹縣教諭闕中古莘魯俊序

魯俊
止印

郡陽
灼首

目録

卷一

一

續修山丹縣誌姓氏

主稿

加州銜山丹縣知縣

黃璟 山西平定州舉人

山丹縣知縣

謝述孔 陝西朝邑縣解元

監修

山丹縣教諭

朱遜志 平涼縣拔貢

候銓知州 黃石書

採訪

歲貢生 王維縉

府

貢

生

賀人綱

息

貢

王面槐

校對

廩

生

梁可第

周文炳

雷作東

周家忠

增

生

鍾際泰

周大定

曹錦文

馬象武

段成章

監生 王向槐

潘生薰

庠生 陳魁元

武生 武殿元

陳開治

文生 尚興仁

趙名芳

拔貢

生

秦大中

廩

生

陶士琦

王課士

吳學孔

膳錄

增

生

陳毓奇

李正新

周至德

高立品

楊克仁

周文蔚

童生
童應福

吳振川

鄒朝楷

禮生
劉天哲

楊克勤

劉通



刊刻

息

貢

生

王面槐

候

銓

巡

政

廳

王一清

資印

王法湯

現任陝西三原縣典史

周世德

太

學

生

王向槐

續修山丹縣志總目

卷一

世紀

卷二

國朝紀畧

卷三

地理

疆域
形勝
名勝

沿革表

山川

古蹟

卷四

營建

城郭
驛塘

街衢
墩鋪

壇廟
隘口

公署
鎮汛

關梁

村堡

卷五

水利

卷六

學校

源流表

藏書說

義學誌

興文社

卷七

人物

官師
耆舊
名將

官蹟
學行

鄉賢
孝友

忠節
技藝

孝義
烈女

文學
隱逸

卷八

選舉科第 貢附 文宦 武宦

卷九

食貨 賦役 戶口 度支 歲支 義倉
社倉 市易 風俗 物產

卷十


藝文 雜纂


丁未年

正月

一


山丹全圖







山丹城圖

山丹城圖








署圖



署圖



堂



上野縣志 卷之八

四

--	--	--	--	--	--	--	--	--	--

山丹城北三里許出閭門又六十里與阿拉善游牧
交界此康熙二十五年所定也舊有墩碣六處曰青
羊口石井口赤山口獨峯後口起坡兒教場墩歲久
墩壞蒙古越界挿帳者七十有餘戶雜處滋事自乾
隆五十年至五十三年歷經前令會勘青羊石井五
處均修立墩台石碣惟獨峯後口爭執不決維時涼
郡屬之永昌鎮番二邑俱接阿拉善邊連年爭界甘
涼富觀察周厯復勘爰繪漢蒙交界圖說上制府
勒大司馬達部轉

奏

特命倉場總督蘇理藩院侍郎巴至甘偕制府及阿拉善王旺沁班巴爾馳詣會勘

奏請仍循康熙年間所定漢蒙界址山丹獨峯口勘明於後山之扇馬湖豎立石碣明年春富觀察偕奉差寧夏部郎即其立石處修築俄卜越界蒙古悉行遷徙由是漢蒙之界復清爭訟之端永息爰繪圖說并序顛末續載府乘以昭信守於來茲云

知甘州府事劉

斌記

山丹縣續誌卷一

世紀起唐虞迄南宋

導弱水至於合黎餘波入於流沙

弱水出山丹縣東南合黎地名山丹西境流沙地名
張掖東境按水經志大禹瀉流沙于西隅決弱水於
北漢北漢似即居延海今鎮夷石峽相傳禹所開

虞夏商雍州

按虞夏陶唐之舊而商頌曰自彼氐羌莫敢不來享
莫敢不來王蓋亦荒服域也

周末月氏秦月氏漢初曰匈奴

按周書稱西旅底貢厥彝蓋亦荒服域也月氏周末始大居敦煌祁連間有武威張掖酒泉數郡之地漣飲肉食隨畜轉徙與匈奴同俗控弦十餘萬強輕匈奴奴子冒頓嘗質於其國已而逃歸以鳴鏑射其父殺之自立發兵報怨大破月氏至匈奴老上單于破月氏殺其主以其頭為飲器月氏懼又西徙擊大夏而臣之其餘小衆不能去者保南山羗號小月氏自是為匈奴右地焉匈奴部落曰昆邪王

一作休屠王

休屠分地在武威昆邪分地在張掖

孝武皇帝元狩二年春三月驃騎將軍霍去病大破匈奴過焉支山收休屠王祭天金人虜其太子秋匈奴
渾邪王殺休屠王併其衆以降

霍去病衛皇后姊少兒子也父長孺去病年十八以
后族入侍中善騎射以票姚校尉從大將軍衛青伐
匈奴屢冠軍封侯元狩二年為驃騎將軍將萬騎出
隴西過焉支山千餘里擊匈奴執渾邪王子及相國
都尉首虜八千餘級收休屠王祭天金人夏復出隴

西北地二千里過居延攻祁連山得首虜三萬餘裨
將小玉以下七十餘人去病益封校尉趙破奴高不
識僕多並封侯其秋匈奴單于怒渾邪休屠居西方
為漢所殺虜數萬人欲召誅之渾邪休屠恐謀降漢
先遣使邀遮漢人今報天子要邊大行李息以聞天
子恐詐乃令驃騎將軍將兵往迎之時休屠王等悔
欲遁去病馳入得與渾邪王相見渾邪王殺休屠王
並將其衆降漢凡四萬人號十萬分徙邊五郡故塞
外因其俗為屬國明年去病復大破匈奴封狼居胥

山晉大司馬元狩六年卒謚景桓

漢元鼎六年始置郡曰張掖按張掖治鱧得領十縣曰
鱧得昭武刪丹氏池日勒屋蘭居延今並屬甘州驪
軒番和顯美屬涼州

新莽始建國元年使奮武將軍王駿定胡將軍王勗出
張掖擊匈奴按莽時改張掖曰設屏鱧得曰官式昭
武曰渠武刪丹曰貫虜

永寧元年春正月沈氏羌寇張掖六月復入寇護羌校
尉馬賢討破之

賢將萬人擊之初戰失利死者數百人明日破之斬首千八百級獲生口千餘人馬牛羊以萬數餘虜悉降時羗在上郡西河者號沈氏也賢不知何地人以騎都尉拜征西將軍屯漢陽六年春戰沒按漢陽今永固城

孝獻皇帝興平元年以河西四郡置雍州分張掖置西郡

時分涼州河西四郡為雍州分張掖置西郡以日勒山丹等縣隸之

魏明皇帝青龍三年秋七月刪丹縣金山元川溢湧寶
石負圖魏氏春秋曰狀象靈龜廣一丈六尺長一丈
七尺一寸圍五丈八寸立於川西有石馬七其一仙
人騎之其一羈絆其五有形而不善成有玉匣闕蓋
於前上有玉字玉玦二橫一麒麟在東鳳凰在南白
虎在西犧牛在北馬自中布列四面色皆蒼白其南
有五字曰上上三天王又曰述 金大討曹金但取
之金立中大金馬一匹在中大告開壽此馬甲寅述
水凡中字六金字十又有若八卦及列宿字彗之象

馬世語曰又有一雞象搜神記曰張掖之柳谷有開石焉始見於建安形成於黃初文備於太和周圍七尋中高一仞蒼質素章龍馬麟鹿鳳凰仙人之象粲然咸著漢晉春秋曰氐池縣大柳谷有蒼石立水中長一丈六尺高八尺白石畫之為十三馬一牛一鳥八卦玉玦之象其文曰大討曹適水中甲寅又晉焦勝所上圖亦稱氐池與諸說小異詳下

晉武皇帝泰始三年夏四月張掖太守焦勝上元石圖勝上言氐池大柳谷元石以留郡本圖校今石文文

字多少不同謹具圖二按其文有五馬象其一有人
平上憤執戟而乘之其一有若馬形而不成其字有
金有中有大司馬有王有大吉有正有開壽其一成
行曰金當取之初魏帝惡其為討也使鑿去為計以
蒼石窒之宿昔而白石滿焉至是其文愈明馬象皆
煥徹如玉詔以制幣告於太廟藏之天府

孝安皇帝隆安三年段業稱涼王以蒙遜為尚書左丞
梁中庸為右丞四月使蒙遜攻西郡拔之

蒙遜以萬人攻呂純於西郡經旬不克蒙遜乃引水

灌城純窘乞降執之以歸

後涼遣兵討段業於張掖禿髮烏孤遣兵救之乃罷歸
時呂光使其子紹纂討業業請救於烏孤烏孤遣其
弟利鹿孤及楊軌救業紹纂懼燒氏池張掖麥穀而
還或言出三門關挾山而東纂以為示弱不從業將
擊之蒙遜諫乃止各罷按三門關今山丹大口子禿
髮之髮或作髮晉書作髮

五年夏五月沮渠蒙遜弒段業自號大都督北涼州牧
據張掖蒙遜欲與沮渠男成殺段業男成不聽蒙遜

遂譖殺男成即以男成之死激其衆叛比至氏池衆
踰一萬鎮軍臧莫孩以衆赴之羗胡多響應蒙遜壁
於侯塢業遣將田昂擊之昂至侯塢遂降蒙遜進軍
張掖昂兄子恣愛斬關納之遂斬段業自號使持節
大都督大將軍涼州牧張掖公赦境內推任房晷梁
中庸張隲謝正禮皆為右職文武咸悅是為北涼
義熙六年張掖地震山崩木折沮渠蒙遜攻禿髮氏西
郡太守楊統於日勒降之
永安木生連理

永安令張披上書曰異枝同幹遐方有齊化之應殊
本同心上下有莫二之固蓋王道之嘉祥大化之美
徵蒙遜曰此皆二千石令長匪躬濟時所致豈吾薄
德之所能感

魏太平真君元年夏四月沮渠無諱寇張掖禿髮保周
屯刪丹嶺撫軍大將永昌王健督軍討之六月保周
自殺無諱降

無諱故北涼酒泉太守也三月陷酒泉至是圍張掖
不克退據酒泉永昌王健至番禾破保周保周遁會

自殺八月而無諱降後西走據鄯善

隋煬帝大業五年帝幸張掖

先是帝使左丞裴矩駐張掖司互市矩上西域圖記
帝將西幸又使矩至張掖招致西番至是帝次燕支
山高昌王伊吾設等及西番二十七國謁於道左皆
令披金錦奏歌舞又令張掖武威士女盛服縱觀騎
乘填咽周亘數千里帝由大斗拔谷丙午至張掖谷
逕險狹時值風霰晦暝與從官相失士卒凍死者大
半

唐元宗開元十六年敗吐番於祁連城

河西節度使蕭嵩使其副將杜賓客敗之祁連城永固城南

宋景祐二年西夏以甘州為鎮夷軍立宣化府以刪丹為甘肅軍

十六年蒙古諸王察合台取西夏刪丹州以元帥按竺迺鎮之

元世祖中統元年夏四月諸王合丹及八春汪良臣山丹州元帥按竺迺大破阿藍答兒渾都海於甘州東

殺之

二年遣阿沙焦端義撫治甘肅

以新羅兵革故遣

三年饑賑

至元元年立甘肅路總管府始治水田

董文用為西涼中興等行省郎中始督開之

六年以阿只吉大王行山丹城事

初即王分地也刪訛作山後因之

九月括戶口定田稅

十三年七月敕山丹城直隸省部

以達魯花赤行者仍總管府領之

三月給驛鈔

山丹城等驛給鈔千錠為本俾取息以給驛傳之須

十五年六月置甘州和籩提舉司

以備給軍餉賑貧民按元和籩皆增其直而市於民
兵不乏食而民亦用以不困蓋常平遺意也

十六年置宣課提舉司括戶口

是時阿合馬專政務為聚斂始置司收稅課詔諸人

無或阻擾而以免兒赤領之括戶口亦其意也

十九年十一月詔甘州新括土田畝輸租三升徙甘州
民戶復業

五月詔甘州每地一頃輸租三石敕采兒只招流民升
山丹城為州

二十三年六月敕廩給新招貧民

八月饑禁酒

二十九年罷甘州酒禁權其酤

三十一年禁釀酒

成宗元貞元年弛酒禁

三年賑驛戶

大德七年正月禁釀酒

五月括站戶

時站戶多依貴勢避役而僧人隱匿尤多有司坐困莫可誰何有言於朝者詔括檢之特令為僧人禿魯花等隱藏者一例還役自是驛一清

詔甘肅官無職田者驗俸給米價

憫邊遠恤未吏也

重宗皇慶元年給戍軍貧者鈔

二年饑禁酒

延祐元年伯都為甘肅行省平章政事

冬十月復甘州屯田

蠲租賦也

六年正月敕甘肅軍官致仕還家者官給驛傳

三月禁釀酒

八月開酒禁

三年二月大雨水漂沒行帳孳畜十二月免秋糧十之

三

秦定帝秦定元年雨傷稼賑

文宗天曆三年五月雨雹

六月命行省誦藏經

特命誦藏經六百五十部施鈔三萬錠踰年二月立

甘肅路廣教總管府以掌僧尼之政

二年三月旌山丹州郝榮妻李閏貞節

順帝至元三年赦逃兵聽復業

明太祖洪武二十三年九月置山丹衛

莊得為山丹衛都指揮使嘉禾生

得督農講武是年麥秀一莖兩穗人以為德政所致
後從討燕王力戰殉節

二十六年徙陝西行都司治甘州

陝西行都司先治莊浪至是徙置甘州領衛十二曰
甘州左衛甘州右衛甘州中衛甘州前衛甘州後衛
肅州衛山丹衛永昌衛鎮番衛莊浪衛西寧衛沙州
衛守禦千戶所四碾伯鎮夷古浪高臺

成祖永樂四年以甘泉監祁連監隸西寧苑馬寺督之

明憲宗成化十三年四月甘肅地裂又震有生地生白毛冰厚五尺間以雜沙有青紅黃黑四色

孝宗宏治元年小王子犯山丹

世宗嘉靖三年巡撫寇天敘敗回賊於山丹

天敘字子惇榆次人由鄉舉累官僉都御史巡撫甘肅以銀的教射賞中者回賊犯山丹擒其長脫脫木兒及餘黨三十六人按天敘破山丹回賊與九疇破土魯番並在三年蓋先後際也後西域貢獅子犀牛西狗天敘力請却之

二十五年鎮羌叅將葉勛等敗寇于山丹

二十六年七月乙丑風霾晝晦色赤復黃

二十七年套寇犯山丹遊擊蔡勳馬宗援擊敗之

四十年二月地震有聲壞城堡廬舍

神宗萬曆十九年十月地震壞城垣

一
二
三
四
五
六
七
八
九
十



一
二
三
四
五
六
七
八
九
十

一
二
三
四
五
六
七
八
九
十

山丹縣續誌卷二

國朝輯畧

大清

世祖章皇帝順治二年大兵平定甘州都御史黃國安巡撫

甘肅總兵官劉有竇鎮守按察司副使羅曠為分巡

西寧道

六年蠲無主荒糧

七年罷甘州前後衛

始建廟學

八年總兵官張勇開市洪水

洪水古金山郡地南接番夷秦邊紀畧曰時總兵官
籌皮馬之利始與海部通市於洪水而海部黠酋遂
夤緣漸駐近地時掠民畜勒贖乃還甘南大擾

九年

詔免故絕拋荒並淹沙壓地畝賦額

十二年設黑城營守備

聖祖仁皇帝康熙元年改設黑城營為遊擊

八年置永固城守備

馬步兵三百二十二名

改洪水遊擊為叅將

改增馬兵一百名至十一年裁撥永固仍設遊擊

九年免故絕拋荒賦額

十年置馬營墩守備

馬步兵一百四十八名把總一員

始定設永固協副將

時因夷人刁爾吉懷阿爾賴部落侵入大草灘因分
置副將遊擊守備於灘之南北邊堡以昭彈壓

十三年十二月仍設山丹營遊擊置碓口營守備

三十三年改大馬營守備為遊擊

四十二年招流民復業

四十三年七月山丹衛馬營墩兵杜養真妻一產三男

五十年蠲

五十二年賑貸平糶緩徵

時夏秋荒旱

詔發倉糧貸貧民本年正供俱緩徵又出粟平市價俾毋
昂貴不能自存者賑之

五十三年賑給籽種牛具以招流民

自二月起至六月終止大口日給糧三合小口二合

又

詔招復流民無種及耕牛者官為給之

五十六年蠲

先是五十五年

詔曰邊民効力轉輸急公固其常分而民勞亦所當恤其

五十六年額徵銀米草豆並歷年逋欠正賦悉除之

至是年又以分年帶徵銀兩仍須徵收恐小民贍家

不給並免

五十七年再蠲

五十八年再蠲

五十九年再蠲

詔曰軍行既多飛輓之勞辦賦復滋催科之擾按自五十
六年無歲不蠲皆此意也

六十年復蠲地丁銀賑災民貸籽種

今邊民貸籽種口糧歲為常

世宗憲皇帝雍正元年蠲逋賦及從征鎮兵追補馬價

世宗軫念軍興以來運送供支悉資民力自康熙六十年以前民屯衛所未完民欠銀米草豆悉予蠲免從征官兵倒斃馱馬價值憫其勞肆亦從寬免又以三釐三合銀糧惟陝甘有此徒有加賦之名而無賑濟之實自是年始永罷之

三年罷陝西行都司置甘州府以甘州左右二衛置張掖縣以山丹衛置山丹縣並高臺所鎮夷所置高臺縣並隸之

七年

世宗以民急公趨事加以催科未免追呼之擾凡民戶屯戶
及番民等應徵銀米草豆並蠲

八年再蠲

九年蠲地丁銀

十年改硤口營守備為都司

馬步兵增至一百九十五

十一年改永固梨園馬營墩三營守備俱為都司

詳見鎮汛

十三年蠲地丁銀已完者准來年正賦

八月

皇帝詔蠲宿逋

十二年以前積欠屯科糧草並蠲

皇帝乾隆元年罷征準噶爾兵

罷徵馬糧及五升社糧

知山丹縣祁安期始建山丹書院

六年蠲宿逋

雍正六年至十三年借欠並蠲元年以後者分六年

帶征自壬戌始

十年蠲地丁銀及額徵屯糧草束三之一

凡蠲恒例不及糧草重軍儲也

高宗以邊郡額徵類多糧草而徒蠲地丁未免偏苦特蠲糧草三分之一使得均沾實惠焉

十六年蠲

將乾隆元年起至十年止民欠未完地丁錢糧盡行蠲免

十七年七月大風晝晦五色如電再逾時冬雞早鳴是時邊境寧謐徵發不擾休養既久物阜民康

六月改設黑城營遊擊為都司

九月蠲

二十二年正月再蠲

自乾隆十六年起至二十二年止民欠地丁錢糧盡
行蠲免

十二月派撥戶民赴吉木薩東北古城並烏魯木齊等
處屯田

山子集

卷之二

下

--	--	--	--	--	--	--	--	--	--

山丹縣續誌地理卷三

疆域

漢張掖郡東兼番禾顯美驪罕之區北攝居延之塞疆
理所及蓋寥濶已東漢以來漸以分割故所領縣僅餘
其六薦更三涼郡邑駢夥增置雖多非有式廓之實也
隋益福祿唐復汰之洎於元明領地尤廣今置山丹衛
至我

朝改衛為縣揆諸疇曩蓋猶東漢之故墟而有唐之遺宇
也幅頓四至分列於左

交界

山丹縣府東南一百二十里東至定羗廟涼州府永昌
縣界一百里西至樂定堡張掖縣界三十里南至祁
連山黑番界一百五十里北至邊牆北部界三里東
南至白石崖口黑番界一百八十里西南至祁連山
黑番界一百五十里東北至玉泉墩化部界一百二
十里西北至龍首山北部界三十里縱一百六十里
橫一百三十里

沿革表刪改廿誌

禹貢黑水西河惟雍州導弱水至于合黎注水經者
曰在今刪丹則刪丹為雍州之荒服西戎之舊墟也
至殷武丁伐鬼方三年乃克自彼氏羗莫敢不來享
周武王通道於九夷西旅貢厥熬秦始皇北擊匈奴
悉收河南地築長城起臨洮至遼東萬餘里渡河據
陽山北假中當時匈奴頭曼不勝北徙而月氏據之
月氏本行國也隨畜移徙居祁連間楚漢分爭秦所
徙謫邊者皆復去匈奴漸南迨冒頓兵強攻破月氏

餘衆保南山羗號小月氏州為昆邪王封地漢武帝
元鼎中冠軍侯霍去病大啟西塞始置張掖郡列為
郡縣東漢以降薦更三涼厥名祁連幅幘猶是非有
式廓之實蹟也及唐代宗淪于吐番至宣宗據於回
鶻經歷五季至宋天聖而入於西夏蓋其隔絕聲教
者越數百年元世祖時復通中朝延及有明厥惟重
鎮而曰衛曰所

國初未之有改雍正中悉舉衛所而郡縣之山丹衛遂
改為縣初隸甘山道後改隸甘肅道今改隸甘涼道

沿革之故隨時制宜規模益宏遠矣歷者古今舉可
知者著於表

山子集

卷之三

三

--	--	--	--	--	--	--	--	--	--

四以隋定蓋時郡廢而並諸是書
初如于復廢郡時蓋定隋四
也漢一統而並諸是書

山丹縣

刪丹在縣南一百二十里支山下日勒在今

即日勤置郡

地日勤始置仙提萬歲二縣其治未詳

改日勤為永寧

廢西郡以永寧為弱水

廢弱水以歸入山丹

元魏刪訛為山至是復古無復訛今仍之

刪丹地

山丹州古居延塞在大口北

山丹縣志

沿革表

事
ノ
目
録

一
ノ
二
ノ
三

一

山川

山丹古用武地也於山有祁連焉支之拱抱於東南於水有弱水紅池之滌洄於西北攬其形勢足以控制羌胡為甘涼津要蓋礪山帶河而鞏固全湯者也而今承平年已久矣山則草木葱蔚積雪最深春夏融消以資牧畜水則羣川分流其源浩浩引水灌田居氏利賴豈猶是昔之障居延扼青海徒矜雄鎮而懼番部已哉

龍首山

城西北三十里一名甘凌山俗名北山通志曰甘凌又名甘峻山陰有泉旱禱輒應內石洞三有龍眼石土人以晦明卜歲焉

焉支山

城東南八十里俗名大黃山隋志祀山匈奴歌曰失我焉支山使我軍中婦女無顏色即此土人以山產大黃極佳故名之括地志曰一名刪丹山在刪丹縣東南五十里據古刪丹而立言也單于婦名關氏音焉支與胭脂同義唐哥舒翰建神祠於

山麓天寶間封山神為寧濟公王摩詰有焉支行
金山

城南百一十里洪水之南山北涼以名郡晉書刪
丹金山隋志張掖有大柳谷與山丹接界即金山
也

瞭高山

城西南十五里

祁連山

城南一百五十里一名窮石山

石嘴山

城西十里山北直土崗而中斷弱水出焉世傳大禹決之以導弱水處下皆瀉鹵雨後經日色白如鹽

紅寺山

城北二十五里山土石皆赤上有岸深六尺高八尺中藏古龕石佛又名紅寺洞

石挾口山

城東南八十里兩峯相對下有石井入甘正道甘

涼扼要之區也

饅頭山

城東北九十里肖其形名

澤索谷

城東南百里漢日勒都尉治此東漢以後為西郡

治所

大斗拔谷

城東南百二十里接永昌境一名達斗拔谷音訛

也一統志云即今扁都口

扁豆口

城南一百里通青海道水草豐茂行旅便之今往來青海西寧者多由此

白石崖谷

城南二百二十里亦青海西寧道而較險狹

土軍谷 城南七十里

後所山谷 城南一百二十里

無虞谷 寧番谷 並城南一百三十里

和寧谷 靜寧谷 並城南一百三十里

大慕化谷 小慕化谷 並城西南一百五十里

龍頭山谷 城西北二十五里又北五里大口子名

鐵門關晉三門關又北有居延城路伏波所守也

白路谷 羚羊谷 紅寺谷 並城西北三十里

白土谷 城西北二十里

青山谷 城北三十五里

弱水

城西郭外源出縣東南焉支山下西北流逕縣西南又西北逕東樂北又西北逕古城北又西北逕

甘州北入於黑河接書曰弱水既西又曰導弱水
至於合黎餘波入於流沙而漢地理志曰刪丹有
弱水又曰居延澤在張掖東北古文以為流沙唐
括地志曰張掖東北六十四里有居延海蓋謂弱
水至府東北入於流沙也王氏通釋曰弱水刪丹
南羌中窮石山唐書註本水經又謂居延在今張
掖山外東北千餘里諸說互異故第以今所見註
之然禹貢弱水流沙的在府境志不為無稽直漢
於義未盡耳集中撰著一以漢志為宗玉學潛弱

水諭附於藝文以備參考又舊志作刪丹河

洪水

城西南一百六十里

福龍玉泉

城南轉輸寺西其水南流清冽宜茶

暖泉

城東南四十里平地湧泉二穴洎寒不凍有渠溉

田

石井

城東八十里張侯勇鑿以濟行者

勝泉

城西二十里通志曰馮勝泉蓋明史氏名之

南湖

城東南一里周圍九里俗名南草湖多蘆葦湧泉

西湖

城西一十里周圍七里俗名西草湖亦多蘆葦有

泉

紅鹽泉

城北五百里池鹽紅色其根可作器明洪武年產
指揮莊得採貢歲辦後以地屬境外停革

白鹽池

在居延澤之旁

仁孝集

卷之三

十一

古蹟

古蹟之淪湮久矣然考甘誌所載漢初居延置縣以
護居延人嗣李陵出居延至浚稽山其古蹟至今猶
存晉永和置漢陽縣於祁連尋改祁連郡即古匈奴
避暑地也歷至隋大業五年帝親征吐谷渾經大斗
拔谷其蹟尤大彰明較著者今依甘誌所載鱗次集
之俾考古者按縣誌窮地理撫摩陳迹猶可於荒烟
蔓草中深居今稽古之意也

刪丹古城

明一統志曰在今衛南一百二十里燕支山下按
在今寺溝口內近鍾山寺地其山即燕支山以曉
日出映丹碧相間如刪字一名刪丹山而縣以此
得名云

祁連古城

城西南一百二十里永固城南山麓故匈奴單于
避暑城也晉志永和中前涼張祚初置漢陽縣以
守馬牧張元靚改號曰祁連郡魏書李寶父翻為
祁連晉昌二郡太守尋廢唐開元十六年金吾將

軍杜賓客破吐番於祁連城下即故城也

氏池古城

城西南一百六十里今洪水城漢氏池魏晉蘭池
宋金山十六國春秋秃髮儁檀宏昌五年伐蒙遜
次於氏池蒙遜嬰城固城芟其禾苗至赤泉即此

日勒古城

城東南百里許古澤索谷日勒都尉治此漢獻帝
分置西郡治日勒十六國春秋蒙遜永安八年攻
西郡太守楊統於日勒拔之隋志刪丹有西郡永

寧縣西魏郡廢改縣為弱水周省入刪丹今土人云古城窰

萬歲古城 千歲古城

二城皆光武時竇融所築今未詳

居延塞古城

城西北大口子北當磧口土人云有古城有遮虜障遺址按漢初置縣如日勒刪丹氏池昭武率當扼塞如戍守然居延當要塞置縣以安處所獲居延人而控制漠北者也漢初列十縣太初三年路

博德築居延澤上天漢二年李陵出居延至汲稽
山期遮虜障相待皆此地厥後改居延都尉安帝
時別領居延一縣建安末立為西海郡後周保定
中置號同城戍唐初為同城守捉天寶中置安北
府寧冠軍夏國嘗立威福軍漢書注曰居延塞在
今張掖東北唐書陳子昂曰同城當磧南口也

仙堤廢縣

城東晉西志郡領仙堤萬歲蘭池三縣舊唐志晉
分刪丹置仙堤萬歲臨松三縣煬帝併入刪丹新

志有仙堤舖在縣東十里以故縣為名

金山廢縣

城西南十六國春秋沮渠蒙遜永安十年以從伯羅仇于成都為金山太守隋志刪丹有周置金山縣尋廢

三門關

城西北三十里龍頭山谷內俗名大口子明鐵門關即古居延道也十六國春秋呂光龍飛四年遣子紹段業於張掖紹欲從三門關挾山而東

纂曰挾山示弱取敗之道不如結陣衝之紹引軍
南業按兵不動

大斗拔谷

定羗廟東接永昌界隋煬帝大業五年親征吐谷
渾金大斗拔谷山路險魚貫而出風霰晦冥從官
相失士卒凍死越數日次張掖唐貞觀八年李靖
討吐谷渾凱還上使勞軍俱即此

鉅鹿塢

城東南漢延熹三年燒何羗寇張掖入大斗拔谷

攻沒鉅鹿塢護羌校尉段熲擊破之即此

土佛寺

城西十里正統中建刊山為佛加以塗繪高四丈五尺耳大窠稱土佛寺詳壇廟

石壁獵形

府城東九十里石山上有鷹犬等形

名勝

合黎禹蹟

合黎刪丹西十里石嘴山北土崗勢與山接而中斷
弱水出焉世傳大禹導弱水處架水有古橋橋北板
屋參差隱見烟林間朝暎夕月饒有勝致

居延勝塞

鐵門關北連忽山關大道中通丹崖翠嶂遞互層疊
盤踞令人流眄不置而渡虜障遺趾尚存伏波狀猷
如在目前矣

刪丹朝暉

刪丹山在今范家營南俗大黃山古焉支山也名峰嶺比次每朝日初上其陽承暉色若丹而其陰凝烟為深碧丹碧相間如刪字漢初取以名縣亦山水之奇觀也

石壁獵形

城西二十里峭石嵯岬中現石壁上有臘形鷹走飛犬獐狐狻兔跳躍奔走近看模糊遠望跡痕如畫一繡打圍景况

神鐘自鳴

縣城雷壇古繫神鐘一口是銅非銅是鐵非鐵非金非石鑄有沙州都督索允幾字逢朔望不扣自鳴聲
徽城廓人以為神靈妙應

西湖沉芥

城西十里鋪有巨湖週圍濶二三里名清泉河水弱無波擲以草芥沉不能浮俗傳為神禹導弱水處
髮塔遺跡

城東南隅明洪武間指揮莊得取土築城得鐵佛五

位石函一啟視之有髮如新又有石爐鐫字曰髮塔
藏經廣明集云甘肅東一百二十里有山丹南古堆
昔阿育王造八百四十塔東震旦國一十九所一所
在此名曰阿育王塔今名髮塔勅建髮塔寺因以得
名

石硤封雲

城東八十里石硤口中時有濕雲竒峯疊封山巔望
之黮黮盡日弗散越數日必降甘霖野舍沛澤農夫
課晴問兩目極容雲停渡以為靈驗

日勒翻影

城東一百里定羗廟界古城窪有舊址即漢日勒西
郡故墟也每當天曉晨光四射旌旗照耀雉堞燦然
望之若有忘其幼影者巡撫陳渠云旗翻日勒影為
猶信

焉支勝景

城東南九十里大黃山古渾邪王故地川巖秀麗水
響谷間四顧野鳥喧鳴名花照眼松栢匝植藥草漫
山輝映一坑鋪若胭脂唐哥舒翰建寧濟公祠後因

為名刹福地而其山帶濕常霧有雲輒雨名為勝景
信耐觀也單于遠遁悔失焉支信然

暖泉冬溫

暖泉堡之西南鹹壩灘灣旱地湧二小泉其水溫暖
經嚴冬不凍滌洄灌田可以代雨澤

龍眼應雨

龍頭山有龍眼其睛若金銀鑄成非烟非霧紉縵空
際常隱不見當夏日炎炎天色晴朗龍眼閃閃光如
星芳不崇朝即雨神異莫測

祁連積雪

山隸漢陽南山湟中北境今之永古城大草灘野馬川古界山下有舊圮乃祁連古城山形屈曲宛若長虹接焉支至哈密一帶皆山之陽南口踰巴里坤皆山之陰直趨今迪化州山常積雪雖夏不消

四澤泉流

城東南里許草湖水源所出湖中蘋泛草蕃小泉續發最東一泓泉水微細名草湖頭壩次泉數泓沮洳合派名草二壩再次原泉混混壅堤分流則為草湖

三四壩繞城穿郭不東注而西傾倒四澤充滿灌溉民田故乎刪丹河至於合黎山餘波入於流沙因其有本自爾瀾漫無涯禹貢謂弱水既西此也

漢陽要塞

永固城漢陽大草灘扼要地也漢永寧元年氐羌入寇護羌校尉馬賢將萬人討破之斬首千八百級生擒千餘人馬牛羊以萬數餘虜悉降以騎尉拜征西將軍屯漢陽六年氐羌不敢深入我

朝康熙元年黠羌數百帳戀大草灘水草之饒力求駐

牧大司馬往會境上自晨至日中爭持不決時靖逆
侯張勇在旁室歛乘八柵車唱殿而出大司馬等皆
起羗使詢譯者知為公大驚匍伏趨前曰惟公命公
厲聲曰大草灘內地非取之爾爾安得請

國家遇爾厚即無所惜吾邊臣也雖尺寸之土可棄乎
皆色沮謝過而退事遂已公因設永固協營築八塞
守望益嚴自此屬國杜其邪謀西疆安堵康熙四年
海虜之入貢者黃緣請乞大草灘為牧地朝議不決
遣信臣及提鎮督撫會勘將許之王進寶持不可白

軍門大草灘甘涼扼要以界虜則藩籬已撤而西陲
無寧曰請城永固以守僉以為允上其議乃擢進寶
副總兵協鎮永固而祁連以北無極帳者

山丹縣續誌卷四

營建

城郭 參舊志

地當孔道羌夷要衝誠河西咽喉也金城湯池莫斯為重漢泊鱓得鄂郭無考西夏以來頻紀修營而山丹為夏甘肅軍舊志稱古刪丹非其實也明時均作堡寨雖叢爾無稽而隣鄰番界綢繆桑土奚容緩乎
乾隆二十八年七月奉

上諭各省督撫嗣後將所屬城垣細加查勘如稍有坍塌

隨時按例保固仍於每歲年底繕摺彙奏欽遵在案
於是邊陲鞏固益具巖巖屹屹之觀矣

縣城周七里二百九步高二丈八尺厚三丈五尺東
西南三門皆重闔樓櫓畢具池深九尺濶二丈五尺
東西無郭南郭連亘東西與城等而夏趙元昊建元
至元二十六年新之周一里二百六十步明洪武二
十四年指揮莊得展築周七里二百九步如今制萬
歷中增築南關城我

朝乾隆二十四年大水毀南關城郭二十五年知縣王

曹望領

帑重修

東城門

承暉

峽谷嶙峋

西城門

靖遠

新堡雲韶

南城門

陽武

南樓遠眺

一向額北
甘凌凝

--	--	--	--	--	--	--	--	--

街衢

周禮在野為井在城為廛王制曰凡居民量地以制
邑度地以居民地邑民居必參相得故市朝道巷門
渠量人所職也山丹本舊州土廣而居稠四街通明
棹楔差義為西疆通衢其規模亦甚恢廓云

正南街 巷三道文廟巷 城隍廟巷 鐘樓巷
樓鐘

舊志在城中央
今止有巷名

正東街 巷三道倉灣巷 小壑巷 大壑巷

正西街 巷二道王什巷 小寺巷

正北街 巷一道馬神廟巷

市舖在南關廟

糧食市大什子南

三邊掛印坊為明總兵官武振建今廢

十乘元戎坊今廢

都督坊南街為明平羌將軍甘肅總兵王允中建
道光十年知縣黃璟重修

聯登甲第坊為明進士王建侯建今廢

義士坊勅予樂善好施道光十二年建在東路道旁

壇廟

禮云有功於民則祀之邑中壇廟載在祀典者春祈
穀秋報賽固報本追遠以酬資生萬物之功其先聖
先賢奉天道明覺世牖民以垂統萬世不朽者自宜
尊崇廟貌以肅祀典而理神明顧鄉民禱雨隨在設
土為壇里人夢神咸思鳩工構廟丹邑地近西域尊
尚佛教其琳宮梵宇昭提蘭若以祀西方大士者無
如非來勝境茲將城鄉壇廟悉書於誌願人之履其
地者或思修除或深禱祀起敬起戒拔濯身心庶神

明對之可以享明德之維馨耳

社稷壇城北明建

國朝乾隆年歷任重修道光十二年知縣黃璟復修

風雲雷雨山川壇城南雍正十二年知縣祁安期修

先農壇城東雍正六年知縣翟容鑾建乾隆十九年

知縣李復發重修

厲壇城外東郊明嘉靖年建我

朝乾隆七年知縣楊董重修

文廟城內南街明建詳學校

名宦祠戟門左 今改修

鄉賢祠戟門右

崇聖祠文廟北俱詳學校

忠孝節義祠文廟東雍正九年知縣范榮建 今改修

武廟縣治內明洪武年建 今改修

城隍廟城東南隅明洪武二十四年指揮莊得建萬

歷十六年守備熊國 掌印趙繼祖修我

朝乾隆四十二年典史周信募修俱有碑記

關帝廟一在城南郭明洪武年建永樂十二年指揮

呂均修我

朝乾隆四十四年署知縣舒玉龍重修道光十三年知

縣黃捐廉勅修

三公祠於正殿後

一在城南四十里暖泉堡外元至正元年承事郎山

丹州達魯花赤上間美建明永樂十一年修

一在城西南一百一十里永固城南關康熙十二年

僧海珉募建副將陞任提督王進寶懸匾乾隆三

十一年僧廣裕募修副將紹涵等獻額

火神廟縣治南

馬神廟縣治北

雷壇城東南隅明永樂九年建正統十一年指揮楊斌彭智續成景泰六年指揮張熊趙俊增修江右生員劉喜碑記崇正七年重修

旗廟縣治東雍正三年遊擊王建瑞建乾隆三十三年遊擊官達色重修今廢

文昌廟縣治北明正統十四年指揮彭智建今移建東嶽廟城南郭明永樂七年建正統十二年指揮彭

智修御史年倫碑記萬歷二十二年指揮陳命爵
修我

朝康熙三年邑人王復元重修

元帝廟城正北明正統十二年指揮楊斌建踰年指
揮彭智嘉靖元年指揮楊果俱重修有碑記剝落
萬曆二年又修我

朝康熙十五年會首杜學孔李蔚等募修

地藏寺城北隅明正統八年建

八蜡廟城南郭

龍王廟城東闕

忠節祠城學宮西明嘉靖十四年巡撫都御史趙載
檄指揮鄭紀建祀漢伏波將軍路博德隋吏部侍
郎裴矩唐河西節度使王忠嗣河西兵馬使李光
弼河西節度使李嗣業元丞相脫脫明總兵武振
指揮莊得鄭通揚善鄭倫千戶索雄馬月梅全百
戶王真范榮秦玉尚名尹果顧謙趙伏張秀凡二
十二人簽事張問行碑記傾圮今重修

寧濟公祠燕支山麓唐天寶中封山神為寧濟公今

圯

髮塔寺城東南隅明洪武年掘土築城得鐵佛五石
函一內藏髮又有名鍤鐫字曰髮塔有遷來南人
包志信陳文昌募建為寺宣德年太監王安指揮
楊斌繼建正統十三年指揮彭智增修僧桑爾伽
藏卜與比丘相思藏勒銘濱州訓導陳敏碑記二
道

千佛寺城西北隅

觀音寺城西郭內明洪武二十七年建正統十年重

修

觀音堂城南關內明統三年建

清泉寺城西南十里

土佛寺一名大佛寺城西十里許明正統六年太監

王賁指揮楊斌建內佛像高一十三丈覆以重樓

七層鑿山為之濱州訓導陳敏碑記景泰六年僧

智瑩勒石萬歷九年巡撫侯東萊重修汝南吳同

春有詩常住伍壩八壩田五十畝輪助水利

轉輪寺城南郭外康熙八年遊擊鄭罷守備向騰蛟

等募建十五年恩貢周士美碑記

雲臺寺城南五十里暖泉堡外明宣德四年僧正宗募建成化七年庠生徐體仁碑記萬歷四十八年都督同知王允中等修我

朝康熙十一年甘山道表州佐批給常住田五十畝

馬喝喇寺城南六十里寺溝口明正統六年僧沙伽會募建萬曆三十四年居士張文張世龍等重修太學生王尚綱碑記

西山寺亦名觀音寺城南四十里劉英寨有碑剝落

明成化年太監魯建

石洞寺城南一百二十里

仙堤寺城東仙堤鋪今廢

鐘山寺一作中山寺城南八十里大黃山中地極幽

窗明信士李大國重修巡撫田樂侯東萊都督同
知張成列銜鑄鐘開載常住田旱地一頃水地三
十畝

廣化寺城南八十里花寨堡明宏治四年指揮趙譽

僧郭月峯募建

西古佛寺永固城西關始建無考乾隆二年僧王族
成募修

寶霖寺城西南八十里雍正十二年建乾隆二十四

年僧楊咀增鑄鐘府記

北宮斗縣治北

玉皇廟縣治東

三官廟城西關

賜兜山寺城南三十里

王將軍祠城東一百里

定羌關帝廟始建無所考明隆慶五年重修萬歷三十八年平羌將軍總兵官太子太保都督同知榆陽張臣重修懸匾我

朝康熙二十五年鎮守甘肅總兵官平羌將軍左都督加一拖沙喇哈番世襲精奇尼哈固原王用予重修碑記一道附考萬曆十八年套虜卜失兔踰永昌水泉鋪欲獵於西海甘肅總兵張臣提兵禦之仗劍一呼虜皆奔潰回視我兵赤面爭先所向無敵斬首百二十級幾俘卜酋是時天神默助廟鐘

不擊自鳴者三日今水泉鋪三道溝坪有張將軍
戰勝碑年久前仆傳有道人以鐵鎖支其顛俗名
鎖子碑字剝落

呂祖宮城北灣

希夷庵城南碕

榆樹寺城西南七十里道光五年邑人募建

義士祠城南敦恕村

公署 倉庫附

山丹西夏為甘肅軍元為州明為衛至我朝改為縣官署半皆曩昔有也乾隆三十年奉

上諭衙署為辦公之所蒞事親民觀瞻所係豈可任其歲久傾圮不加修葺嗣准借帑興修計歲入養廉分年扣還公私均有裨益欽遵在案自是文武公署迭經修造完整或私庭書廨拂有清風或戟臺榮門雄標重鎮他如學舍布文翁之教化鴨堂藏少尉之文章睹葺故鼎新之象居其中不可揚

國家文治武烈之盛也哉

縣署本城東北隅明守備都指揮署

國朝乾隆三十九年知縣閔鵠元借帑重修道光五年知縣尹特生重修

游擊署在城西北隅

教諭署城東南隅詳學校

典史署城西南隅

陰陽學

醫官

僧會司

道會司俱無署

書院城東北隅一名刪丹書院一名仙堤書院久圯
龍峯書院在文廟東乾隆五十八年知縣明福創
修至道光二年知縣顏廷彥建

察院城東南隅明正統三年都指揮楊斌建今廢

永豐倉城東北隅明洪武二十四年指揮莊得建景
泰五年指揮張勳修我

朝乾隆四十一年知縣閔鵠元詳請折修

永固營倉始建無考乾隆四十一年知縣閔鵠元詳

請折修

大馬營倉始建無考乾隆四十一年知縣閔鵠元詳

請折修道光七年知縣黃璟同署山丹營遊擊王

慶重修

新河堡倉始建無考乾隆二十八年知縣蘇泰添建

四十一年知縣閔鵠元詳請折修

硤口營倉始建無考乾隆四十一年知縣閔鵠元詳

請折修

草場城東南隅明宏治十六年都御史劉璋建

養濟院城南乾隆二年署知縣周世清建二十四年

水衝二十五年知縣王曹望重修

鐘樓城中央明建今圯

山形県志

卷之五

三

--	--	--	--	--	--	--	--	--	--

關梁

關以嚴譏禁梁以利跋涉刑丹為西疆門戶番都
部族歲時入貢賓客商旅輸轅絡繹倘不設關以
察往來造梁以通車馬何以慎管鑰而利行人今
即甘誌所載以考其關梁舊跡其重門震疊高砮
層架者仍足以雄壯重鎮而通利征車月令所云
戒門關修鑰閉謹關梁者其此之謂與
古居延塞晉三門關明鐵門關也城西北二十五里
龍首山口白走龍荒大道亦通涼州寧夏

紅寺山關城北三十里舊曰紅寺山口明嘉靖中修

石關一道往歇塘哨

石人石馬關城北一百五十里

觀音堂橋城西關外

石嘴橋城西一十二里

大橋城西一里至三十里祁家店共橋四座乾隆四

十二年監生祁斌祁彥等募修

永安橋城北二十里舊名北津橋弱水經流處

南石嘴橋城南五十里

村堡

丹邑為河西襟喉西疆門戶南北直通夷業自昔數
被侵伐是以沿村築堡戒備綦嚴如大馬永固定羌
等堡高墉積石形勢岌業而又設兵固守以示防禦
無非壯雄鎮而拒番虜於今西域納賚化歸

天朝中外一家刁斗無聞村堡可以無嚴矣然百堵皆作
自古有頌設險之謀所在不廢茲將舊堡三十有四
依方而悉誌之

永興堡城南二十七里 魏機堡城南三十里

暖泉堡城南四十里

楊家壩堡城南五十里

仙堤鋪城東一十里

永興鋪城東二十里

居安鋪城東三十里

新河堡城東四十里

阜昌鋪城東五十五里

豐城鋪城東七十里

硤口堡城東八十里

定羗廟堡城東一百里

四埧堡城南二十三里

東高寨城南二十五里

馬寨子城南三十里

劉福寨城南三十里

孫家營城南三十五里

任家寨城南二十五里

蒲家寨城南二十五里

盧家堡城南三十里

新開埧城南四十里 劉英寨城南四十里

王城堡城南四十五里 侯家山堡城南四十五里

山灣堡城南五十里 范家營城南五十里

陳虎寨城南五十里 焦家灣城東南七十里

老軍寨城東南八十里 武寧寨城南六十里

巴寨子城南七十里 西山堡城南八十里

大黃山堡城東南七十里 花寨子城東南七十里

上土軍溝城南八十里 下土軍溝城南八十里

大馬營城東南一百里 黑城堡城南九十里

馬營墩城城南一百二十里 清泉鋪城西一十里

祁家寨城西十五里 靜安堡城西二十里

大橋堡城西二十五里 樂定鋪城西三十里

土關關城西南四十里 趙剛堡城西南五十里

童亮寨城西南六十里 高家關城西南六十里

王朗關城西南五十五里 東西鵲鴿城西南六十里

邵家關城西南六十里 下吾旗關城西南六十五里

張明關城西南七十里 顧家關城西南七十里

劉信關城西南七十五里 新堡關城西南七十五里

黃家關城西南七十五里 賈洗關城西南七十七里

電院寨城西南八十里 翟家寨城西南八十里

張仲楊家關城西南八十里 姚家寨城西南八十五里

葉官寨城西南一百里 郭家關城西南八十里

郭家關城西南八十五里 乃獨關城西南九十里

洪水堡城西南九十里 永固城城西南一百一十里

八卦營城西南一百一十里 吳佑寨城西南一百里

韓家營城西南一百里 上下姚庄城西南一百里

馬庄子城西南一百里 錢寨子城西南一百里

李寨子城西南一百里 三二寨城西南一百里

楊戶寨城西南一百里 黃梨寨城西南一百里

總寨城西南一百里 呂家窩城西南一百里

貴家寨城西南一百里 牛順寨城西南一百一十里

杏園子城西南一百一十里 下花園城西南一百一十里

觀音堂城西南一百一十里 王什寨城西南一百一十里

馬軍營城西南一百二十里 毛家寨城西南一百二十里

可家寨城西南一百二十里 上花園城西南一百二十里

二填寨城西南一百二十里 新添堡城西南一百五十里

羊坊堡城西南一百六十里	山家堡城西南一百六十里
臨山堡城西南一百五十里	高家湖城東南六十里
蔡家湖城東南七十里	左衛寨城西南一百六十五里
上石卷子城東南八十里	高廟兒城東南五十五里
下石卷子城東南八十里	元卷子城東南一百里
河西寨城東南九十五里	李家泉城東南八十五里
上孫家營城東南五十里	郭家庄城東南九十里
劉家庄城東八十五里	郭家庄城東南九十里
郭恕村城東南三十五里	河西寨城東南九十五里
駝嶺城東南一百里	二馬營子城東南七十五里

李家橋城南五十五里 苦茂灘城南八十五里
九個窰兎城東南九十里

驛塘

驛塘之設即置郵而傳令也丹邑東達京師西通新疆凡番部之職貢

天朝之使臣往來胥由斯路以故露布飛馳而車騎絡繹不絕自乾隆二十年裁汰驛丞統歸州縣嗣平定準噶爾回部各站增設馬匹驛分為三塘區為五改歸甘涼巡道總其成於臬憲較曩昔尤形整飭之嚴焉茲將道里之遠近孳畜之數目備誌於書寄郵者尚其所夕警備而無廢公務與

山丹驛本城西至東樂驛四十里東至新河驛四十里原額馬三十三匹新添馬八匹孳生馬五匹續添馬一十五匹共馬六十匹原額所牛五隻原額馬牛兵夫二十五名新添續添孳生夫一十四名共兵夫三十九名

新河驛西至山丹驛四十里東至硤口驛四十里原額增添牛馬及兵夫各數俱同山丹驛

硤口驛西至新河驛四十里東至涼州府水泉驛四十里原額增添馬牛及兵夫各數俱同新河驛上以

三驛

山丹塘西至西二十里舖二十里東至新河塘四十

里原額馬一十六匹夫六名

新河塘西至山丹塘四十里東至硤口塘四十里原

額馬及夫同山丹塘

硤口塘西至新河塘四十里東至定羌廟塘二十里

原額馬及夫同新河塘

定羌廟塘西至硤口塘二十里東至水泉塘三十里

原額馬及夫同硤口塘

山丹西二十里鋪塘西至東樂塘三十里東至山丹

塘二十里原額馬及夫同定羗廟塘以上五塘查舊有靜安永

寧鋪永豐堡等塘今俱更

墩鋪

墩鋪之設所以詰奸慝嚴警備也考邑之墩鋪在衢道者今多易名在鄉間者多襲舊名或為兵墩或為田墩無非守望守邊之常法是以在衢道者設有守卒在鄉間者或二三十數家或四五十數家令共築一墩每墩設總甲一人遇警報一至大城四路各發柴烽信炮傳示各鄉各鄉即斂人畜屯聚本墩以謀防衛按明巡撫楊博增置屯莊墩五十有九廖逢節更增六座石茂華又增數座即嚴防守詰奸細之遺

意也守茲土者其歲時整修毋令廢圯舊址可

城東

十里鋪 二十里鋪 三十里鋪 新河鋪

七里墩 阜昌鋪墩 紅羊圈墩 豐城鋪墩

七里墩 硤口城 硤口墩 古城窪墩

城西

五里墩 十里鋪墩 清泉鋪墩 二十里鋪墩 大橋墩

城南至大石碑止

城北至龍頭山嶺墩止

隘口

隘口可以嚴防禦由涼郡西入山丹石硤口羣蜂環
抱門通一綫所謂一夫當關萬夫不能越者也其南
距城六十里有寺溝口即秦邊紀累云山丹大子
又有白石崖口即秦邊紀累云峭壁攢峰與西北諸
隘口相狎連曲折盤鎖洵稱隘要可為西疆門戶自
我

國家承平日久商賈阜通貨賄諸隘口車馬絡繹不絕矣
即萬一小醜不靖露首窺伺而各隘口之雄鎮仙

堤者仍仡仡然壯震疊之勢而使之匿跡逃竄不敢犯境或遠或近其形相望列之於誌瞭如指掌
永固城協 漢單于城前涼張氏之祁連郡也明季
天啟年北夷挿漢六畜不蕃遂栖息於祁連山大
草灘牧養我

朝康熙八年築壘設協以鎮之大草灘皆歷曆目中所轄
之大馬黑城馬營墩鼎立灘內迤三十里近有洪
水為右臂遠有永昌高臺為聲援一切隘口總在
控制之列

山丹營 漢刪丹縣西夏置甘肅軍祁連拱外

夾流龍首山即甘凌山有隙地明夷人青把覩先

據昌寧湖漸次移駐巡撫田樂合圍戰馘七百餘

級即此乃前代要隘

所管開左

寺溝口離城六十里秦邊紀畧云山丹大口子城

東北一百三十里連山忽斷大道中通車轍馬跡

直走朔漠按自此北行抵由口古居延塞唐同城

守捉路博德築遮虜障以禦戎馬陳子昂所謂嘗

蹟南口者也漢伐匈奴多出此一云大龍頭山口

小龍頭山口專龍頭之名此惟稱大口子也今營

中開報僅寺溝口而不他及蓋時際

昇平未遑深攷云

大馬營 甘州界大阿博墩在其東四十里大黃山

即胭脂在北二里地當大草灘中

所管關左

白石崖口離城九十里舊志鎮城東南三百里秦

邊紀畧云峭壁攢峯下有澗谷曲折可行又云亦

通青海西寧初入較險狹魚貫拔約四十五里援

乃垣夷與區豆口同夷人刁爾吉昔曾住牧

洪水營 當大草灘之口屏甘州於內前明巡撫唐澤設兵八百名馬五百匹於此增修各隘險要我

朝順治八年開市於此

所管關左

西水關口離城六十里或曰即在南四十里口外七十里巴縣墩川有古佛寺昔居番僧今存遺跡

石榨口離城五十里

虎喇害口離城四十里

黑城營 在大馬營西三十里亦大草灘中祁連當

前隘口獨寬

所管關左

後所口離城九十里舊志云鎮城東南二百七十里

大香溝口離城七十里

小香溝口離城七十里

硤口營 即石硤口堡大黃山立於南合黎山畫於北嶺難設險墻不勝防但恃壞軍為左右望耳

源泉無本累井常乾前明於邊墻起止斬斷山崖築土設溝僅為北面之防今兩路並守夷屯於中我兵居外其東井逕曲折崎嶇陰寒晝晦出硤即

灘口溽暑猶寒行路者危焉東二十五里有土阜

荒祠則定羌廟甘涼分界也

所管開左

白石崖山口北至山丹二十里西北至甘州三百

里

無虞山口離城一百三十里

扁都口離城二百里見前馬營墩營

後所山口離城一百七十里見前黑城營

大都麻口北至山丹二百里

小都麻口北至甘州二百里

龍頭山口東南至山丹三十五里按入口西北行

抵甘土人云由野狐谷逕紅泉墩可直達城北

人祖山口

白露山口東南至山丹三十里

白土口東南至山丹三十里

紅寺山口南至山丹三十里明嘉靖中築石關

羚羊山口西南至山丹四十里

青山口南至山丹三十五里

刺谷口南至山丹六十里

獨峯山口南至山丹三十五里

紅羊圈口西北至山丹六十里

青羊口西南至山丹四十里

東山口西南至山丹八十里

赤山口西南至山丹八十里

石井口西南至山丹九十里

玉泉口西南至山丹一百里

小關口西南至山丹一百里

山形縣志

卷之四

二七

--	--	--	--	--	--	--	--	--	--

鎮汎

在昔漢陽置戍惟守馬牧而曰勒刪丹揆以地勢並
扼衝要蓋守令皆治兵馬而沿邊設險使彼氏羌無
敢覬覦云爾今內有軍門以握其重外有協鎮以昭
其嚴加以連營碁布刁斗相聞義帳之所以無軼志
而板屋之所以有寧居也

永固城協康熙八年設守備一員馬步守兵三百二
十二名十一年設副將一員千總二員把總四員
增馬步守兵六百二十五名十三年增馬戰兵三

十五名以上共額設馬步戰守兵九百八十二名
雍正三年本營公費馬糧更補步糧二十九分拔
補現兵七年于馬兵內考拔經制外委千總二員
把總二員十一年將守備改設都司

山丹營明設山丹衛指揮使崇禎年增設遊擊我

朝康熙十年裁撥高古城改設守備一員十三年復設
遊擊一員千總一員把總二員馬步守兵三百九
十二名雍正三年公費馬糧一十二分更作步糧
退出拔補現兵七年馬兵內考拔經制外委千把

三員

洪水營明嘉靖八年設守備一員兵三百名萬曆十五年增設遊擊一員守備一員如舊千總二員把總四員馬步兵一千名我

朝康熙八年改設叅將一員十一年裁撥永固城隨改設遊擊一員千總一員把總一員十三年共添設馬步守兵四百二十五名雍正七年馬兵內考拔經制外委千總一員把總二員

大馬營康熙二年設守備三十三年改設遊擊一員

千總把總二員馬步守兵五百名雍正三年公費
馬守糧改補步糧退出馬糧十一分守糧十一分
拔補現兵七年馬兵內考補經制外委千總一員
把總二員

黑城營康熙元年設遊擊一員千總一員馬步守兵
三百八十一名雍正三年公費馬糧更步退出一
十分拔補現兵七年考拔經制外委千把三員乾
隆二十三年將遊擊改設都司退出馬步兵五名
硤口堡營順治年設千總一員康熙十三年改設守

備一員雍正七年考拔經制外委把總一員改設都司先後馬步守兵一百九十五名

馬營墩營康熙十年設守備一員把總一員馬步守兵一百四十八名屬洪水營兼轄雍正年公費馬糧四分守糧二分更補守糧四退出馬糧拔補現兵七年馬兵內考拔經制外委把總一員十一年將守備改設都司歸永固營兼轄

--	--	--	--	--	--	--	--	--	--


山丹縣續志卷五

五壩水利誌


丹邑近西疆半皆沙漠多瘠土而少沃壤資灌溉之力居多其水分為三曰山水曰渠水曰泉水其壩分為五曰草湖渠分十三壩曰暖泉渠分五閘曰東中渠兼東山西山等九渠曰童子渠兼無虞義得等五渠曰慕化渠兼大小慕化四渠支分派別可以資合邑之灌溉焉乃於開渠杜壩之時每因多爭一勺竟至訟起百端羅致多人屢日難決好事者流從中漁

利雀鼠之爭竟同蠻觸之鬪爭利也而實以實害已
茲仿照舊日區分之規因糧均水因水均時繪為圖
式註明額糧原數澆水定時俾編氓鱗次序灌爭端
悉泯自水利可以均沾而爭訟從此衰息規諸古人
決渠築堤之法不相脗合與

冰利全圖



草湖渠全圖




山子原

水利


三





草湖一渠分為一十三壩應使水利除各有獨泉按糧均澆外其餘各壩應使三季六輪水利與東樂同使按三十二晝夜為一輪山丹草湖壩分水十九晝夜有奇東樂分水十一晝夜有奇自清明日起先挨東樂澆畢將壩口封閉次挨草湖澆灌週而復始自下而上推草四壩有城內軍馬園圃水三分有穿城水洞三道凍早開遲是以頭輪春水七輪冬水不開閉口其餘各壩開則同開閉則同閉


暖泉
渠水
利全圖



山丹縣志

卷之二十三 水利

五




暖泉渠為泉水渠壩自白石崖口發源上而花寨子分為
三壩下而暖泉等閘分為五壩每年應使三季六輪水利
共二百一十六晝夜自清明起至冬至止按糧多寡併河
均時頭二兩輪安種水暖五閘應使全河水二十五晝夜
潤河澇池水二晝夜上三壩應使全河水五晝夜頭二兩
輪苗水暖五閘應使全河水二十八晝夜潤河澇池水二
晝夜上三壩頭輪苗水應使全河水六晝夜二輪苗水應
使全河水五晝夜頭二兩輪冬水暖五閘應使全河水三
十三晝夜潤河澇池水二晝夜上三壩頭輪冬水應使全

河水六晝夜二輪冬水應使全河水五晝夜暖頭閘納糧
五百六石二斗五升一合三勺按糧均定水口寬七尺八
寸暖二閘納糧五百三十石四斗五升按糧均定水口寬
八尺二寸五分暖三閘納糧五百一十六石七斗八升四
合按糧均定水口寬七尺九寸五分暖四閘納糧五百三
十三石一斗九升八合按糧均定水口寬八尺二寸五分
暖五閘納糧四百七十四石六斗六升三合三勺按糧均
定水口寬七尺八寸附邊山小溝子納糧四十四石六斗
公議饒增閘口寬一尺一寸深仍二寸五分舊規每糧一

石六輪均使時水四時一刻七分上下併河使水上三壩
每輪併去全河水五六晝夜不等下五閘勻減時刻分寸
分閘使水每糧一石除下百戶潤河澇池時水六輪應使
水三時六分按均定水利每糧一石頭二兩輪安種水以
五寸香時行使頭二兩輪冬水以七寸香時行使自下而
上澆灌每年水水自驚蟄起至清明止上三壩按糧應使
全河水五晝夜下五閘按糧應使全河水二十五晝夜以
符原額自下而上週而復始有寺溝衛亭二號雖係泉水
渠壩金賴松林積雪春日融消為灌溉之資源出本山所
使水利按糧均分澆灌

新開泉源

山西泉源



東中圖

黃馬壩

黑城

東山壩

獸窟墩

西河寨

西河寨

王林壩

下王林壩

海源

紅崖子

新關壩分水

乃獨分水


溝軍土土


溝軍土下




童子渠圖

扁都口







山子系二
水利

寺山鐘

山支鳥古

圖院三溝寺



衛廳木溝渠

溜口水口

老軍寨


鎮城臺

湖的野



十





童子渠係山水渠壩源出南山扁都口下分一十八閘
每年應使水利自清明起至立冬止各壩按糧多寡
均融澆灌有義得無虞二渠亦係山水渠壩源出義
得無虞山口其所使水利照十八閘均澆

慕化渠圖

大都麻口


毛城子




羊坊堡




花園



可寨子





慕化渠並無泉源全賴山水山水出自南山大都麻小
都麻口下分十號每年應使三季六輪水利自清明
日起至立冬止各壩按糧均分澆灌

五壩水利灌田畝數

南草湖渠城南分壩一十有三灌田四百頃有奇

西草湖渠城西灌田四十頃有奇

暖泉渠城南分五閘灌田一百七十頃有奇

東中壩渠城南灌田三十頃有奇

西山壩渠城南灌田五十六頃有奇

塌崖泉渠城南灌田八頃有奇

新開獨泉渠城南灌田七頃

義得渠城南灌田三十八頃有奇

無虞山口渠城南灌田一十九頃有奇

紅崖子渠城南灌田二十頃有奇

乃獨泉渠灌田一十頃有奇

童子寺溝渠城南灌田三十七頃有奇

童子寺東渠城南灌田三十四頃有奇

童子寺西渠城南灌田九十四頃有奇

大黃山壩渠城南灌田九十頃有奇

獨泉渠城南灌田二十七頃有奇

衛廳木溝渠城南灌田五十六頃有奇

初設衛于此
採木因名

白石崖渠城東南灌田三十八頃有奇源出大通河分派而來明正德

七年後寇犯荒蕪嘉靖二十八年巡撫楊博檄砌山隘增墩臺疏舊渠田疇復又

大慕化東渠城西南灌田八十二頃有奇

大慕化西渠城西灌田六十頃有奇

小慕化上壩城西南灌田二十頃有奇

小慕化下壩城西南灌田二十七頃有奇以上四渠前明巡撫楊博

副使石永重修蕪田盡又

日本書紀

卷之八

七

--	--	--	--	--	--	--	--	--	--	--	--

山丹縣續志卷六

學校

學校為扶持風教之原魏明帝詔曰尊儒貴學王教之本非謂此與甘郡自漢晉以來學校之制半消燬於風霜兵燹之餘明則代有建置如正統五年建山丹衛學尋改行都司學學校之制由此漸興而尚多缺畧至我

朝文教單數

澤及西疆甘涼二郡所轄俱得宏建學校重修


文廟名宦鄉賢等祠依次增修至乾隆三年後漸次
添建書院義學文治日興弦歌遍起學校之規日拓
而士林之氣日振孰非

聖天子立學之盛典作人之雅化所致哉


學校全圖

聖廟


崇聖祠




敬亭




西廡



東廡




大成殿



鄉賢祠



名宦祠





戟門



照壁

名宦祠



字紙樓






桂香殿




文昌宮

朱衣閣



山門



仙堤書院


講堂

過庭

儀門


大門

照壁




儒學


二堂



明倫堂




二門



大門

照壁



山子梁河

學堂

校

イナリ



イナリ

イ

--	--	--	--	--	--	--	--	--	--

學校源流表

明	
正統十二 都御史馮 昂重建行 都司李	彭智建山 廣德指揮 丹紫聖祠
成化四年 都御史徐 廷璋增修 行都司李 山丹衛學	司胡德威 指揮王謙 重修山丹 紫聖祠
宏治十五 年都御史 劉璋直教 官公廨修 山丹衛學	

丹紫聖祠
 紫聖祠
 學校

國朝

雍正三年	乾隆三年
山丹學額	如山丹縣
沿漸訓文	卯安副建
武各十二	山丹書院
東場前如	十六年知
縣例	山丹縣李
七	復發建仙
拔貢定十	後書院親
二年一舉	誥士
十二	五十年知
山丹額進	山丹縣明
文重三十	福建龍峯
四各內每	書院
考檢府十	道光元年
名額武重	如山丹縣
十九名內	願廷序移
驗府四名	修



書院

藝苑為培植士林之所考古白鹿洞鵝湖鶴山諸書
院規矩精詳師範尊重洵堪為理學正宗丹邑舊無
書院歷明思兩任葺修一所屋舍粗成寒暖得以就
學更歷揚鄭兩任添設膏火生童始多負笈而來者
至願任重新文教培養士人廣大學舍之規多增薪
水之費名仙堤書院人材蔚起丘成翹秀比文翁之
設教黌舍增修於西蜀矣余攝丹篆踵前賢遺規勵
勗諸生按月屆試購藏書籍拓通士子識見復開荒

田為長安應試費以期諸生高擢巍科為諸生者誠能體歷邑宰設立書院之意以端士習振文風安見不可鼓吹

休明賜

聖天子作人之雅化茲將書院源流詳誌而歷序之

乾隆二十七年知縣蘇泰捐買草湖各壩額糧田地每年獲租糧七石有零延請師長教讀以為脩金就學者俱係幼童嘉慶二年知縣明福恩光查有東中暖泉童子各壩荒山旱地百十餘畝給試種成效執

照俾民耕種每年租糧一百五十餘石每石錢一千二百文修理書院一所房屋十數餘間嘉慶十九年知縣楊鼎鄭長錄捐發生息銀兩添入書院延請名師教讀生童道光二年知縣顏廷彥捐廉六百兩募捐錢二千串有餘於城東南隅售買地基修建房屋六十八間費用外餘錢一千五百千文發商生息每年獲利一百八十餘千作山長脩金生童膏火道光九年署知縣許乃穀捐發生息大錢一百千文添作諸生膏火而諸生寒家甚多赴闈盤費無出道光十

一年知縣黃璟向東中暖泉等霸查有荒山旱地數
頃給佃戶科舉義田盤費執照俾各耕種每年出租
二十餘石每石合錢一千三百文及廩生王面槐所
捐旱地每年收租錢一十五千文共大錢七十五千
文為諸生科舉盤費卷資

仙堤書院藏書說

邑令 黃 璟

士辰六月躬臨書院召諸生而言曰讀書可以明理
窮經足以致用古昔漢興諸儒以講解書義為重言
易自菑川田生言書自濟南伏生言詩於魯有申培
公於齊有轅固生於燕有韓太傅言禮與春秋則大
小戴魯高堂董仲舒其人或著書立說垂訓來茲或
坐言起行推之治道有功於文學者固非淺鮮其後
猶有博涉羣書通達古今六家三統盡入胸襟百氏
九源胥歸掌握及揮毫成篇鬱鬱勃勃以發其奇氣

僉稱博物君子顧讀書多則學問深邃亦藏書廣而採摭備全乃吾見有父兄遺書充棟汗牛至子弟則牙籤插架徒能蠹魚此有書而不嗜讀者也又見有家貧好學披蒲緝柳欲夢游鄉環福地而不可得者此嗜讀而苦無書者也余自課試諸生以來覩其氣象之淵雅攬其文字之清醇者概不乏人而氣局難以恢廓議論不能宏深者亦多其故緣拘守蹄涔不讀羣經百家不能撐腸拄腹俾眼界為之通明而學問昭其淵博茲購得書籍十數種藏之藝苑俾諸生

冥心搜討以通經貫史廣見洽聞嗣此每歲覓購不
數年層累書篋而塞滿曹倉俾肄業於其間者學鏡
千古智周萬物游文章之林府嘉藻麗之彬彬入而
座擁百城出而射策甲科淹雅宏通之儒可薈萃於
士林我仙堤書院不可與天祿石渠典籍之府後先
媲美與

書院藏書名目

道光十三年六月十八日貯藏書籍止許向書院中
披讀不許出借以防遺失

一三十名家二套共十二本

一五經大觀二套共十本

一七經聯珠二套共十二本

一四書左國一套共四本

一鄉黨圖考一套共六本

一分國左傳一套共八本

一律賦會心一套共四本

一律賦新刊一套共六本

一五經類編二套共十二本

一小題嘉言一套共八本

一二十四家一套共六本

一東萊博議一套共四本

一雲樣記一套共四本

一賦帖偶餘一本試賦偶餘一本共一套

周禮集解一套共四本

トナ舞子



秘書

下

--	--	--	--	--	--	--	--	--	--

義學誌

古者家有塾黨有庠鄉老鄉大夫董其教所以陶情
淑性馴致之於禮教信義中也余道光七年三月蒞
任山丹由村堡入城關寂無聞讀書聲詢其故地瘠
民貧少新水資以延師長教子弟余聞而感之即捐
俸先設義學於

文昌宮次年又設義學於

觀音堂又次年增設義學於新河於硤口於永固黑城姚
家等約其脩金或取之官署或取之社倉俾城鄉貧

民子弟肄業其中四時之孟月擇期躬臨率諸學生
祭奠

先師課其學業之勤惰雍雍然里豆庠邊風琴雅管之意
彬乎其興矣後之蒞斯土者踵其事而振興規模拓
而教澤深其較今日當更有改觀者余其有厚望焉

城內二所 一舊設於東街一設於 文昌宮

西關一所 設於 觀音堂

新河義學二所

硤口義學一所 設於 牛王廟

水固義學一所 設於關外 三官廟

姚家約義學一所

黑城義學二所 一設於大寺 一設於東門外

馬寨義學一所

科舉糧

廩生王面槐道光十一年捐施黑城石家泉旱地一

段約下種料一十二石官糧六斗其地坐落西山

南大窰東至山嶺即施忠孝祠地西至普上功劉

世倉地南至山嶺北至小西岔路每年種地戶出

租大錢一十五千文為科舉糧地照地圖禮房存
案現何萬翠化鵬承種

一照給十里舖民人李榮春等承種科舉義田旱地每
年承納租糧一石五斗

一照給二十里舖民人劉經國等承種科舉義田旱地
每年承納租糧一石五斗

一照給三十里舖民人許文山等承種科舉義田旱地
每年承納租糧二石五斗

一照給新河約民人杜生菁等承種科舉義義田旱地

每年納租糧二石五斗

一照給黑城約士民普尚仁等承種科舉義田東一段

旱地每年承納租糧四石七斗

一照給黑城約士民劉中林等承種科舉義田中一段

旱地每年承納租糧四石七斗

一照給黑城約士民榮錫印等承種科舉義田西一段

旱地每年承納租糧四石六斗

一照給花寨外約士民王鎮國等承種科舉義田旱地

每年承納租糧一石

一照給花寨約民人劉信等承種石塔兒懷科舉義田
旱地每年承納租糧二石

一照給花寨外約民人黃珮等承種科舉義田旱地每
年承納租糧二石

一照給硤口約生員劉文炳租開硤礮每年交納市斗
科舉租糧七斗每斗交租錢二百六十

文

山丹縣續志卷七

人物宦蹟

國家設官為斯民也丹邑累世宦蹟其載之甘誌者或為名臣之奏疏或為名將之韜畧每一檢閱固可於數百年後想像而得之稽甘誌所載距今已六七十年矣其間宦蹟之著於閭閻宦聲之播於鄉黨者量不乏人然一人之輯搜所聞有限庶民之沾被餘澤常新矧余愚同捫鑰庸比朽樗何敢以衡量職官禮云有功於民則祀之余再蒞斯土之十年八月會邑紳於

聖廟東別立名宦祠宇設牌置位凡未經入

奏者俱奉祀於中春秋以薦馨香鳴乎非官蹟之有實著於民者何能於既去既歿之後使士庶昭誠敬若此余因傳集士子除遵甘誌所載按名編序外其數十年來凡未入甘誌而供祀祠宇並有賢有司之官蹟傳流於民間者悉從其實而紀之所以誌賢也亦所以誌恩也

漢路博德西河平州人武帝時以右北平太守從驃騎將軍有功封符離侯驃騎卒後博德以衛尉為伏波

將軍伐破南越益封其後坐法失侯為強弩都尉出塞築遮虜障屯居延防禦邊患卒於官

元按竺邁雍古氏其先居雲中從皇太子以善射名元太宗即位以鎮剛丹從征多戰功中統初以老委軍其子阿藍答兒渾都海之變宗王塔丹等至剛丹按竺邁曰今內難方殷浸亂關隴非臣子安卧之時也引兵出耀碑谷同破賊賜賚優厚延祐初晉太保封

秦國公

明劉璋河南衛輝人副都御史弘治中繼修山丹衛學

建草場築老幼寨范家營魏機寨楊家壩左衛寨上
土軍溝祁家寨子大橋盧真閻貴焦家等寨民究安
宅聚族而耕任卒之日邊人哀之如失怙恃

武振本衛人都督僉事有文武才嘗著哈密紀行錄山
川道里概可攷見

楊博山西蒲州人魁梧豐碩安閒有識量嘉靖八年進
士累官督糧叅政二十五年擢右僉都御史巡撫甘
肅大興屯田募民開墾永不徵租二十六年鑿龍首
渠改東泉渠二十七年修寺溝紅崖子渠二十八年

修張掖二壩河西渠改寧西渠濬山丹大小慕化渠
二十九年改甘州紅沙渠修德安渠躬詣咨畫蕪田
盡又至上疏增置屯莊墩飭軍旅備長技禦虜請改
勅巡按御史兼理學政子惠下民民懷其德出入中
外四十餘年仕吏部尚書兼太子大師卒贈太傅諡
文敏

石永直隸威縣人壬辰進士任分巡副使嘉靖二十八
年佐巡撫楊公修山丹小慕化上壩童子寺東渠白

石崖渠

國朝范榮江南如臯人雍正九年知山丹縣修忠孝節義祠於小壑巷路西即今修文昌宮之地

祁安期浙江會稽人雍正十一年知山丹縣子諒樂易禮士崇文建書院於署東時親課督獲益者衆

李復發福建安溪人乾隆己未進士十五年知山丹縣修山丹書院一名仙堤書院增學糧親課士

王士毅山西平定州人天啟元年進士仁明廉幹善馭吏胥當官不阿即所厚善一以理法繩之邑人號曰

神君

宋璣山西樂平縣人乾隆庚辰舉人三十一年任居官
清廉保民若赤設立里下車馬除所牛所車之累俗
名牌子馬車按二十六石糧公派於應供差車數准
三車折驛壹頭接應遠差立法自官出車在壩照牌
按五壩調使撥用至公聽差有定規署內親信不能
假權滋弊民由是得服田力穡無濫拉民馬好膏今
踵其法

以下俱邑紳耆公同著載

劉孟魁乾隆四十八年任法令嚴明被法畏威沐恩者

感德弭盜刑法得中居民安業清夜靜肅有賢聲焉
萬邦英字德峯貴州獨山州人乾隆壬戌舉人癸未進
士四十四年由崇信縣知縣調補山丹重修

聖廟居官仁慈四十六年蘭州逆回不靖公守城在省上
憲檄連縣運草民苦道路難支公以一言罷民勞民
感其惠製錦祝之曰撫字心勞

明福字隆五十六年任請廣開墾為民豐食創修書院
文廟東又增各壩學糧以充書院膏火

朱超江蘇荆溪人嘉慶五年任精堪輿於縣署東南空

地疏鑿水池名翰墨池可補風脉自是文武接踵中
式者數人

黎建三廣西平南縣進士嘉慶六年任潔已愛民修河
壩以備水患栽樹株以培風脉隆重學校教育人材
去之日士民攀轅泣送

党行義武功人嘉慶六年由舉人官山丹教諭理學孫
酉峯先生之高弟以敦倫樹行為本明理復性為要
教士先品行而後文藝兼龍峯書院山長數年作養
人材劉從善破荒出土感其教化爭師事之自是文

風較前振興所著有四書會要

顏廷彥貴州遵義進士建仙堤書院於縣治東南捐廉
六百緡又勸五壩士庶捐資一千五百緡發商生息
為生童膏火資有廉能聲

黃璟山西平定州舉人道光七年任捐俸於城關建義
學二所繼又於各堡寨設立義學八所墾田數十頃
為諸生赴闈資購書數十種貯書院內旌揚節義鼓
勵民風續脩志文留傳舊典定草四壩水利章程創
建城鄉社倉裁革各項差徭並各商官價合邑勒石

名宦祠以垂永久

道光十三年三月拔貢生秦大中等謹識

崔恒泰鞏昌隴西舉人由府谷官山丹教諭骨鯁性成
義不妄取為文思深筆爽膾炙人口兼主仙堤書院
講席補修

文昌宮獻棚階壁經理名宦忠孝節義祠創修朱衣閣等
工俱見碑記

日本書紀

卷之二十一

--	--	--	--	--	--	--	--	--	--

官師上

兩漢至元 甘誌

伯禹以司空治水導至合黎當為名宦之祖秦內

蒙恬亦開斯宇遠已無稽驃騎揚威安豐扶義印金

之元勳哉其他禦侮輯民漢則辛慶忌鄧訓馮續第

五訪之徒魏則韓褒隋則陰世師唐則李漢通元則

袁裕伯都亦憐真班跡其所著皆大有造於西土也

山丹可知者漢路博德元按竺適並以武功自外靡

聞蓋山丹至元為州允推巨鎮大一統之模中書省

之設奇渥酬庸不在元圭下矣史冊雖畧表而章之
並錄如左

漢路博德強弩都尉屯居延見世紀

貫友居延都尉後代聶尚為校尉構離諸羌破迷唐

元按竺邇山丹州元帥見世紀

徹里按竺邇子見世紀

只伯山丹於元為諸王只伯分地附著

上閭美山丹州達魯花赤承事郎至正元年建漢壽

亭侯祠

明莊得守備山丹都指揮見名宦

鄭通守備山丹都指揮見名宦

呂均河南人永樂十二年修

關帝廟稱昭勇將軍指揮僉事

彭智鳳陽人指揮僉事正統年修髮塔寺及東嶽

元帝 文昌各廟

楊斌守備山丹都指揮正統三年建察院十二年建

真武廟 髮塔寺

張勳景泰五年修永豐倉

張熊都司指揮景泰六年修 土佛寺

趙俊景泰四年修 雷壇廟

張大綱建 城隍廟

王謙成化八年修 崇聖祠

趙譽宏治四年修 廣化寺

楊果嘉靖元年修 元帝廟

善祀忠節祠

鄭倫祀忠節祠

鄭紀建山丹學敬一亭嘉靖十四年建忠節祠

劉坤嘉靖十九年修守備廳

熊國臣趙繼祖俱萬歷十六年修 城隍廟

朱冠萬歷二十年修 鍾山寺

陳命爵萬歷二十二年修 東嶽廟

陳志炳崇正十六年修 關帝廟

國朝

鄭罷向騰蛟康熙八年修 轉輪寺

文楠乾隆五十六年修 文昌宮

顏廷房道光二年修 仙堤書院

崔恒泰道光十一年修 忠孝節義祠 朱衣閣

黃璟道光十三年修 三公祠

官師下

國初沿明制為行都司為甘州二衛山丹一衛設守備
所至雍正三年以衛所為郡邑始置甘州府領張掖
山丹二縣而文職備焉兵祿潛消絃歌漸起田畝之
數日拓而膠庠之興聿修無非鼓吹

休明以颺

聖天子之雅化迄於今百有數十年陳殷置輔之道較曩
昔而大備有司民之責者其上體

累世子惠元元之意而庶政咸熙教養兼舉無廢設官分

職之懿治可

知縣 雍正三年始設

董基寅江南溧陽人康熙丙子舉人雍正三年到任五

年離任

翟容鑾湖南寧鄉人康熙戊子舉人雍正五年到任八

年離任

范榮江南如皋人雍正八年到任十一年離任

祁安期浙江會稽人康熙丁酉舉人雍正十一年到任

乾隆二年離任

史載魁江蘇溧陽人附監乾隆二年到任六年調阜蘭縣
楊薰雲南人雍正丁未進士乾隆六年到任十年離任
王士毅山西平定州人雍正丙午副榜正藍旗教習乾
隆十年到任十五年離任

曾希孔順天宛平人乾隆辛酉舉人十五年署理十月
卸事

李復發福建安溪人乾隆己未進士十五年到任二十
三年離任

王重望山西臨汾人乾隆庚午舉人二十三年到任二

十六年調臯蘭縣

蘇泰江蘇江陰人貢生乾隆二十六年到任二十九年

陞山西吉州

甘珠爾蒙古鑲白旗人乾隆辛酉舉人二十九年到任

三十年離任

周翔千順天宛平人貢生捐納知州乾隆三十年署理

三十一年卸事

宋璣山西樂平人乾隆庚辰舉人三十一年到任三十

六年離任

崔希駟陝西蒲城人乾隆丙戌進士三十四年三月署

理五月卸事

顧汝衡江蘇金匱人乾隆丙子舉人三十四年署理三

十五年卸事

徐朗元順天宛平人乾隆庚辰舉人三十六年七月到

任三十七年卸事

黃珪江蘇吳縣人乾隆丁丑進士三十七年六月署理

十二月卸事

閔鵠元浙江烏程人乾隆癸酉舉人三十七年到任四

十二年陞平涼府鹽茶同知離任

舒玉龍江蘇山陽人監生乾隆四十二年署理四十四

年卸事

萬邦英貴州獨山州人癸未進士四十四年到任四十

六年離任

孝順阿鑲白旗蒙古人乾隆四十六年九月接署十一

月卸事

冷文煒山東萊州府膠州人乾隆四十六年到任四十

八年離任

陶廷珍浙江會稽人四十八年正月署理八月離任

劉孟魁陝西白水人乾隆四十八年八月到任五十年

十月離任

台斐英阿正黃旗蒙古人乾隆五十年署理五十二年

離任

常善正紅旗滿洲五十二年署理五十四年離任

路作直隸天津人五十四年到任五十五年離任

文楠四川涪州人五十五年到任五十六年離任

明福正黃旗滿洲人五十六年十月到任派辦西寧軍

臺事務十一月卸事

連彭年甘州府經歷乾隆五十六年代理五十七年卸事

明福乾隆五十七年差竣回任六十年卸事

丁緯江蘇宜興人六十年二月接署九月離任

李培榮山西平定州人乾隆己未進士六十年署理嘉

慶元年離任

明福嘉慶元年仍回本任二年離任

恩光廂白旗滿洲人二年五月署理三年八月卸事

黎建三廣西平南人三年八月到任奉委署理安西州

事二十六日卸事

恩光三年署理五年卸事

恩光五年閏四月差竣回任五月離任

朱超江蘇荆溪人五年五月署理十二月病故

黎建三六年回任九年離任

周能珂浙江浦江人九年署理十年病故

翟茌山東博山人十年署理十一年離任

德慶滿洲十一年正月到任請咨引

見十二月卸事

劉瑛福建閩縣人十一年十月到任十二年離任

德慶十二年八月回任十三年離任

丁蘭洲江蘇無錫人十三到任十五年卸事

常久廂藍旂滿洲甲寅副榜乙卯舉人十五年署理十

七年卸事

楊鼎江蘇陽湖人十七年到任十九年卸事

鄭長錄江蘇吳縣人辛未進士十九年署理二十年卸事

楊鼎二十年仍回本任二十一年卸事

唐錢湖南善化人監生二十一年到任二十三年卸事

常久二十三年署理二十五年卸事

顏廷彥貴州遵義人己丑進士二十五年到任道光元

年奉調赴陝入關

顏廷彥道光元年十一月差竣回任二年委署固原州

離任

劉陶雲南楚雄人己未進士道光二年署理三年卸事

顏廷彥道光三年回任四年離任

尹特生貴州貴陽人乾隆丙午舉人道光四年到任六

年卸事

張從孚雲南太和人監生道光六年署理八月告病

劉詩湖北鍾祥人壬午進士六年署理七年卸事

黃璟山西平定州人嘉慶丁卯科舉人道光七年到任

九年署理涇州離任

許乃穀浙江仁和人道光辛巳舉人九年署理十年離

任

黃璟道光十年回任十三年調任皋蘭縣卸事

謝淑孔陝西朝邑人嘉慶丙子解元道光十三年三月

到任十七年七月調授涇州離任

徐作霖奉天人丙子舉人己卯恩科進士道光十七年

到任

上子集二九

卷一

十一

--	--	--	--	--	--	--	--	--	--

教諭

雍正三年始設
前係衛教授缺

劉雲鶴康熙己丑進士五十二年選授山丹衛教授雍正

正三年改授教諭十一年八月陞授知縣離任

張伸陝西武功人雍正七年由拔貢選授乾隆七年三

月病故

李廷獻陝西華州人雍正乙卯舉人乾隆七年到任九

年離任

辛應萬陝西鳳縣人雍正乙卯舉人乾隆十九年到任

二十七年離任

蔣兆奎張掖縣教諭乾隆二十七年四月署理二十八年卸事

張鈞陝西西鄉人乾隆丙子舉人二十七年到任二十八年離任

姜坤陝西榆林人雍正壬子舉人乾隆二十九年到任三十一年離任

李元龍安化人雍正乙卯舉人乾隆三十二年到任四十三年離任

趙時敏陝西蒲城人乾隆庚午舉人四十三年到任四

十七年離任

李逢泰陝西懷遠人乾隆四十八年到任五十二年丁

憂離任

黃鑑陝西武功人乾隆五十二年到任嘉慶六年離任
党行義陝西武功人乾隆乙亥舉人嘉慶六年到任十

八年二月告病

原爾介陝西蒲城舉人嘉慶十八年到任十九年告終養

張賜麟皋蘭人廩貢嘉慶十九年兼署二十年卸事

金縉秦州人乾隆己酉副榜嘉慶二十年署理七月卸事

郝夢周陝西華陰人乾隆丙午舉人嘉慶二十年到任

道光七年推陞甘州府教授離任

張紘拔貢道光七年四月署理十月卸事

崔恒泰隴西舉人道光七年到任十年離任

李璋高台人道光十年署理十二年卸事

朱遜志平涼人歲貢生孝廉方正道光十二年到任十

五年正月病故

高鳴桂蘭州人道光十五年二月署理七月卸事

魯俊陝西邠陽人嘉慶癸酉舉人道光十五年七月

到任十八年俸滿引

見閏四月卸事

日本經濟學

卷之三十一 官邸下

二

トナ身元

冬二六

典史

許芝蘭直隸安肅人內閣供事雍正三年到任七年三

月離任

陳文源直隸易州人吏員雍正七年到任乾隆六年告

休離任

潘存禮浙江上虞人乾隆七年到任二十三年病故

楊有聘廣東海陽人貢生加捐縣丞乾隆二十三年署

理二十八年卸事

高成章浙江山陰人乾隆二十三年五月到任三十年

四月告休離任

王宗鎬浙江蕭山人監生三十六年到任六十年病故

王百齡浙江會稽人三十六年到任三十八年離任

郭澤仁甘州府經歷三十八年兼署三十九年卸事

金梁江蘇元和人三十八年署理三十九年病故

王樹聲山東濟寧人監生三十九年署理四十年卸事

丁樞河南永城人監生四十年三月署理八月卸事

周信湖南瀘溪人翰林院供事三十九年咨部到任四

十四年離任

陶本宏湖南寧鄉縣人四十五年正月接署七月離任

潘培基大興縣人四十五年七月接署四十七年離任

歐陽玉江西安福人四十七年到任四十九年離任

周士咸湖南耒陽人四十九年到任五十年離任

杜修德山西壺關人五十一年接署五十二年離任

熊璋江西瑞昌人五十二年到任五十四年離任

樊昌泰江南長洲人五十四年到任五十七年離任

邵麟昌江南吳縣人五十七年到任嘉慶七年離任

趙維樞嘉慶七年二月接署九月離任

陳廣瑛浙江山陰人嘉慶七年到任道光元年離任

吳逸羣江蘇吳縣人監生道光元年到任四年調補款

煌縣典史

陳渭浙江山陰人工部則例館供事道光四年到任十

七年卸事

夏炳南江蘇生員道光十七年到任

鄉賢

千里一聖百里一賢我丹邑弱水流波天山鬱秀鍾
清淑之氣而生者代不乏賢豪俊傑之士顧於比閭
族黨間而特生賢人為貴於比閭族黨間特生賢人
而能使比閭族黨之人奉為矩矱羣相矜式此又足
為貴如明有王將軍允中邑人建坊以旌入祀鄉賢
祠百年後猶儀圖其人不忘所謂鄉先生歿而可祭
於社者其此也後之人景仰前修砥礪廉隅稱頌君
子後先媲美非司土者之厚望與

明武振字維揚多材藝善弓馬長于戎畧當明中葉屢涉行陣授甘肅總兵而尤喜翰墨行役之時不絕吟唔之聲著哈密紀行錄一卷

鄭紀甘肅游擊建敬一亭修忠節祠善政著聞

武希旦振子守備

周蕙字廷芳徙居秦州年二十聞人講大學始感動知讀書會以臨洮衛卒戍蘭州以閒從段容思講學段深器之示以要領蕙業日進段以蕙精勤數獎譽之遠邇翕然號為儒宗鎮將恭順侯吳瑾以禮延課其

子不應或問之曰吾卒也召之役則可往若云師也
禮無往教後居秦州之小泉因以自號當時名彥如
李介菴薛思菴輩皆相引重嘗以婚冠喪祭未協古
處以釐正之郡人奉為矩矱後南遊歿于江左

王允中字繼先號道菴武舉任平羗將軍甘肅總兵都
督同知邑人為之建坊以頌

王建侯允中子釋褐南京戶部主事後擢薊北叅政道
秉性正直不阿權貴時貂璫用事類多曳掣而建侯
執憲夷險一節未始有所屈也

日本書紀

卷之二十一

三

--	--	--	--	--	--	--	--	--	--

忠節 甘誌

人有生而死者奔大夫雄丕大夫歆裕大夫謚齊大
夫淵衍大夫約五代大夫道等腴顏紳冕而神殛其
魄心同草木久腐矣乃有死而生者如漢岑來關張
唐段顏張許宋揚岳文疊元余忠宣明于忠肅楊忠
愍周忠武諸公斷脰決腹而精爽在天身同日月爭
光矣甘屈金方厥風剛勁殺身成仁浩凌霄漢代不
乏人惜久淪回夏湮歿良多迄明大著崇正末賀錦
臨郡史稱被殺者四萬七千有奇亦緣闔域義烈激

之使然也

國初米丁二逆叛亂屠戮幾盡農農子遺末由稽考舉
一漏萬亦聊以章倫紀綱常之正氣而鼓發揚蹈厲
之雄風云爾

明王祀嘉靖三十八年大虜跳梁從軍北伐奮勇爭先
為虜所困矢盡力窮誓不降賊遂同主將仗義死節
謝詔萬曆年陞高臺游擊時黃草壩清水堡強虜肆劫
公率兵從揚旗堡水關口堵禦之身冒重圍矢盡力
孤外無救援捐軀報國

恩賜都督字榮蔭千戶

史尚敬指揮僉事流寇抵城尚敬曰世受國恩今事勢至此可遂己乎以孤軍奮戰死之

王正千戶賊至度不克全舉家五口自焚死

清楊宗道武舉嘉慶二年川楚白蓮教作亂告從征身冒矢石爭先驅險賊憤支解其屍蔭襲雲騎尉

徐世伯嘉慶三年以千總從征川楚兵進孟什嶺被賊困圍陷險盡節蔭襲雲騎尉

楊伏國以守備從征川楚遇難孟什嶺死節蔭襲雲騎

尉

孝義

孝為百行之原夫人而克盡孝思則竭誠竭力皆可為明天察地之經人而有忝所生也本源既虧求其跬步能行一事足觀有是理乎所以孝之理至大亦至淺推之深感頑格為大聖大賢終身不盡之理究其淺則舞萊衣撫荆樹皆匹夫至性至情所能為之事自天子至於庶人載之孝經者不綦詳與凡為孝子者無不為義士睦婣任恤周禮所以配孝友為六行爰錄舊編所記更採訪孝子義士合為一誌無

非欲正人心而礪風俗也

元寧渚枸里民也母年七十餘感風疾醫藥不效渚枸割肱啖之遂愈歲餘疾復作足軟不能行渚枸造板輿夫婦共舁行田園以娛之見元史

明劉思慎拔貢生齡歲喪母繼母待之綦嚴思慎屈意承事卒得歡心父沒奉之愈謹謂家人曰事我堂上一人即事我地下二人也

國朝周宗煒歲貢生孩提知孝乳必跪食甫七齡家貧父歿願典身以葬親鄉隣憫而助之稍長雜於市會

苦志傭工日奉三餐以養其母尋棄市就學立志顯
親晝則負薪牧羊夜則炷香讀書入泮食簞食之

天府以慰母心母病劇親侍湯藥雖穢器污被必親手澣
濯冬月母思食鮮魚吹火鑿冰臨河求魚三日後適
有游魚伏於水下取以供母母病愈越十載母歿廬
墓一年哀毀骨立卧病不起卒之日聚家人言曰距
母忌日臨過何一病不能成祭禮也呼母悲痛氣噎
不能成語言俯首捶胸嘔血數升而歿道光十一年
知縣黃璟旌其門曰敦倫力學廬列事實詳請

旌表建坊入祠

三

國朝張學政家貧傭工夜挑水拾遺金七錠俄失金人
覓之不得學政聞悉還之失金人感其惠以數金酬
報不受後學政夫婦生七子偕老咸以為陰德所致
馬良寶庠生有幹材見義勇為均暖泉渠水利河西四
閘強梁見其公正不屈夜餽盤金勸退步良寶責以
大義餽者慚去於是按糧均定除侵水奸弊渠民感
德匾其門曰才堪漁公

毛柏齡庠生正直不屈果決有謀均暖泉渠水利秉公
剖晰人稱鐵面公厥子漢珠疏通冰水鑿修渠口亦

大有乃父風

丁積祿里民張掖城北三十里有山丹河底悉流沙夏漲冬冰渡者苦之積祿捐金三百兩架河造橋行人利涉知府李元英旌其門曰好善樂施

祁斌及弟彥俱監生歲搭浮橋于山丹河岸冬建夏拆乾隆丙申力建長橋成而復頌丁酉與庠生李天淳陳維穀氏高尚謀等募修今名祁家橋

王丕美太學生賦性醇篤孝養父母勲懇倍至慷慨好施凡親族中有孤子孀母茆茆無依者一身任之謀

立室家鄉里間冠婚喪祭無力成禮者出其有餘以濟不足迹其修祠宇以尊先賢捐膏火以養寒士立學舍以啟童蒙施社糧以周貧乏造橋梁以利行旅歲值凶荒輸糧救饑捨衣濟寒捐棺木以掩白骨共施錢三千有餘就喪之年將親友鄉黨累年積券概從焚化共計制錢八百餘千不求人償而且不使人知陰行其善尤能卓越尋常萬萬

道光十一年知縣黃璟臚列事實詳請

旌表

勅旌樂善好施建坊入祠

王氏義士傳

邑令黃璟

古太史輶軒採風所至通都大邑及遐陬僻壤凡孝
子忠臣奇人義士罔不珥筆而書貢之天府以培人
材而勵風俗余蒞丹從東南來睹天山之雄秀焉支
之屢屨與弱水之激灑滌洄知其間必有奇人碩士
鍾山川清淑之氣而生者繙閱縣誌詢諸學士邑老
其孝子烈婦載諸縣志播諸稱說者歷不乏人尋舉
已故義士王君丕美請旌入祠丕美字子貴號席珍

祖籍山丹援例入成均子面槐食廩餼向槐入成均
丕美賦性純孝敦宗睦族發於性情拯危濟貧由於
慈諒迹其建祠宇捐社糧設義學修橋路種種美行
皆慷慨好施以成其善義士也臚列款蹟詳懇上憲
奏請

旌揚奉

旌樂善好施用闡幽光聿昭懿德吁不可以風世勵俗與
吾見古之有素封者矣山擅銅陵家藏金穴時權富
厚以自雄及求濟者踵門款關或見刺而興怒或隨

步以減貲求其有出畜數千出穀數萬以大其施賑者蓋夏夏乎難之而王生之好義輸財其卓越尋常萬萬者固不啻崇愷爭豪者流也夫孝子之後必有賢嗣出而不承箕裘之業義士之後必有仁人起而永培忠厚之基設丕美之義士昭於前無面槐之孝子為之後家塾誰為繼修義田誰為繼舉名宦藝院等鉅功又誰為培建基址鳩工庀材俾堂構為之永新嗚呼如丕美者洵為一方之義士而閭里增光矣其象賢如面槐者亦可謂紹聞衣德善成先志為克

家之令嗣與邑人士奉為楷模是則是倣入則盡孝
弟以明人倫出則和鄉隣而敦古道睦婣成俗比戶
可封有太史採訪而來入其里式其門當有低徊留
之不能去者

陳廷照永固里民嘉慶十八年往耕偶拾金覺其為遺
躬耕以待少頃失銀主劉興業延路慌求廷照問其
銀數悉還之興業感拾遺不昧贈額叩謝而去

トナ集三
卷ノ五

--	--	--	--	--	--	--	--	--	--

文學誌

求文學於用武之地難矣然用武之地又何不可求
文學哉昔羊祜為都督身不衣甲輕裘緩帶望之自
儒者氣蔡遵為將軍取士皆用儒術其他身在甲冑
而高談時勢連篇累牘著其議論之雄辨者正不乏
人是武備既昭而文事亦與丹色自我

朝定鼎以來兵甲載櫜詩書日興比閭之間時聞絃誦
之聲蓋文學之士聿興矣爰本舊誌所載編為一帙
以礪後之孜孜好學者

徐體仁衛學庠生通古今文潛心力學成化七年撰雲臺寺碑記

徐昊以楷法著名宏治年任河南洛陽縣丞時勅建廣化寺貢生張嵩撰記昊為書勒石

張銘嘉靖初歲貢歷任河南汲縣令以文名孫宏業衛學歲貢嘉靖三十六年任霸州吏目四十三年陞固安主簿克世其家學焉

王尚綱以文取太學生任儀封縣主簿萬歷三十四年撰馬鳴喇寺碑記庠生鍾國用書

周蕙字廷芳號小泉山丹衛人為成卒年二十聽人講
大學首章奮然感動成蘭州守墩間容思段公集諸
儒講理學時往聽之有與訂論焉遂殫力就學篤信
力行慨然以程朱自任有總兵恭順侯吳瑾者聞其
賢欲延教其子先生固辭或問故曰吾軍士也名役
則可若以為師師豈可名哉聞者歎服嘗正冠婚喪
祭之禮示學者秦人至今遵之迨老以父遊江南歷
險蹤訪沒於揚子江人皆稱其孝而又重悲其死後
崇祀鄉賢李二曲曰小泉先生崛起行伍之中闡洛

閩絕詣以振頽俗遠邇嚮風賢愚欽仰思菴薛子不遠數千里從之學卒得其傳為一時醇儒其後呂文簡公又聞道於薛以集關中大成淵源所自皆先生發之有功於關學甚偉然其初特一軍卒耳甚矣人貴自立也

見在官法戒錄

王建侯平羗將軍允中子少讀書穎敏南部大司馬掌院祁公伯裕治兵河西時謁家聞所為博士業藻思溢發根柢理道其氣沛然而辭燦然奇之曰孺子其圭璋器乎後中萬戶戊午舉人已未進士奉

旨建聯登甲第坊果顯於經術以縉紳起家任南京戶部
河南清吏司主事望重民曹光增燕翼歷官中憲大
夫北直薊州叅政道增秩褒美寵溢一時所著有評
註孟子行世

馬應龍隆慶初任湖廣襄陽府穀城縣教諭萬歷元年
欽差提督學校湖廣等處提刑按察司副使姚驗嘉
賢能錫竹額曰文宗旌進

國朝周士美順治年恩貢任兩當縣訓導能文康熙
十五年撰建轉輪寺碑記勒石

趙廷鑑康熙戊寅拔貢生歷任延安府教授文藝才猷
邊陲懋著佐理定邊縣事有能聲

毛繼武康熙乙酉副榜任澄城縣教諭好學不倦課士
殷勤成就生徒甚夥

崔喬楷歲貢嘉慶初任陝西藍屋縣訓導文而有才佐
侯均水名譽著聞士民欽和思報製錦以頌德

耆舊

明王進和衆濟人為里推重疏水利允平諸司嘉之給
義民冠帶鄉飲延為大賓

國朝曾仁武舉通文藝喜吟詩氣度溫雅事親以孝雖
文學之士不逮焉

學行

張聯星幼時家貧為人牧羊朝夕過學舍聞先生講書
輒傾耳聽之及羊去聯星猶聆不去先生奇之教之
讀數年淹貫經史補博士弟子員旋中選拔為文議

論宏深有國初風味

郭邦選歲貢生穎異博覽為文脉正理醇以道學為宗
士林重之

孝友

王維經維綸孝友性成愉色婉容歷終始如一日母老
樂娛田園朝欲出則維經負以行暮欲入則維綸負
以歸母疾篤兄弟不解帶廢寢廢食奉侍湯藥母喪
兄弟哀毀成疴鄉隣稱為一門雙孝

技藝

陳志炳故明指揮性敏博學尤善天官及卜筮之術明
李棄官隱於高臺之雙泉堡當事者重之每造訪諮
時務焉米刺印之叛也炳卜之知靡就預計敗期期
已屆矣忽心動卜之訖曰奈何欲挽我倉皇避去而
米使至翌日歸謂使者曰米已死師已破矣汝其亟
歸為計毋溷我為也使素知炳乃去而米刺印已
斃於鞏昌城下

隱逸

何錡以營卒從兆將軍征徇虜失陣困喜坡外無救援

軍乏口糧將軍令堅壁弗戰困久人將相食鋤與衆
兵謀夜以大炮衝賊官軍聞炮赴援脫圍主帥賜之
爵不受及凱旋又賜官不受

列女

稽列女傳班氏女誠詳婦女之常道明陰教也言婦
無二適之文表婦節也其傳共百有二十章為聖母
為賢妃為孝女為烈婦其懿德惠淑高風亮節之不
可磨滅者俱稱閨門名媛讀其書者把卷流連不可
陶淑人之性情而激發人之志氣與山丹胭脂南峙
弱水西流得善柔之風剛直之氣而生於閨閫間者
自不乏溫柔敦厚之質余自蒞任以來稽甘誌所載
並諭令邑紳採訪得賢媛節婦如干人詳請

旌表以闡幽光礪風俗而跡其遺行凡從容慷慨以成其志者無不可與古烈婦後先媲美也編入縣誌以俟

世之傳列女者元李閏郝榮妻至順二年

旌表

明陳道妻石氏年二十八歲夫死家極貧氏矢志撫

孤享年八十五一女未歲育長誓不字與同寢處

終身嘉靖中建坊

旌表

指揮史尚敬妻馬氏年二十餘夫故氏以死自矢水

漿不入口姑泣曰吾兒死惟一孫而幼子亦死史氏當絕祀乎氏感其言以育子事為己任矢節終身嘔笑不苟

貢士周士宏妻陳氏明末城陷自刎死

生員韓鼎妻吳氏城陷投繯死

國朝劉某婦張氏年二十有一夫故矢死不渝撫孤成立行年七十卒

武蛟妻王氏二十九歲夫歿力勤紡績撫孤成立守節四十載年六十八皓首完貞乾隆二年奉

旨旌表

生員陳著猷妻竇氏年二十九夫故翁年八旬一子
弱齡苦志盡孝教子讀書守節三十一載六十身
故乾隆二年奉

旨旌表

王萬佑妻任氏年二十四夫故翁姑年老家室蕭條
氏承歡孝養撫育遺腹子丕猷成立守節三十六
載卒年五十九乾隆八年奉

旨旌表

鄒繼業妻黃氏二十九歲苦志盡孝教嗣子讀書守節四十載七十二歲身故乾隆四十八年奉

旨旌表

周家熙妻陳氏年二十一苦守農業教幼孫讀書成名守節四十載七十有六身故道光二年奉

旨旌表

尚增祿妻王氏年三十孝養翁姑撫育幼子守節四十二載年七十二身故道光二年奉

旨旌表

庠生劉苞妻祁氏二十五歲喪夫奉事翁姑撫養繼子賴以成家守節五十年身故道光十一年奉

旨旌表

周信妻魏氏周虔妻劉氏俱二十八歲夫亡青春守節白首完貞妯娌和如兄弟一門苦成雙節各撫孤子教養成人俱守節四十餘載俱七十餘歲身故道光十一年同奉

旨旌表

趙生秀妻周氏二十九歲夫亡氏紡績度日教養孤

子趙芝蘭立業成家守節二十八載身故道光十一年奉

旨旌表

王詩妻劉氏二十七歲夫亡孝事姑嫜撫養子孫守節六十二年身故道光十一年奉

旨旌表

杜生蘭妻鄒氏二十七歲夫亡遺一子幼氏茹苦守貞撫子成立現年六十八歲

生員夏啟時妻靳氏年二十八歲夫故家極貧針黹

度日孝事病姑鞠育孤子嗣姑李氏卒僅守藏田
一畝出售以成喪葬為子曰校聘娶何氏後不數
年曰校又卒媳寡孫幼憂思成病守節四十二年
而歿何氏哀乞親隣助成喪禮撚針引線日事女
工撫恤二穉子以受室立門戶氏現五十六歲守
節三十三年邑宰黃璟旌其門曰雙栢長青
里民王發槐妻黃氏二十九歲夫故堅貞撫孤隣里
重之現年六十七歲

周天禮妻李氏夫故二十有五歲遺一子貞甫三歲

人勸其再醮氏矢志守貞撫育孤子紡績度日年
五十八歲卒

從征川楚陣亡兵丁王美妻杜氏夫故氏年二十有
九遺一子興武甫五歲家貧如洗氏以針指度日
撫子成立現年六十有七

吳宗輔妻劉氏二十二歲夫歿子甫三歲矢志守節
上事衰姑下撫孤子卒年七十有七

馬興曾妻尚氏二十二歲夫歿氏無出以姪為後性
嚴正言笑不苟事翁姑至孝得其歡心現年五十

有三道光十五年請

旨旌表

張永祿妻武氏夫歿氏二十八歲遺三子俱幼家貧

如洗氏以女工度日撫子成立鄉里賢之現年五

十有八

生員潘生蘭妻董氏二十七夫歿矢志守節孝事翁

姑撫一子成立入泮德學憲旌其門曰貞如松栢

石作璋妻吳氏二十三歲夫歿遺一子尚右襁抱氏

矢志守節孝事翁姑撫育孤子始終不愉艱苦備

嘗卒年五十有二

鍾璠妻楊氏夫故時氏二十一家極貧寒女工奉姑
子十五歲孀姑亦失明氏矢志愈堅或勸其嫁氏
泣曰鍾氏一門夫死止留一姑朝夕出入賴氏奉
事若氏嫁姑不幾立斃哉以際泰繼嗣氏撫之成
立入泮守節三十餘年知縣黃璟旌其門曰寒松
比操

馬愷妻王氏二十六歲夫歿遺子維麟維驎皆髫幼
家甚貧若氏以針工度日晝夜不輟教子讀書成
立現年五十有五

李興儒妻賈氏二十九歲夫歿家貧氏矢志撫孤言
笑不苟鄉里賢之卒年七十有二

雷逢春妻王氏三十二歲夫歿家貧如洗以針指度
日撫子三人成立現年七十

陳德盛妻張氏三十二歲夫歿氏矢志守節撫幼子
成立守節二十八年

趙大培妻王氏三十四歲夫歿家甚貧寒苦志奉姑
教養二子瑑獻入泮昂獻讀書成立七十八歲身
故守節四十四年

高課妻左氏年二十四歲生二子長中理五歲次中
秦甫二歲氏矢志撫孤克盡婦道六十四身故守

節四十年

口ナ具三六

卷ノ一

三六

名將

明武振為都指揮時以材智見稱宏治十三年都御史
劉公璋鎮撫甘肅知其才能檄修白石崖渠聞望益
重控制三邊掛鎮西將軍印屢涉行陣歷官總兵都
督僉事贈威遠

王允中幼習儒業補博士弟子員慷慨有大志曰男兒
負七尺軀以建功立名耳奈何啣嗑屋下弄此毛錐
乎遂習韜鈴捷武舉補襲父職時海酋永邵卜寇惶
中公奉檄往屯兵小康山斬虜八百餘級上其事實

升大靖叅將萬歷二十八年從巡撫田公樂破窟兔
阿赤兔宰僧等寇率兵出泗水擊寇焚巢斬首六百
餘復松山適西虜寇肅鎮將兵至毛目城虜止數百
騎公識破反噬計縱火燒蘆虜果伏大呼擊之殺奪
甚衆虜犯哈密梗回夷貢道勒兵往援擒沙賴台吉
以還松虜為患練搏力勾卒之法鋒虜於阿壩再拒
之分水嶺青羊水直搗虜穴為犁庭計夜至雙黑山
令聯騎作方陣持戰三日夜賊遁去乃還擢協守左
副總兵歸母葬輒回轅賊乘虛為鼠竊計公潛師尾

之鷲頭山日未中賊鷲為天兵至四竄梟渠魁三大
集兵窮其後越青土湖來伏山紅寺山賀蘭山斬馘
三百餘加陞總兵官掛平羗將軍印鎮守甘肅勅旨
建坊自都督僉事授都督同知其為逐青虜於速喇
川敗西虜於黃鷲兒搜零虜於千合沙擊海虜於白
石崖剿套寇於麻山湖伐銀及假款之謀於鎗杆嶺
破海套糾合之計於新城凡七年大捷者十有二晉
爵階光祿大夫卒於里奉旨御葬祭賜進士光祿大
夫太子大保兵部尚書南部大司馬掌院祁公伯裕

為之銘屢蒙御祭有制命

山丹縣志卷八

選舉誌

鄉舉里選為古聖帝明王至法俊士選士造士所以
應司馬之三升也漢興十一年下求賢詔高后時令
郡國舉孝弟二千石者一人後立制策於天子者曰
賢良方正察於州郡者曰孝廉茂才升於學校者曰
博士弟子選舉之自由是盛矣唐則由學館者生徒
州縣者曰鄉貢其科目有秀才明經進士明法明字
明算總其制舉凡七十六科選舉之目至此為益隆

宋初設三科咸平中增立六科天聖中又立十科無非仍前舉孝廉舉孝秀舉異能之遺意至我

朝開科取士為

國薦賢踵屢代之舊章而釐正其體裁猗與選舉之典大備已行見名勝之區北梓俱入於採擢而邊疆遐陬亦無良才之或遺蔚士氣正士習而銓選之方亦因之而出焉所有應選舉之典者鱗次以誌不可見我

國家有道

太平之治哉

進士

王建侯萬歷己未科荊州叅政道見文學

舉人

劉喬成化甲午科四川成縣知縣

周顯天順壬午科癸未會試副榜襄陽府訓導

王建侯萬歷戊午科

劉從善嘉慶丁卯科安西州學正

貢生

卓超 拔貢

李養森 歲貢涼州衛教授

劉從宣 歲貢高臺訓導

童佳儒

梁參乾 恩貢聞喜知縣

武廷望

韓文明

周世俊

郝璽

尚攀龍 拔貢

姚光裕

周士美 恩貢兩當訓導上順治中歲貢

王正脉

馬化笏

趙良弼 拔貢

周士洪

范禹疇

陳繼善

李培元

汪元汲

童玉桂

周永傳

馬鳴鑾

劉聲煒

趙師尹

拔貢

毛祚齡

孫景聖

周元勳

歲貢安塞指導

李榮

史有箴

馬世元

陳嘉謨

馬世麟

恩貢

趙廷鑑

康熙戊寅拔貢咸陽教諭延安教授

劉巍

韓元亨

樊訓

劉鑾

王師赦

劉瑄

童廷對

周弼聖

毛漢坤

周克績

宋嗣昌

王萬傑

趙機

趙永允

李之青

劉敏

毛繼武

康熙乙酉副榜澄城教諭

陳裕齡

曹國器

黃正身

以上康熙中歲貢

劉養神

蘇大顯

周克昇

孫衍曾

曹吉相

張成英 拔貢

劉紹姚

周弼彥

周克晃 恩貢

周道

王希冉

朝琪

張顯

周大文

張大勳

賀璋

何天傑

陳永吉

李蘭 恩貢

張秉策

柴茂德

田作舟

張舒翼

周興周

何瑋 恩貢

周大瑾

祁連

李華

梁如楷

郭邦選

劉漢型 恩貢

崔喬楷 塾屋訓導

連璠 準蘭縣訓導

劉國棟

孫昶

雷鳴仲

劉澐

何鈹 恩貢

孔泗 府谷縣訓導

吳光耀

高上用 拔貢

崔克疑 恩貢

劉憲

劉廷英

李宗範 以上乾隆年間歲貢

朱璧 恩貢

湯希曾

何鳳舉

張化成 恩貢

徐天保

周國璧

呂元桂

劉漪

彭韶邦

吳肇南

周宗煒

任肇運

尚多士

劉興麒

高上士

劉應瑄 恩貢

何天徹 以上嘉慶年間歲貢

吳三畧

王經國

周三元

李發榮

秦大中 拔貢

韓榮祖

張芳齡

何士瑩

錢光祖

王維縉

王面槐 道光乙未科

楊瑛

周家志

丁酉科拔貢

口于聚品

卷八

選舉

八

日本書紀

卷之八

八

文宦

未詳出身官爵
任所者俱闕

秦茂開州吏目

張璟隆慶州吏目

易潤以下未註
多係歲貢

彭翼

張景賢

陳鏞鳳陽府檢校

張欽武清主簿

李璫

諸賓

趙遠

張偉

馮杲山東按察司檢校

石景玉

錢綱

向釗臨潁縣主簿

郭永清完縣主簿

尹文繡杭州府檢校 王綸丹稜縣主簿

張銘汲縣知縣 孫賢肅州衛訓導

蘇鏗南樂縣丞 高景文水縣主簿

徐昊洛陽縣縣丞 見廣化寺碑記書丹 胡潮

曾浩 張廷俊新繁縣訓導

劉浩 張廷傑

王用鎮番衛教授 錢銳 任四川保寧府江油縣主簿 見玉皇廟碑記

胡靜 張羽威

劉雷 尹壽

馬 緣

陳文正沁州州判

鄒邦四川主簿

張宏業固安縣主簿

張廷弼崇慶州吏目

彭應麟

馮大用

劉 珂

任 輔

王松大明府訓導

馬應龍穀城縣教諭

謝天用

李 進

陳思論夏邑縣知縣

李學顏西平縣丞

陳思誠柘城知縣

解九齡孝義縣丞

楊應祥

劉尚文彭縣知縣

趙鏞萬泉主簿

劉守訓丹徒縣丞

胡來貢稷山縣丞

史良徐溝縣丞

王尚綱儀封縣主簿

王至誠河陰縣訓導

吳承勛忻州訓導

趙文獻

尹學詩

馬獻洛伏羗教諭

李文松陽津縣丞

史良傑濟寧知縣

李汝桂

陳志道

尚良相北直學正

張雲鵬

任重

武之翰 山東 鄒平縣丞 劉思廉

周士貴 河南主簿

沈登瀛 陳舜道

范印陽 劉從寬

劉自勉 周維新 任江南潁州同知

劉從恒 鄭應祥 王府典儀儒官

王正卿 武之藩

馬易化 劉從恂

國朝

丁亥系三

三、八、八

選舉

馬國傑吏員推陞鳳縣草涼驛驛丞乾隆年間黑城人

周士德任岐山縣典史署三原縣典史嘉慶年間

王仲元吏員推陞楚雄府司獄嘉慶年間大馬營人

陸世廉吏員推陞廣東北慶府興新縣八尺寨巡檢

聶勳吏員推陞山東登州府蓬萊縣典史大馬營人

白生文吏員現補

樊吉隆由吏補四川保寧府南江縣典史大馬營人

武舉

吳漢

王甲解元科分不著 謝詔高臺遊擊

王至公萬歷丙子科 蕭繼業

王允中甘標總兵見鄉賢

唐時澤

梁大可

彭儒洪德城遊擊

劉平湖

葉汝桂以上科分不著

彭祖齡壬午科

朱昌嗣浙江衢州府守備康熙乙酉科

張蒿齡乾隆丙子科 王肇琳嘉慶庚申科 本城人

謝生春辛酉科 乃家產人 劉交泰丙子科 黑城人

楊宗道乾隆癸卯科 黑城人 曾 仁乾隆戊子科 定卷堡人

王攀龍乾隆 科 黑城人

武宦

明融魁原籍湖廣人以元朝義兵頭目至明洪武二十二年授武德將軍世襲千戶

馬五原籍應天府人洪武初代計得成充鷹揚衛千戶後除昭信校尉山丹衛後所世襲百戶

武寧指揮勅封安遠將軍

振之父

紀綱行都司都使
張鵬行都司都使

武振甘標總兵都督僉事見鄉賢

張弼恭將
張大紀都指揮陞西寧恭將

揚勳都司簽書

武平湖

李承宗

彭嘉言

王三顧

劉繼孝

以上俱都指揮

張熊昭勇將軍都指揮

宋忠

紀瑄

楊玉

陳鑑

鄭瑛

趙俊

張廣

紀熊

王祚

張真

趙譽 指揮

陳熊

宋能 指揮

楊淮

吳傑

張勳

錢鏐

李奈

王猷

陳濬 山丹衛百戶

田英

王威遠

陳志炳

以上指揮

馬忠

馬璋

馬騰

馬進

馬淳

俱蔭襲昭信校尉

武希旦守備見鄉賢

鄭紀遊擊見鄉賢

鄭惟芝

張承先

魏天與

鄭朝卿 俱印屯捕指揮

謝諭萬歷年以功授千戶征甘肅泉水墩授指揮

事僉

王一心遊擊允中父

張大綱掌印指揮

彭傑掌印指揮

謝詔高壘遊擊見忠烈

鄭惟荒軍政掌印指揮

融得化指揮僉事

陳官定永昌參將

鄭守恩管屯指揮陞紅崖堡守備

趙繼祖清水堡守備

謝天寵嘉靖十九年出征永昌斬首建功授總旗二
十五年從征莊浪石門破二十八年勦虜部於鎮羌
堡馬鞍山陞世襲百戶

融傑嘉靖十七年從遊擊魏公慶出征永昌天澗池
斬獲有功二十三年從守備吳公鸞出征涼州菓園

堡督軍部下斬虜首八以功授世襲指揮僉事推陞
掌印指揮同知

武朝恩碾伯遊擊

王充中甘肅總兵都督同知見鄉賢見鎮志宦蹟傳

彭儒洪德城遊擊

王之屏大靖叅將

張國卿碾伯遊擊

王從諫字納忠蔡旗堡守備都指揮同知後遷阿壩
嶺都司陞授松山遊擊見鎮志宦蹟傳

張五倫安遠都司

王宗文

田世耕

趙斌

俱局捕指揮使

彭崑防守新河指揮

王之璽千總

王受諫

林得玉

馬獻書

王承厥

梁綵俱把總

劉輔

謝瑄

郁芳

陳晟

張斌

王安

陳貴林

梅俊

馬瑛

莊玉

郭鉉

吳源

楊泰

陳信

王永

楊廣

姚名

融和

陳玘

姜洪

馬聰

梅林

陳凱

郭泰

陳端

莊雄

楊洪

謝雲

劉鋼

陳雄

王洪

陳晟

融茂

趙亨

融春

陳加謨 以上千戶

王祀防禦常川嘉靖年從征死節廕世襲百見忠烈

唐勝

王溥

宋英

吳讓

馬俊

徐達

魯春

顧宗

徐敬

范琚

曹斌

何英

李龍

田旺

蘇欽

凌廣

張能

段成

索強

許成

劉永

李綱利

尚頤

張翹

高宏

鍾銳

黃剛

鄒禎

楊春

張信

左安

賀源

吳全

段祥

翟名

吳鐸

陳泰

徐廣

張成

段洪

宋升

杜宏

李果

陳宏

索洪

陳英

凌文

顧秦

王昇

馬剛

王秀

魯英

翟善

張文索

范賓

賀雄

祁林

莊鑑

梁杰

曹宣

黃玉

張泰

秦亮

趙成

李清

魏定

馬覺忠

馬晟
以上百戶

清訓治康熙初從總鎮肅大都督潘公出征噶爾丹
於召募多獲功奏凱陞廣東提標遊府後復為大司
馬趙公保奏旨贈封驍騎將軍授兩粵總兵雄武個

儻威名甚著

朱昌嗣康熙乙酉科武舉除浙江衢州府守備

陳潘貴州畢赤營守備

陳起鳳山丹衛鎮撫司加陞忠武校尉武騎尉

周鎬守備

曾光賢任紅城子守備

王丕英寧夏千總

昆得定羌廟把總

王丕展梨園把總

董俊 耿萬伏俱把總

孫建學把總金川陣亡世襲恩騎尉

張世法把總金川陣亡世襲恩騎尉

宋希彥乾隆四十六年逆徊寇蘭州從征身帶穿胸鎗傷痕論功第一擢以經制用署把後征川楚陣亡
楊宗道由武舉陞鞏昌十總征川楚陣亡廕雲騎尉
見忠烈

王攀龍由武舉授把總從征川楚陣亡世襲監生

劉福山丹營把總

周進寶西寧鎮守備

謝希彪花馬池守備

謝生春由武舉授把總

樊大成金塔營把總

王肇琳由武舉授肅州中營守備陞西陲神木都司

現任大馬營遊擊

童國臣原任洪水營把總本城人

李文魁由行伍補大馬營把總從征潤什圖陣亡廕

襲恩騎尉

童陞現任烏魯木齊提標中營千總本城人

李柱恩騎尉補署大馬營把總

楊鶴雲騎尉補署大馬營千總

馬三元由行伍現署博營把總 馬營墩人

李有才恩騎尉現署大馬營把總

楊逢春雲騎尉現署大馬營把總

張大祥大馬營把總拔補肅州威虜堡千總

王興邦以磨礮署山丹營把總 河西寨人

吳建友由山丹營行伍從征噶什喀爾逆獠得功

恩獎賞戴花翎 本城人

龔成俊由行伍從征狗疆得功

恩獎賞戴藍翎 大馬營人

孫高林恩騎尉原署山丹營把總 本城人

徐興業雲騎尉現署馬營墩營把總 洪水堡人

山丹營遊擊

余國崇榆林人順治初年任

房王柱順天人武進士順治十七年任

鄭福福建人康熙八年任

邊永昌榆林人康熙十四年任

王三元甘州人康熙十九年任見武宦

陳元山西人康熙二十四年任

陳天祥寧夏人三十三年任

張洪涼州人四十一年任

王尚德江南人四十八年任

王廷瑞寧夏人五十八年任

董庫陝西榆林人雍正九年任

趙得宜奉天人雍正十三年任

長永滿洲乾隆十八年任

官遠色滿洲乾隆三十一年任

福長滿洲護軍校三十四年任

五十一滿洲四十一年任

大馬營遊擊

張 虎寧夏人康熙三十四年任

王景奭奉天人四十一年任

楊所柱奉天人四十七年任

張朝選陝西人雍正四年任

馬進雲西寧人乾隆元年任

王正邦湖廣人武進士乾隆八年任

馬天寵固原人十四年任

晉現龍陝西長安人十八年任

阿靈達滿洲六十年任

索靈阿滿洲前鋒校三十二年任

六十滿洲步軍校四十二年任

洪水營遊擊

周熊兆江南人武進士順治元年任

方慶河南人順治五年任

孫國祥山西人順治十四年任

丁國棟西安人武進士十七年任

王國有寧夏人康熙五年任

王進寶靖遠人康熙八年任

張進忠延綏人十二年任

宗榮顯平涼人二十年任

韓忠蘭州人武進士二十八年任

張忠西安人三十四年任

陳陞福建人世襲四十二年任

蕭起鳳浙江武進士五十年任

賀有善山西武進士五十九年任

哈仁鳳寧夏武進士雍正七年任

梁天隆大通人乾隆元年任

王持衡奉天武進士五年任

安文大通人十四年任

福海蒙古二十六年任

馬熊山西朔州人三十四年任

胡松阿奉天人三十八年任

黑城營遊擊

陳忠康熙六年任

唐廷謨康熙二十年任

岳昇龍莊浪人二十一年任

田洪舜三十年任

柴林五十四年任

馮起耀雍正五年任

丁奇品肅州人雍正十五年任

柴國棟長安人乾隆元年任

馬天祿四川重慶人乾隆四年任

特克慎滿洲十一年任

陳如翼福建漳縣武進士十四年任

都司

李復明山西陽曲人乾隆二十一年任

周繩武奉天人三十年任

鍾占第雲南會澤人三十五年任

李毓龍山西平陽人三十七年任

蘇英阿滿洲四十二年任

破口堡守備

金榮福滿洲康熙六十一年任

邱泰賀景山西大同人雍正元年任

都司

韓朝卿直隸武進士乾隆十一年任

穆和林滿洲乾隆十四年任

永永滿洲世襲乾隆十六年任

曠突本湖南衡山武進士十八年任

佛寧滿洲二十七年任

王學成武威人三十一年任

和倫滿洲三十三年任

馬成功西寧人三十四年任

史瑛山西大同武進士三十五年任

郭愈恩湖南桃源人武舉四十年任

馬營墩守備

李應忠山西隰州人

劉虎湖廣鄖陽人

王威陝西人

王有德順天人

李希榮岷州人

郭永威肅州人

陳蕃奉天人

常 興甘州人

金朝聖奉天人

王 挺山東東昌人以上康熙年間任

董 庫平涼人

蕭奏韶肅州人以上雍正年間任

都司

周福旺雲南甸州人雍正十一年任

馬紀相寧夏人武生

喻其義四川越雋衛人武進士

楊楷四川成都人武進士

柴生華榆林人

杜詢禮江南丹徒人武進士

滿德滿洲

叢天祝直隸天津人

額爾金蒙古

張廷勳武威人以上乾隆年間任

附定羗廟把總

馬錫榮肅州人

李朝元固原人

何生桂肅州人以上康熙年間任

晁得山丹人雍正八年任

曾光賢山丹人

李國玉永昌人

董俊俊山丹人

耿萬福山丹人以上乾隆年間任

三ノノ

ノノ

三ノノ

山丹縣志卷九

食貨 賦役 甘誌

山丹賦役屯科殊致芻粟並徵更有非田而賦以粟
等田而賦獨米至於輸銀蓋甚眇焉存力役之遺意
耳若乃土田墾又則羸衝崩則繼每於數年之間輒
有出入

恩波浩蕩疊予豁除以後比前輕減故名例可備考核而
額征亦存其大畧

戊戌賦役實徵表

考成地糧草銀

原額

四	二	四	一	千	萬	十	百	九	四	八	四	十	三	千	六	四	三	百	九	千	四	百	八	十	九	畝	十	百	錢	八	分	七	七	分	一	毫	五	七	釐	二	升	三	分	四	釐	八	分	三	釐	二	合	八	釐
---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---

實徵

二	一	二	一	千	萬	十	百	七	四	八	十	六	百	一	千	九	百	一	十	六	千	九	百	八	十	九	畝	十	百	錢	一	分	六	分	七	毫	二	斗	六	分	二	釐	六	分	三	釐	九	分	七	釐
---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---

抄七勺

莫六渺八塵二纖四微一忽七然七毫

日本書紀 卷之五

二

--	--	--	--	--	--	--	--	--

戶口

國以民為本古者孟冬獻民數王拜受之數古制也
重民生也

國朝定制據康熙五十年丁冊永為常額續生人丁不加
賦猗與法之良而意之美與至乾隆四十三年甘郡進
呈民數冊分民丁屯丁二項大小男女口數嗣屢長遞增
生齒繁息於今紀其戶則一萬三千有奇紀其口則
九萬三千有奇撫此林總可以見賦役之衆多軍資
之充裕

國勢之隆盛焉司牧民之責者體古聖王十五以上上所

強十五以下上所養之遺法而愷以強教悌以悅安

休養生息安見康樂和親之風不可再見於今日哉

世明嘉
代靖中 國朝 康熙 乾隆 嘉慶 道光

戶民屯

一萬二千五百六十三
六千三百六十三

一萬二千一百一十一

一萬三千八百二十一
七千二百一十一

山手繁品

山手繁品

戸口

子

一十六百九千七萬一
十二百七千二萬一

十二百三千二萬一

二十八千五萬一
三十九百四千三萬九

上子具二八
卷之九

七

度支表

祭享

文廟銀四十五兩

關帝廟銀二十一兩八錢八分

壇廟銀一十四兩一錢九分有奇

孤貧五十名歲支每名糧三石六斗共糧一百八十

石閏加一十五石

山丹驛

額設馬三十二匹歲支銀八百四十四兩九錢三分閏

加七十兩八錢小建扣除

額設牛五頭歲支料三十六石草一千八百束閏加料三石草一百五十束小建扣除

額設夫二十五名歲支銀一百五十兩糧一百五十

石閏加銀一十二兩五錢糧一十二石五斗月建

扣同 續加夫一十四名銀一百六十八兩閏月小建同

續共加馬二十八匹銀七百三十五兩九錢四分閏

加小建除 破口驛新河驛並同

山丹塘額設馬十二匹歲支銀一百八十三兩六錢

額設夫四名歲支銀三十六兩閏月小使加減同新

河塘破口塘定羗廟塘西二十里舖塘同

本縣知縣歲支俸銀四十五兩養廉六百兩

儒學歲支銀四十兩

典史歲支俸銀三十一兩五錢一分九釐養廉銀四

十兩

縣衙門額設門子二名每歲支工銀六兩共十二兩

皂隸十四名每歲支工銀六兩共銀八十四兩

馬快八名每歲支工銀十六兩八錢共銀一百三

十四兩四錢閏加十兩二錢

民壯四十名每歲支工銀六兩共二百四十兩

禁卒八名每歲支工銀六兩共四十八兩

傘扇轎夫七名每歲支工銀六兩共四十二兩五錢

草庫四名每歲支工銀六兩共二十四兩

斗級四名每歲支工銀六兩共二十四兩

典史衙門額設門子一名每歲支工銀六兩

皂隸四名每歲支工銀六兩共二十四兩

馬夫一名每歲支工銀六兩

教諭衙門額設門斗三名每歲支工銀六兩共一十

八兩

齋夫三名每歲支工銀十二兩共銀三十六兩

膳夫二名每歲支工銀六兩六錢六分六釐共銀

一十三兩三錢三分零

廩生二十名每歲支廩糧三石九斗九升零共糧

七十九石九斗九升零折銀七十九兩九錢九

分二釐

鄉飲銀五兩附

山子集三心

卷二ノ

ノ

--	--	--	--	--	--	--	--	--	--

營員歲支表

支歲

副將遊擊都司守備千總把總

外經制委

馬兵步兵守兵

俸薪蔬燭紙紅

三百七十七兩四錢五分八釐

二百三十一兩三錢三分六釐

一百四十一兩三錢九分六釐

九十九兩七錢八分

四十八兩

三十六兩

無

八領 一十六兩

一個餉 一十二兩

月銀 八兩

山子系二

卷之二

歲支表

皇朝通志 卷之六

養廉餉乾糧料草折等項

一千二百五十一兩一錢六分

五百四十一兩三錢三分六釐

三百六十一兩二錢

三百三兩二錢

一百八十六兩六錢

一百四十一兩九錢二分

五十七兩八錢八分

四本 八石

個色 六石

月糧 四石

義倉

山丹地近邊疆土多沙磧有牧民之責者宜籌備倉儲防
歲歉而衛民生道光甲申

那制軍念切民瘼檄甘省各廳州縣縣丞設立義倉官民
捐施貯糧以備荒稔其所以恤民者深而慮民者遠也時
蒞丹者尹縣尊特生首倡捐施糧壹佰捌拾柒石九斗八
升又集五壩士庶共捐糧肆仟捌佰壹拾貳石貳升以勸
厥事齋文通報洵盛舉也丁亥春余守斯土念捐糧多貯
城倉恐陳陳因因日久歸於紅朽城倉距各壩窳遠遇施

濟時移運維艱諭令各壩各移公所以專責成庶不致互相推却久而廢弛也茲將倉楫數目壁畫區分詳列於書

本城倉共貯糧柒百壹拾石叁斗玖升

新河倉共貯糧壹千貳百柒拾伍石陸斗

碓口約共貯糧肆百柒拾石貳斗

花寨約共貯糧伍百肆拾石肆斗

黑城約共貯糧叁百伍石

永固約共貯糧玖百陸拾捌石壹斗壹升

洪水約共貯糧肆百伍拾壹石

新漆約共貯糧貳百捌拾捌石叁斗

社倉

甘省多沙漠磧石之地五穀殊難備生而丹邑近邊疆地多不毛南山一帶霜候尤早黍稌之收穫每難堅實星留之嗟所以輒起閭閻矣今年秋民和年豐羣黎幸歌康樂登堂獻歲之餘聚閭邑父老籌得糧三百九十石分貯城鄉使民支領名曰社倉為貧民春種義學薪水之資考宗食貨志朱文公請得常平米六百石夏受粟於倉冬加息計米以償行之十四年得息米三千石不復收息洵為養

民良法踵而行之每歲春借秋收加息未二分平出平入
倉正副董其事啟封貼封該戶書經其條而又使各義學
教讀師長就近監放監收歲積月累不數年積米廣積社
倉既多儲備而益學義行之久遠已茲將倉所分析備載
以俟後之賢有司督其事而增其數

本城約貯社糧六十石

新河約貯社糧二十八石五斗

破口約貯社糧四十八石

楊家約貯社糧八石

花寨約貯社糧五十石

黑城約貯社糧四十五石五斗

永固約貯社糧四石八斗二升

馬營約貯社糧八十四石

姚家約貯社糧三十五石九斗八升二合

山家約貯社糧八石

花寨外約貯社糧一十四石九斗四升

靜安上約貯社糧十石

永興約貯社糧即在本城新河二約倉內

以上共設立社倉倉斗糧三百九十七石七斗四

升二合

市易

古者日中為市農粟女布資民生日用之常顧市為
貨賄輻輳之所即人民爭競之地地官司徒設司市
一官平市展成奠價表於思次臨於介次平其爭也
復以小民好利相爭每至相欺又設偽飾之禁在民
在商在賈在公者各十有二禁其欺也入市者能體
其意而行之陳市辨物各得其平易爭之地可以覩
無爭之化焉

布絮其來自中州帛其來自荆揚其值昂

衣多裘褐其襜毛其上駝其線市甘人用綫皆市買不自績其藉多氈

菽麥賤值杭稻貴值杭米常日視粟米等價皆倍之

蔬果賤值油酒賤值

茶自官曰府茶亦曰黑茶甘屬崇酪酥以茶調之率不可離而細茶無購者

白鹽賤值紅鹽青鹽倍值紅鹽青鹽出山丹北虜中

其木多松自祁連其用溥其值廉

木之美沙棗以為器其次柳楊其飾以髹器甘無漆飾者以油

其車上榆凡得榆木以為車轂輻及軸無木柳次之楊又次之

其芻藁稽山草湖草其值平

其筐筥畚帚以藉藉其值廉

其煤自山丹其值平

其薪材或屑大木為之

其器銅錫倍值鐵三倍之地倍也

金石間出無恒市

口手集

卷之八

十一

--	--	--	--	--	--	--	--	--	--	--	--

風俗甘誌

孔子言南方之強北方之強蓋以地氣所稟性或有殊而流風漸染習俗易移固不可以拘墟也山丹古西戎地月氏匈奴之世漣飲肉食旃裘毳帳漢興以來空其地而徙民以實之然而地寒產羊其所便者在焉魏志曰西涼之俗輕貧弱重豪富豪之家其侵漁小民如僕隸寰宇記曰人性堅剛忼慨圖冊曰穴居野處採獵為生張掖志曰勤力畝畝好學尚禮甘鎮志曰在昔牧畜為業弓馬是尚好善樂施今則人

知耕稼大異往昔地雖邊境而俗同內郡揆以所見
 古今不甚相遠也明王鴻儒題名記云酒醴之會上
 下相通政事寬厚吏民相親風雨時節穀糴常賤盜
 賊稀少雖亦五郡之大凡而泉甘且冽清淑之氣當
 蒼萃於茲矣日用雜儀畧舉如左亦可以觀焉

宮室四時少雨不瓦不甍架木為楹藉以為簡屋簡今房也

西漢以名縣東漢晉魏訛作簡覆以圻墁仕宦家另建祖祠酌用磚

瓦

衣服地寒多宜羊裘多無面者庶民胥以禦寒締綌紗

羅三伏時間衣之而服者甚少

飲食飲用茶酪枸杞食重羔豚穀麥又產犛牛力不能耕飼以為食酒有數種酒肆煮米和麴釀成者曰黃酒而又以裸麥糜穀和麴釀成者曰汾酒又有釭子酒煮大麥和麴成裝罇內截蘆為筒各吸飲之此杜工部所謂蘆酒是也

疾病紳士講求醫藥細民家有過藥不效者延巫祈禱用跳神法屋上插黃幟以誦經咒

喪葬殯前三日鄉黨親友來賻奠間作佛事葬三日親

友赴筵祭奠攢山

婚嫁凡議親大族先行問名納采禮俗謂送婚後行聘設晏禮賓俗謂會親親迎時壻乘馬如女家行奠雁禮以綵飾肩輿並用旂傘鼓樂蓮炬其女家粧奩排列通衢新壻導前綵輿隨後親友迎送者俱乘轎車迎新婦歸亦有親迎次日送粧奩者

祭享仕宦家另建祖祠士庶即以主房作影堂奉祖禰神主春分夏至秋分冬至隨時設享召親友如燕禮遇朔望薦新

歲時元日賀正禮百神如常儀元宵家各張燈戶栽小
松株以綫綴香於枝上焚之名曰火樹通衢遍立木
坊張燈又鰲山燈者以木板作屋高二三丈前用紗
罩畫像內設燈四五百盞庶民作花炮竹馬或龍燈
踏歌戲於街市以慶豐年凡三元並張燈清明昇城
隍於厲壇演戲設樂庶民共禮之立春前一日迎春
東郊師巫社火雜陳百戲庶民踰觀之立春日如常
儀

日本書紀

卷之八

一

--	--	--	--	--	--	--	--	--	--

物產

五行百產之精華原以供生人之用山林川澤墳衍
原隰之因其地而產其物者自足以覩生生不息之
機丹邑古雍州地山澤濼峙物產類生東南之美者
有金山之多金玉焉西北之美者有居延澤傍之紅
鹽足以資供獻焉其他石燕具其竒形青鹽可備藥
物凡出其菁華而取之不竭者自足以備黎庶日用
之資地官司徒以土會之法辨五地之物生以土宜
之法辨十有二土之民物生斯土者其因地辨物而

得利用厚生之意可

穀之屬黍

俗曰

稷

俗曰

小麥

金史曰

大麥

青稞

俗以為糲可釀酒

蠶豆

俗曰

豌豆

即畢豆俗曰小豆

匾豆

小而匾可作粉

胡麻

一名狗

方莖一名鴻臚苗梗如麻而葉圓銳嫩時可蔬俗用供油

菜子

可為油

蔬之屬松

俗曰

芹

芥

紫花松

俗曰

紅蘿蔔

黃

蘿蔔

葱

蒜

韭

又有沙韭

葫蘆

形味如南瓜而子如葫蘆俗因稱之

菱 芡 荇

沙葱

陽台合黎山最佳似葱而細

圓根

似蘿蔔而圓色青味甘脆

頭髮菜

李漁以河西物產中第一

磨菇

有黑白二種並佳

防風子

味甘可食可備凶荒

果蔬之屬

杏

一種把丹杏核仁甘美元人為貢

楸

花之屬 黃刺梅 卷丹 即百菊 黃白紫三種大 西來

意 俗名絳 毬梅 紅刺梅 毛金蓮 鷓鴣粟 雞冠 燈盞

花 珍珠花 山丹花

木之屬 栢 松 俗名刺松而專松之名者 柳 榆

白楊

草之屬 馬蘭 甘人以為粗帝 艾 苜蓿 藉藉 即芟芟編簾 觀屋其用甚

廣水蓬 燒取其汁以為蓬灰 蓬蒿

藥之屬 枸杞 俗名杞果子鮮紅色本草云治風濕 堅筋骨利大小腸久服輕身不老 荊

芥 益母草 沙參 苦參 大黃 味甘寒一名黃 良出山丹有錦

本草綱目卷之二十一 物產 十一

紋者最佳回夷極切日用甘草大者紅花麝香回夷

得此以制鹿茸鎖陽味甘酸補陰益精尤治虛症紫蘇麻黃

石燕石形如燕青鹽牛旁車前寒水石疾藜出沙

灣川芎黃連羌活獨活生麻草參防

風肉蓯蓉

鳥之屬鷹重一斤許松雞翠藍色沙雞鳧俗名水鵞天鵝

鵲鳩鴿燕雀百玲俗名老鷹紅嘴鴉

烏鴉啄木虫

獸之屬鹿麋狼狐兔土豹野馬青

羊

黃羊

似羴色淡黃角花黑

羴羊

尾重三觔餘

田鼠

黃鼠

蝟

鼠

鱗之屬

鯽

無鱗魚

黑黃色

畜之屬

胡羊

俗名山羊一名羴

雞

鴨

鶩

豕

犬

貨之屬

金

出洪水南今山俱煙且封禁

青鹽

紅鹽

並出山丹口外虜中

褐

絨

羶

皮

草

膠

毛

酥

酪

紫菓

煤

山丹地煤於湖灘中佳掘取者

蟲之屬

蝟牛

蚓

蜂

蜘蛛

蠅

蚊

蛙

蝶

--	--	--	--	--	--	--	--	--	--

山丹縣續誌卷十

藝文

稽舊土者載稽文獻謂足以信今傳後也考大得句
奴歌曰亡我祁連山使我六畜不蕃息失我焉支山
使我婦女無顏色三唐出塞諸作半指居延由晉以
來迄於元明其文辭之著見於丹邑者皆可搜輯於
風霜兵燹之餘

國朝文治光華藝林翳薈經邦者紀畧垂勳稽學者搗
華採藻或詳其事之興廢隆替或稱其人之忠孝節

義或攬其地之山川草木以發為文章詞賦凡載之
甘誌勒之寺宇傳之篇章者概行繕錄序入編中取
其辭嘉其意庶可備好學者之研窮而問風者之採
擇焉

重修山丹髮塔寺碑記

明眉川
訓導 陳敏

山丹設衛隸河西帥閩古刹塔基在衛治東南考之藏
經廣明集云甘肅東百二十里有山丹南古堆昔阿育
王往天上人間龍宮海藏造八萬四千塔一夜完成東
震旦國一十九所一所在此名曰育王塔寺永樂間適

有鎮守甘肅太監王公安嘗聞經集所在尋訪古塔蓋
已有年宣德間東巡山丹訪諮指揮楊公斌耆舊項文
貴輩中華衣冠族也建塔歲月既久無文可考近聞郡
人建此基伐土得一石甌啟視之有髮如新復瘞於此
因名寺曰髮塔山丹密邇佛化之鄉昔有道者建寺無
疑僉謀於衆皆願捐力施財時都指揮僉事呂公均董
督山丹備兵營修築功未遂呂公回司厥後楊公斌升
都指揮僉事倡率官僚耆庶各捐已資陶甃取材工師
造之庶民攻之不再期落成髮塔高聳於晴霄殿宇巍

峙於福地廊廡山門伽藍僧舍煥然聿新塑像畫壁未

就楊公終正統乙丑春朝命都指揮僉事彭公智鎮守

山丹寶囊成之復延緇流桑爾伽藏卜住持勤於焚修

是寺作鎮於邊壯觀西土上祝皇圖高明悠久爰勒貞

珉以為法門作善之勸云

按寺尚有第一座碑亦係大梁陳敏撰正統十三年八月

住持桑爾伽藏卜立石此第二座也

創修廟學記

明按察司副使 劉廣衡

洪惟聖朝混一區宇武功既戢文德誕敷自京師以及

天下郡縣莫不有學誠以學迺風化之源為政之本自

古帝王有天下未有舍此以為治者故曰王者建國君
民教學為先然學必有廟以祀先聖學以集師生非廟
無以報本非學無以施教二者兼舉乃克有成世固有
儒言儒服施諸政事惟勾稽簿書是急者不可勝悼武
人衛士曾知所先務哉陝西行都司屬衛山丹居大河
之西東連武威西接張掖山川壯麗城郭鞏固居民鮮
少而習武者不下萬家固嘗遵聖制禮師儒以典教事
而廟庭學舍舉未修葺師生朝夕寓教空舍因循苟且
名存實廢維時都察院右副都御史馬公奉命來邊叅

總兵政一切庶事得以便宜處置按歷是境慨嘆廟學未立何以宣化迺聞於上命守備山丹都指揮僉事盧江彭君智成之彭君既武而文率僚屬集衆役取材於山陶甃於野百工不命而獻功士庶不祈而薦貨建廟樹學於衛之南向經始於正統戊辰之二月落成於是年之六月凡先聖四配十哲兩廡從祀諸賢繪塑儀像儼然若存而神厨器庫講堂齋舍罔不咸備輪焉奐焉金碧輝耀於是享祀有儀講息有所朝歌暮絃文屈大振將見觀感興化遷善敏德家詩書人禮樂風俗丕變

賢才輩出其要固繫於此而古之所謂受成獻馘者亦皆有所在也夫廟學之完且美不記於石無以示後僉俾余記其事予謂魯侯僖公作泮蜀守文翁興學詩頌其事史載其美至今千數百年耿而不磨山丹廟學之成誠荷上之德化甄陶非都憲公之提撕振作亦弗見其大有為若是也後詩人之詠史氏之書將不一而足者矣馬公河南人名昂字景高發身科目歷監察御史秋官侍郎德茂才著擢任今職文事武備時鮮與倫古之韓范不是過也謹此

建雷壇廟碑記

明生劉喜

蓋聞元王開教索齋乎造化之機默運于亭毒之表生物利民裨益治化隆古逮今由來尚已自明開拓西疆立陝西行都司統十四衛所山丹古仙堤郡設衛隸五所去甘一百二十里永樂辛卯郡旱使陳公英小於衛治之南舊古城遺址設壇禱雨甘霖應期霽濡沃若是年有秋百禾大熟人歌豐穰遂建雷壇宣德丙午至正統丙寅都帥楊公斌彭公智偕衛之僚屬闢土築基儲材陶甃崇蓋殿宇三官五師法堂繪塑聖像壁畫雷神

將帥蓋前山門塑龍虎朱元四靈神將景泰癸酉都帥
張公熊指揮使趙公俊增修道院雲厨金碧煥彩棟宇
聿新功倍於前命工立石以垂永久焉爾

景泰六年乙亥六月江右

五雲溪生劉善撰未詳所自
昭勇將軍都指揮張熊立石

重修土佛寺碑記

陳敏

粵自漢永平間金天之教流傳中土歷魏晉齊梁隋唐
宋元間寰海之內邦甸郡邑莫不有寺以闡善教逮於
明朝撫有萬邦開拓邊西立都閩分設衛所以統之東
去都閩百二十里曰山丹衛古州名也白雪山之崔巍

枕龍山之嵯峩清流激湍紫環繞瀛度地之勝概甲於
他郡居人多中華衣冠之族密邇金仙習俗嚮善衛治
西十里古刹因邱陵立佛像正統庚申鎮守甘肅太監
王公貴選拔沙門緇流精修其道者智瑩號秀峰住持
是寺秀峰名族後裔生質敦朴知識穎拔投本空師授
戒律傳禪定焚修無間於寒暑功行圓覺都綱沙加捨
念重其德給經符牒慨感寺宇朴陋乃請於守備山丹
都指揮楊公斌倡導檀越儲材陶甃經營修建肇自正
統辛酉春訖工於壬戌歲暮殿宇山門法堂廊廡廚亭

落成都司指揮張公熊裝嚴繪塑金碧流光煥然聿新
先是鎮守甘肅太監劉公永誠巡省於邊瞻禮喟嘆歸
請於朝賜額土佛金書其門朗昭星月彼都人士嚮化
闡揚上祝皇圖奠磐石之安下祈閭里登仁壽之域慈
航穩步永享昇平銘曰金天開化自被西方教傳中土
歷代顯揚甘肅設鎮鞏固金湯山丹立衛俗普循良巨
人表蹟震疊戎羌鐫銘勒石永瞻佛光

景泰六年乙亥
六月任持智堂

立芝軒道人
劉繪書丹

重修雲臺寺碑記

明生 員 徐體仁

仙堤城南四十里地名暖泉山明水秀物類森齊宣德
丙午有僧興正宗遊訪過此忽覩石記於地坡細視碑
文乃前漢奉勅所造雲臺寺也以南山有雲出岫形象
若臺故名之既而正宗發願修造乃率信士及佛僧等
取材於山陶甃於野木工畫士無遠不來經始宣德四
年之七月落成於成化七年九月前殿內塑三世如來
背坐觀音大士左右繪畫藥師佛十二神王熾盛佛十
二星官後殿正塑釋迦世尊阿難迦舍兩壁圖畫諸佛
菩薩左右廊文殊普化普賢以至天王殿鐘樓山門齋

室僧舍罔不周備金碧輝煌猗猗美盛於四方瞻仰禱
有應祈有感佛法由是日隆善教從茲日著矣正宗命
予為記予以信善心法非文可傳而諸人之功果圓成
必須垂諸悠久况正宗山東人秉性至潔法律精嚴崇
建之志純一不以歲久勞苦而或倦宜表而著之爰綴
以銘曰釋迦文佛教演西方流傳東土日月同光衆生
迷忘誓作梯航慈恩普著碩德難量後人景仰沒世不
忘巍巍金像祈福降祥山門清淨僧侶端方正教興隆

永鎮邊疆

成化七年辛卯孟冬立仙堤監生陳志道傳
以德書尚有第二道碑萬歷二十一年平羌

將軍王元中重修二十八年庚子落成四十八年庚申住持王札叶朱桑卜等勒石未載

建馬喝喇寺碑記

明歲 王尚綱 貢

山丹南六十里有舊古剎天順初年始自僧沙迦會發
心創建至洪正間俱就傾圮復遇僧智瑩秀峰再造鴻
工敬修佛殿後有惠誠僧行最上續承前模援例題請
奉勅賜馬喝喇寺也環山帶水龍嘯虎吟登高望遠對
景怡情衛通西極道接鍾山修前後正殿供奉祖師伽
藍方丈廚房悉且塑像儼然遂開常住地五十畝以資
香火詎意隆慶之元虜酋假迎佛以求款貢盤住縱牧

踐踏污穢僅留地基萬歷辛巳之明年猝寇背盟東歸
居人張文張世龍目擊荒涼不忍坐視共發善願與住
持張演玉募化十方官士鄉耆人等捐資鼎新恢廓舊
業煥然改觀仍添設兩廊羅漢天王鐘鼓樓廚房十三
間週圍墻垣築砌高厚培植樹株森森暢茂命弟子張
應科來謁為文以垂永久予思釋氏之興淵源遠矣生
於周昭始於漢明及晉宋齊梁陳代代相承洪惟我宣
宗章皇帝二載之初賜以勅諭加次護持二百禩來荷
豐登之慶享樂利之庥豈止一方而已哉茲於烽火之

餘重觀真命之美鳩工於萬歷十九年落成於二十八年完葺於三十四年廟貌莊嚴佛力浩大近者悅而遠者來庶足奠國家億萬年無疆之運耳爰為銘以紀其

歲月云

萬歷三十四年八月立

建廣化寺碑記

明貢張嵩

山丹八十里城南有山俗名大黃居民康豫木可樵水可漁園可蔬為境內第一勝概雲遊藏主道曷號月峰者偕徒德慧一至其境徘徊不舍為衆鄉老願建刹焉操守山丹指揮趙公譽牧祖趙德智積善輩遂同心協

德募緣鳩工櫛風沐雨幾十餘年欲成寺而未得維時
欽差鎮守涼州副總兵劉公晟太監張公睿各捐奉廩
以助之十方施舍源源而來擇於是堡之中背坎而離
中構大雄殿三間兩廡文殊地藏殿各三間天王殿塼
殿山門各三間伽藍護教鐘鼓樓各一間殿宇巍然塑
像儼然金碧絢耀煥然長廊曲逕複壁重門相為掩映
以至齋堂僧舍庖廩井廡嚴嚴翼翼晨鐘暮鼓朝夕諷
誦參講有所瞻謁有依經始於成化庚寅夏四月落成
於成化丙午秋七月因衆工成故額之於楹曰廣化藏

事已久月峯年耄以未立碑無由示後請予為之記予
維志安逸厭勞苦人之常情也矧月峯迹寄雲遊乃能
甘澹泊任艱辛歷深歲月成此萬善之功擬諸達摩面
壁幾覺彼逸而此勞矣月峯金臺人前都護郭公之後
自幼出家精嚴戒行洞達元微鎮守大臣嘗請勅嘉之
平生功行概可見已曰德慧前鎮甘涼元戎劉公裔也
蚤年師事月峯迥出衆流曰德仙曰圓聰繼志述事立
品卓然後之人果能振起而光大之庶於法門衣鉢永
承無疆之祚哉姑為記其始末以作方來之勸云

宏治
辛亥

夏四月上旬臨濟法嗣台密行宗師開山道場立洛陽縣丞仙堤徐昊書丹錦衣衛指揮使指揮河南劉經篆額

建轉輪寺碑記

愚貢

周士美

嘗觀天地之名山大川四方之廟宇郊祀不可勝記蓋因塋以立廟因廟以設像皆有擇而取之非細事也或依於山之靈秀或依於水之晶明或審於林木之森羅或審於塋角之高朗無非借神像之靈氣以發地脉之靈氣也我丹邑內有大佛寺一座古名髮塔寺廼一方之護佑修醮供奉夙稱美焉今於湖南郭外又得名區昔稱南湖夜月是也沙鷗翔集錦麟游泳清流在左芟

荷在右前有祁連後有龍頭真佛地而可以福人者歟
有秘密教樂藏吒叶党僧者神假其慧夢叶厥祥適遇
遊戎城主鄭罷衛主向騰蛟巡歷其間皆曰可以作大
悲閣殿度一切羣迷也於是會集善人王復元劉欽龍
作先揚友賢等同心協力共捨貲財鳩工於康熙八年
四月初四日至二十三年四月二十七日工竣立轉輪
殿一座東西廂房六間鐘鼓俱全樓後天王殿三間觀
音殿大佛殿各一座週圍步地東至月牙湖小泉南至
伍壩溝西至王指揮舊磨北至陳治策磨河棟樑魏煥

金碧流輝可以起人心之敬奉可以聳遠邇之觀瞻昔
為荒塘藁蕪者今為臺池爽塏矣昔為蒼烟白露者今
為藟宇旃壇矣或遇佳時令節州人士女無不頂爐焚
香皈依祈禱人謂報之者迺人之力也予曰此神之力
也今而後仕宦之鴻達彌盛軍民之福澤益深五穀豐
登孳蓄繁衍萑蒲遊跡國祚綿綿無不藉庇護於靡涯
也諸君子乞予文為記特錄其興建始末以表見於貞

珉

山子集

卷一

二

--	--	--	--	--	--	--	--	--	--

居延塞辨

府學 王潛學
教授

漢居延塞值張掖東北蓋徼巡之要區而出入之孔道也漢武帝時初置張掖爰立十縣其一曰居延居延者當今山丹西北數十里土人相傳有古城遺址在焉顏師古注居延曰漢武所置非能有其土也以安處所獲居延人而名也居延者匈奴中地名也韋昭以張掖為居延亦失也由是觀之有匈奴之居延有張掖之居延匈奴之居延元亦集乃路是也張掖之居延今山丹西北數十里城址是也匈奴之居延古所有也張掖之居

延漢武所置也是故西漢以來或出居延或守居延或

款居延皆在是矣而世之論者固徵其實曰漢居延縣

在今張掖東北一千餘里亦集乃東北二百里居延澤

中則所謂居延塞者又莫知其所指矣嗚呼其亦不思

之甚也聞嘗深究其源論者之誤本於唐書

唐書註州丹縣曰自

張掖河西行出合黎山口傍河濡曲行二十餘里有寧寇軍故同城守捉也其東北有居延海

唐書

之誤本於水經

魏鄭道元水經注曰弱水出自張掖州丹西北出合黎山峽又東北千餘里入

居延海而水經之誤則亦漢晉諸史之有以開其源也漢

地理志曰居延澤在張掖東北古文以為流沙東漢郡

國志曰居延有居延澤古流沙晉地理志曰居延澤在
居延東南即尚書所謂流沙然三史之說第據張掖之
居延以其東南為流沙以附尚書弱水既西入於流沙
之青而非有他也唐括地志曰張掖東北六十四里有
居延海足以徵矣而水經則引而致之古匈奴之居延
唐書不察因並舉刑丹之寧冠軍同城守捉而亦以歸
之匈奴之居延此其所以愈久愈憤而不可識別者也
獨不思張掖一郡幅輳幾何道里幾何而藐茲一邑孤
懸千二百里之外何以統屬何以控馭而使教寧無事

以永庇於張掖之宇乎且居延之判其於漢書良已鑿鑿顧第弗深考耳夫張掖之居延縣也自漢武始也李陵之出居延塞也陸博德實守之亦漢武時也當是時彼蘇武者方和雪嚙羶持節牧羝於匈奴之居延海上比武帝既沒昭帝之世而始得歸拜武帝之墓則武帝時安所得居延海者而縣之而塞之苟已得而縣之而塞之矣子卿何以不及於斯時而猶待夫帛書之給虜也此其大彰明較著者也夫揆之以勢不合論之以時不合而又有漢晉諸書括地之志足以推注水經者之

謬誤注唐書者之荒畧信乎居延之在此不在彼而耳
食者之無足據也陳子昂曰同城當磧南口自治也夫

弱水流沙辨

王學潛

書曰弱水既西又曰導弱水至於合黎餘波入於流沙
漢地理志曰刪丹有弱水又曰居延澤在張掖東北古
文以為流沙而於黑水只稱羌谷按甘州以東水無西
流者漢志似為得之至晉而羌谷始有黑水之名至元
魏鄜道元注水經而黑水始附禹貢之跡然不知黑水
弱水其源雖殊其歸正同穿鑿不紕令人有燕郢之歎

馬唐宋以降愈失愈遠蓋不履其地者無以盡山水之情形而盡信夫書者徒以誇古今之淹貫故也余以不佞博覽載籍遐稽山川十年以來始知其說所謂弱水者山丹以西高臺以東凡水之北出鎮夷峽者皆是也下流未啟聚為平湖有懷襄之勢而無震蕩之能宜謂其弱也今鎮夷峽中居然有斧鑿痕與伊闕龍門同符是禹之導水處也而鎮夷既啟一洩無餘水落沙出餘波浸滲漸以涸竭今甘州之西之東之南之北沙阜崇隆因風轉徙侵沒田園湮壓廬舍者所謂流沙非與則

所謂餘波入於流沙者非是謂與是故今所謂弱水者古無指名而今所謂黑水者則古弱水中之第一洪流巨浸也此可以意會者也不然僅一剛丹之水之微耳而侈陳於策神禹始不其然乎或曰今黑水出鎮夷峽至於天倉伏流不復見所謂流沙者或在彼而不在此特是鎮夷以北正當水衝以云餘波於義未安則是流沙之說漢志為得特其義有未盡耳而其他渺乎遠矣至入於南海之黑水其必非今此之黑水也尤其不待辨而明者乎

弱水辨二則

原生 高元振

國之形勢各殊以山川定其疆界如黑水西河惟雍州是也水之支派各別以山鎮紀其源流如導弱水至於合黎餘波入於流沙是也信斯言也弱水之在張掖固無可疑者矣乃記者曲其說於長安西行萬二千里之外紆其途於又遠百日方至其地之遙疑別有所謂弱水者以為記傳所云在於條支遂信以為然焉夫事之可信者莫如目見言之無疑者莫如聖經舍目見而耳食於沙漠之外舍聖經而荒誕於傳記之文勢必至引

蓬萊仙山環以弱水三千是真有其處所謂至合黎而
入於流沙者反疑而不信豈可哉故讀書窮理之士不
疑目而信耳不疑經而信傳也

水其有常乎何獨弱而力不自芥水其無常乎何力弱
偏能至合黎而入流沙謂水之強而有力者為有常強
而有力者莫如黑水春夏暴漲雷吼電掣沙石奔流岡
陵不能為之岸溝瀆不能為之容抑何盛哉倏焉之間
勢如下閘點滴無存雖禽鳥亦莫之顧強者不足恃未
見其有常也謂散渙無力者為無常而無力者莫如弱

水乃綿綿亘亘不激不波五里一壩不見其盈十里一
閘不見其竭由祁連而合黎由合黎而流沙蜿蜒千里
終古如斯無常者顧如是乎然則弱水非果無常也其
謂之無常者止以力不能負芥耳彼黑水衝突蕩激橋
梁不峙舟楫不容何強而有力者亦不能載而弱者終
未見其淪一物而沉一人也由是言之豈非強而不繼
者為無常弱而能繼者為有常繼而有常者雖弱亦強
不繼無常者雖強亦弱耶孟子曰原泉混混不舍晝夜
盈科而後進放乎四海蓋取其有常也七八月之間兩

集溝澮皆盈其洞也可立而待蓋耻其無常也

一
二
三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

日本書紀

卷之十一

十一

建五堤龍王廟記

生員 王 欽

山丹衛治南五十里許有石嘴山焉山下有大河一道
名暖泉渠總河口即渠民衣食源所屬也自昔海寇出
沒阻於修濬民田盡蕪迄明宏治三年都御史劉公璋
飭僉事李公克嗣智理厥事乃選守備都指揮武振公
疏導之嘉靖二十八年河復淤塞巡撫都御史楊公博
委分巡副史石公永增置墩臺再濬之自是河水洋洋
北流活活泉不壅塞蕪田盡乂矣說者謂龍之為靈昭
昭也噓雲霧施雨澤溢河流變化莫測龍神則又司是

水利三時藉以灌溉四季賴以滂沛者廼以生民利賴之神聽其瞻拜無所式憑無依甚非所以謹本原而報神功也嘗攷聖王制祭法有功於民則祀之能禦大災捍大患則祀之龍神之為神其旱而禱不崇朝而陰雲四合沛然下雨體沾體溼足其滂而祈不崇朝而密雲收散曦馭清明萬里無翳神有是數者宜其享祀豐潔不可褻也維時紳士耆庶喜捨已財卜地於河之東岸庀材鳩工自春徂秋即於康熙十六年告竣創修大殿三楹齋舍廚房墻垣悉備繪畫神像煥然壯觀庶明禋

勿替而神常依之後之導水者當知水波自青海發派
東北會於大通河始大又東會於白石崖又東北入河
由地中行又北東出於曹古城大馬營原泉混混沮如
散漫西流過大小蔡家湖一帶小泉穴出正出合派而
來西北過大黃山埧又北過石嘴山達於分水口分條
晰支齒排五埧故名五埧龍王廟是水利之發源過澗
波濤澎湃蜿蜒三四百里支分上下閘納賦三千餘石
其所由來者漸矣豈一朝一夕之故哉爰不辭謏陋書以
為記

重修白石崖碑記

國朝廩生 賀璋

從來腹裏地方任土作貢至於邊未僻壤縣屬指水成賦是水利之攸關於國計民生也豈細故哉丹郡諸渠水利經往昔先達疏濬有道均平無私而樹經久莫外之遺模者要自暖泉渠為始然五渠水利固自大馬營泉合派而來而大馬營以上泉源實自白石崖口分支發月誌於甘鎮勒於碑銘煌煌載記昭如日星僉曰白石崔舊渠明季屢經督撫各大人或馳檄董事或委員監修增繕墩臺疏導河口灌溉之洋溢奚止數千家

早不為災良非虛語夫何物換星移人更代隔利其利者罔思循源溯本舉當年之締造經營渺焉罔聞漸至上流淤塞田多荒蕪我

國朝康熙三十年間有原任山丹衛屯政廳張公因年旱遂上其事蒙道府兩憲惠愛飭各屬耆庶人夫赴河口重疏稍事隄防即有混混不舍之機關十數年來河流不時漲泛人或莫之竟也雍正四年縣侯張公蒙川陝總督威信公岳奉營田水利一策曉諭填內庠生毛子漢誅劉子朝用等繪圖呈縣投府檄委經理韓公同各

填人夫往渠口挑濬因水源地勢去縣二百餘里節氣尚寒又兼雨雪交加暫緩其工乾隆二年毛子漢琳辦理渠務感縣侯祁公安期准給執照會同填內耆庶派夫丁百十餘名抵白石崖口仍決去上壅渠水益浩浩焉迨乾隆十三年夏天旱水細各填以興修水利等情請縣荷邑侯王公士毅詳府據批興修水利實與軍民有益等語又文移大馬營遊府亦如府移文於是齊集人夫刻日興工既而不果至乾隆十五年五月渠長王詠等將前情復稟縣侯曾公希孔恩給信牌聯閭填士

庶人夫率由舊章再事修濬而淤塞日周通細流日洪
大矣夫圖始者鮮克有終善作者未必善成想亦理勢
之或然非人事之所必然也余念生於斯長於斯服田
力穡食舊德於斯每竊羨先後各大人為國為民之盛
舉暨近世諸子輩不愆不忘之朴心備抒鄙辭俾後之
起焉者駕輕車而就熟路使水利再興則功與德可符
前哲孰謂古今不相及哉謹勒石以誌不朽

建大馬營河龍王廟記

生員趙明

聖天子撫馭中外念切民瘼遐邇通昭一統之盛上下蒙

粒食之庠我閭屬編氓恃水利為續命之源者十之八
九而暖泉等堤殆有甚焉然有物有則固賴天工為消
為長實為神力是以暖泉等堤水利自大馬營以上源
泉合派而來而大馬營泉又自白石崖口霽流而發川
流之洋溢何止三百餘里屯戍沾水利者奚啻數千餘
家夫非神明有以參贊乎化育而孰為為之耶迺自乾
隆丁巳夏下五閘閭渠士庶蒙縣侯祁公委飭興修白
石崖渠水利道至河口岔山嘴鳩工庀材闢地以廣福
田立祠以展報賽議處就近香火乾地一段東北至大

河西至湖溝南至橫路以為將來葺膳之資自此龍
神廟貌煥然改觀當年之締造經營非不甚善奈未幾
物換星移老成凋謝臨河一帶磨戶並附近居民乘間
而侵水者某某侵地者某某而今而後倘無有過而問
焉者上下三千二百餘石官糧之渠口盡為漁人逐利
之場矣爰於乾隆庚午歲五月下五閘士庶荷縣侯曾
公委飭重修白石崖水利齊集岔河河嘴龍神廟詢
究香火田地着落並歷年佃戶租糧輸誠如數備出以
貺神庥以隆祀典唯曰因人成事俟後之起焉者窮本

尋源莫不善其善而利其利也幸今十六年辛未夏靈
爽降鑿雨澤滂沱歲登大有家給人足享利食于三時
真荷蒙龍神甘霖之常布邀福澤於千載庶不負

皇仁撫綏之永臻敬序

重修山丹縣學宮引

山丹今萬邦英

蓋聞禮重三雍首啟地靈之秀規崇兩序踵增人傑
之英惟瞻魏煥於宮墻乃毓菁華於柱石矧夫仙堤
古蹟弱水名區夏王聲教之先開漢代屯疇之繼闡
元川溢處依稀龍馬負圖丹嶂披時彷彿虬鸞成宇
元立州而桐圭始剪明分衛而藻采方馨楊指揮建
黌於前劉巡撫修解於後文峯鵲起榜中爵挺憲司

王公建侯

武績鷹揚坊上名留都督

王公

追我

朝威除三孽德撫四夷氏池日勒之城併而設縣龍首騰

支之瑞環以成都另號編闡頻科廣額鳳翔宜翔乎
千仞鶴鳴倍振於九臯矣無如頽壁重興猶沿舊址
靈光特特未擴新模年年沙漠風高處處水渠雨漲
殿垣剝落僅喧鳥鼠之栖廡宇圯傾徒切麥苗之慨
以致廣文官冷半席誰溫因而儒士運窮一枝莫借
人皆懷玉詎真選之青錢句亦擲金奚免經慚白臘
從無重綬步絕登瀛偶有副車題難上榻咸指巽隅
多缺漏競云離照少光明本縣蒞任維新崇文最摯
衝路供差絡繹苦物力之維艱道旁菜室紛紜虞人

謨之未協謁來朔望循階四拜以躊躇真在辛未舉
爵三登而愴惻每賡魯頌樂采香芹幾蕪周原鞠為
茂草試思若輩文章事業却從何處求來須知他年
富貴功名都向个中做起吾師乎吾師乎何能鬱鬱
歆此我過矣我過矣曷忍悠悠視諸譬春秋譏世室
之壞敢廢其塗猶祖考恫遺塵之頽寧忘肯構况梵
宮蕭院尚圖邀福以揮囊抑舞榭歌筵或欲誇毫而
鬪彩豈

先聖瞻依所繫兼彼都科第仗關能無心目俱驚得弗寢

餐共廢是用廣諏羣策齊舉衆擎務集掖以成裘期
為山而覆晉寸絲寸粒推致神倉片瓦片椽合興大
厦刪象直昭乎孔壁奎光還賁乎祁連匪同髮塔禪
林壺供五石奚止草湖藪澤利溥千畝欣燕雀之賀
堂卜鷓鴣之搏關鳴

國家人文之盛將在茲乎培山水地脉之隆又其次也
庶幾如竹苞如松茂真輪騰東井之輝行見以行舉
以言揚俊造奪西陸之職毋辜厚望
乾隆四十年

四年冬
月募修

重修文昌宮碑記

文楠

涪州進士

蓋聞教善作忠端由雅化明經達用必藉神靈丹邑地連邊境兵革頻仍文教不興由來久矣前明有陝西行都司指揮彭公守備山丹慮斯文之未振思學校之弗興爰與善士薛道隆等於縣治之北修建文昌宮正統十四年創始至景泰元年落成數百年來風雨之所飄搖燥濕之所損動廟宇摧頽不堪言矣前任津門路公與儒學武功黃君率本邑紳士捐資重修辛亥春余代庖斯土雖有樂與為善之心而日逐逐於案牘且

衝途奔馳刻無寧晷不暇親身督理而工用不敷處未嘗弗為之設法焉復念前次址基在北有干元武之次因移聖祠於文廟之旁並建奎星閣於其左鳩工庀材雕樑繪像不數月而工已告竣觀此日之殿宇輝煌以視前次之棟折摧崩頓覺煥然改觀不第神有憑依馨香俎豆即都人士之依賴靡窮亦守此土者之瞻仰無暨斯誠舉數百年廢墜之典於以不替也由此入廟思敬漸摩涵育一洗當年奔鄙之陋彬彬然皆有文雅之風將見多士雲蒸蔚起登甲第者共沐文明之化庶

民入孝出弟效淳良者咸入友愛之鄉 帝君之靈

直接洙泗之淵源而相為表裏也用是刻石以垂諸不

朽云

生貢鄒國珍王榮槐吳元祚鄒之弼督修
乾隆五十六年鳩工於是年九月日告竣

口手集

卷之二

三

重修忠義節孝祠

邑令黎建三

蓋聞天有命人有道聖有教小則百為大則三綱皆庸
行也而忠孝節義聖人不輕許常人不放居若獨待奇
節異行之士遙遙相望於古今間何哉竊惟人之所以
為人者盡乎人之性率乎人之道而已而遇有順逆事
有常變則人之當之者遂有難易原夫明良泰交賡歌
喜起家傳底豫之休室著刑于之化太和洋溢浹洽朝
野雖聖人之盡倫盡性若無以甚異於人者及一旦際
坎壈履危疑天命不可知人事不可憑而欲恃耿耿不

寐之苦心不負吾君不負吾親不負吾九泉不可作之
幽魂嗚乎難矣哉余來丹邑閱志乘見有以忠孝節義
奉旨建坊入祠者後先接踵喟然嘆曰聖天子建學明
倫風勵之道端在斯乎迺祠宇頽廢木主移置他所有
志重修案牘叢集未遑也夫傳記所載令德芳型非不
昭若日月而聞風興起者卒寡謂古今人不相及也乃
比閭族黨間耳目所及見聞者有人焉忠入國史有人
焉孝光家庭有人焉節義旌於門閭莫不喜談樂道私
慕而竊效之若不專美於前者可知以古人化今人難

以今人化今人易三綱之在天地間聖人不獨豐常人
不獨嗇奇節義行之士獨為其難而卒歸於庸行者此
物此志也邇來公務稍閒而廣文党公課士之餘留心
教化同倡斯舉更願諸公互相勸勉勸余不逮則祠宇
更新規制宏濶不但屬在後裔春秋動籙聞懷見之心
即閭邑士女之遊覽於斯者亦將爭相傳頌播為美談
固不待家喻戶曉而天命之性率性之道修道之教早
有淪浹於遇賤之心而不自知者是余之責也而不能

不有望於諸公

是工興嘉慶七年秋九月落成八年冬
十月至道光十一年秋七月縣廩生王

面槐捐資
補修立石

重修仙堤書院碑記

邑令 顏廷彥 貴州進士

丹邑川巖秀麗風俗敦龐余下車伊始見彼都人士循循規矩絕少儂薄佻闖之風心竊嘉之惟詢及科名百餘年來題雁塔者耳所未聞歌鹿鳴者指難再屈非人才有缺實造就無方斯誠一邑之抱憾而守土者所急宜留意也因即龍峯書院肄業諸生童時加訓課以爭自琢磨為轉移風化之舉乃應課寥寥殊難鼓勵察其故緣於膏火不足雖舊有學糧百餘石然歲有豐歉租常缺少每年除山長修脯外所餘無幾是以寒士裹

足而振興無自也我

國家文教昌明菁莪棫樸雅化日新丹邑雖僻處偏隅要
不乏聰明穎慧之士使膏火稍充得廣聚多才相與涵
育薰陶則蒸蒸髦士含英咀華知必有月異而歲不同
者生童既多則膏火愈短非有數千金為之生息資
助不可嘉慶庚辰九月因集近城紳士共相籌畫余首
為之倡捐俸銀六百兩尤得衆紳士情殷桑梓轉相勸
助募草湖暖泉東中童子募化五堤士庶等捐金統計
二千六百餘兩於是買城東南隅田姓舊署地址移龍

峯書院增濶重修建堂廡六十餘楹仍名仙堤書院又
留生息銀一千五百金給城鄉當商取其息為師生膏
火費更將書院外餘田數畝置為田圃年取其租亦書
院之一助也道光壬午秋規模粗就余奉委改署固原
州數載締造僅成草創舍此他去實有不慊於心者至
癸未秋復得回任其房屋尚須添設其膏火尚未充裕
欲再加振作丹邑褊小民用弗給而為數甚多力難獨
任將田房息銀及酌定永遠規條鐫於碑陰以俟新尹
長才加意擴充漸臻極備異日者文風丕變科甲蟬聯

弱水仙堤煥然增色不但一邑之榮實邦家之光也余
於衆紳士有厚望焉是為序

創修字紙庫樓引

教諭 党行義 武功

粵自文字肇興河洛呈瑞而墳典邱索所以闡千聖之
薪傳開百王之治統者煥乎於今為烈矣吾儒稱先則
古廷獻家修讀聖人之書遵聖人之教莫不始於畏聖
人之言斷簡殘編單詞隻字皆古昔聖帝明王所留貽
也而棄如弁髦不為珍惜可乎哉余蒞任之初即欲糾
合同志議修字紙庫樓於文昌宮酌定章程委派本學
文武生輪月收貯遇會期同拈香焚化送其灰於清流
而有志未逮至今以為憾茲值七月七日魁星誕辰同

學諸君子偕集復有議及者余深幸夙願之克酬也爰
捐俸以為倡而諸君子雅有同心踴躍相勸各量力捐
資共集六十金真快事矣因思珍重斯文不獨諸君子
與余有同心也更宜植基深固設法善後庶幾可以經
久而不至廢墜也恭疏短引用勸方來

嘉慶十六年辛未八月立庫樓

道光十一年秋七月敦愨村王而槐捐貲補錫
文立石此錢子母權除利息淨貯木一百千文

創修

朱衣神閣記

邑令 黃璟

昔歐陽公知貢舉逢試文可入選覺座後有

朱衣神首肯朱衣神者佐

梓潼帝君以衡文造士者也丹邑學崔廣文其榜名即由

神祇感召得之廣文籍隸鞏昌自言始名勃辛酉秋

闈名落孫山策蹇歸獨卧旅邸抑鬱自傷骨騰就寢

夢至宮闕嵯峨院宇宏敞處有朱袍白髯者指示案

前伏案多人拂箋撚毫廣文詢曰此何書一秀士答

曰書天榜也廣文逼案覲矚秀士揮袂拂之止見解
頭康姓次王姓遂詰之曰有崔姓否秀士曰有崔名
恒泰其人及醒朱袍白髯者猶隱約於殘燭就炮之
際旋里更名恒泰甲子秋果領鄉薦其解頭康公名
節次王公名述典噫神明之感不有顯鑠於心目間
哉且夫神明之靈靈於神實靈於人耳實靈於人之
心即靈於人之德與人之學耳士君子敦倫飭紀行
修言颺卓卓儒林中無一行偶玷士子之心既對神
明而無慚神明之目自鑒士子而不爽使之摧巍科

登仕籍以一心一理一氣相為感通又何不可見之
屋漏而遇之夢寐與廣文念叨沐

神庥倡捐募施擇

帝君殿東新建神閣聿昭祀事以崇文教道光辛卯秋八
月功告竣而廣文以年老致仕歸矣邑紳士感其德
不忘求余為文余因其事而記之記神明之靈也崔
公之誠也無非勵士子修德崇學獲神明之報而博
取科名也

--	--	--	--	--	--	--	--	--	--

重修忠孝節義祠

教諭 崔恒泰
隴西舉人

聞之禮凡有功德於民者則祀之言乎蒞茲土者大則鎮一方小則宰一邑興利除弊使人皆被其澤而人亦感之而不忘此名宦之祠所由設也而鄉賢則此邦之人或以仕宦顯或以文學著忠臣孝子端人義士後先接踵足為矜式而祀典與之所謂鄉先生歿而可祭於社者非其人者乎若乃以閭閻之賢凜冰霜之操從一而終矢志靡他代亡夫而奉養厥父母孝以節而彌純節以孝而愈堅以故鄉黨舉之朝

廷旌之清標彤管錫之明禮典至渥也然人於杳冥之鬼神則奉之惟謹而於諸祀則忽之亦未思夫德行道誼之足尚名教風化之所在也聖天子釐定禮典命郡縣各立忠孝節義祠春秋享獻所關顧不重哉山丹在勝朝時設衛以防邊正統間建立文廟戟門之外右名宦未列姓氏左鄉賢僅祀三五人忠孝節義祠則祀於廟之東所奉不過數位其缺畧可知國朝易衛為縣典制愈隆而几筵之上仍復寥寥後移建

文昌宮於忠孝祠之所別立祠於髮塔寺之側而統為之
祀則是遵聖人之道而不得近聖人之居亦未見其
可也庚寅春邑廩生王君面槐約集同人請事於邑
侯許公而別建於宮墻之左蓋仙堤書院之舊址也
除舊材外募化無多捐貲將二百緡上三楹以紀名
宦左三楹以祀鄉賢右三楹則列節孝十人於中以
俟來者棟宇整飭龕次分明春秋上丁並邀祀典邑
人士感慕瞻拜之不稍忽自是而登其堂者觀其姓
字別其世代而知某也忠某也孝某也為節而為義

而前之名公巨卿福庇吾邑者亦悉其人而不志則
恭敬齋邀之心油然而生此亦可以見鄉黨風俗人
心之美也而王君樂善之誠亦因以並著云

廩生王面槐捐助黑城石家泉旱地一塊約下種
籽貳石官糧一斗其地坐落西山北小凹東至
地主界埂西至山嶺即施興文社地南至地主
地界北至老埂並馬源每年租種地戶出租大
錢貳千文為春秋祭祀香火資地照禮房存案

文昌宮補修獻棚階路記

崔恒泰

宮觀寺廟之制取其正大而完密所以安神靈而祈
陟降亦所以壯觀瞻而蔽風雨也殿之前有重檐或
口獻殿或曰捲棚事神之日供几案肅瞻拜登降趨
蹌於是予在階下有路砌之以磚石而使之平且正
非以便入廟者之出入而實神道之所鑒臨也

文昌帝君柄掌文衡職司桂籍列七曲之星躔光射斗牛
司萬靈之祿命瑞靄寰區其所以默佑斯文者彰彰
矣我

朝靈感迭見特隆祀事牲牢之供與春秋上丁並重鉅
典煌煌於今為烈對越之地安可忽諸山丹古稱仙
堤為河西名區自昔建立

文昌宮後枕龍山聳疊嶂而雲霞蒸蔚前迎雪嶺拱晴嵐
而蒼翠繽紛弱流環繞於門外朗若冰壺髮塔高臨
於殿前卓然玉柱地擅其靈神有其應桂殿蘭宮於
斯備矣然而日引月長漸及頽殘不能無廢墜之處
而有待補葺之功也秦暮年秉鐸於丹邑朔望焚香
春秋與祭見其獻棚之空濶而四啟也而風雨不能

蔽何以爲堂事交階之所乎見其砌階之破碎而深
窪也而步履之無所容何以爲奔走登降之地乎爰
是集我同庠公議修補各捐書囊之微資莫惜硯田
之餘潤兼之募化善信共分索金則孤腋之集可以
成裘衆毛之聚足以攢毡勺水積而成海道在人爲
卷石移而爲山功由心造所需無多取效亦易則此
舉也固學人所難辭之責亦士子所當盡之心人之
見之者莫不由門而階由階而堂喜其整齊而可觀
以爲此可以安神靈而祈陟降也亦可以蔽風雨而

壯觀瞻也况神之格思不可度思如

帝君靈應之蹟備載化書一念之善無不降之以祥自是
而式憑式依來饗來格亦庶幾牖我生民人文蔚起
也謹為之記

草頭渠移糧記

邑令黃璟

丹邑地近邊疆人敦本務舍穡事何者為謀生之具
哉而土多沙磧地鮮肥美無流泉以資灌溉胡以覩
實穎而慶豐成丹城南四里許有草頭渠微糧八十
石納草八百束其初計田分水所由定其額數也泉
源壅塞十餘年涓水不流野無青草人守石田家鮮
蓋藏之富催科頻仍猶不免胥吏之叫囂蓋涸轍是
困有嘆其庚癸徒呼者己丑冬壬午年許前縣來攝篆
愍念黔黎疲瘵擇紅寺湖地移糧四十石濬泉開田

洵盛舉也次年夏余却涇蒙復蒞茲土草頭塢與衆
環轅白其事祈踵事而定案余喜而頷之出北門行
三十里見有羣峯環抱綿亘不絕流泉盈湧滌洄蜿
蜓旋繞於羣巖萬壑下者詢之土人曰此即紅寺湖
地也其土滋融可以播種其泉清冽可以灌田移糧
於此地不縮田不易去舊遷新衣食有賴而

國課因之而出一變通問利用厚生之道得焉計其地
五頃余擇其可墾者又拓以二頃統量東至高泉山
沿西至神仙碓山沿南至毛牛家山沿北至截沙河

並雙岔子共移糧五十石草五百束請於上憲立為
定案從此山有居民野無曠土移邱換段濟其困阨
詩曰適彼樂土爰得我所吾為羣民咏焉耳

己子野川

入

三

--	--	--	--	--	--	--	--	--	--

仙堤賦

明松江
流寓
朱夢臣

茫茫寰宇悠悠千古昔往今來乃成仰俯及我皇明肇
開九土固扼匈奴險控夷虜居雜羗戎地兼瘠鹵士不
習文人惟尚武罔襲衣冠乃眷樓櫓既留心於橐鞬曷
有意於邊俎匪顏陋之清燦故俗異於洙魯武威屏障
於南陸張掖開藩於西府燉煌絕極於邊檄靈夏雄視
於東阻山風朝暮而東颺河流日夜而西注余乃支頤
竟日徘徊延佇覩夫山丹之為景也秋冬常雪春夏多
風三時少雨四澤泉充憑決渠以灌溉歲收斂以為豐

白石磊砢青嶮穹窿席箕數茂穉稗手葺筵麥春種芳
草夏濃綠樹屯雲碧障連空山花發而夏半田稼積而
秋終石嘴醜積雪峽霜封龍山高峙於丹城之北虎衛
環拱於通衢之東四山屹立三門洞通南激水以轉磴
中通流以穿墉城垣堅固雉堞高崇厥田惟中厥土維
紅三伏無暑四時有冬包涵秋意莫睹春容散飛花於
粉霰撼林壑以衝風眇音樂以充耳絕遺響於絲桐驚
塵常戢於邊警乎安有報於火烽疆場遠界於西河之
外天險固設於封域之中至於弱水西導堯園深杳流

沙合黎黑水浩渺禹蹟淪胥真偽莫考徒見註於遺經
別怪搜竒莫得而討也其產物有青羊獐鹿狡兔黃羊
含疑赤狐反顧白狼犂牛奔突野馬超驤亦有名鷹迅
擊鷲鳥飛揚莎雞振羽野鶴眺蹌鴻鴈烏鵲屬玉鴛鴦
其中禽獸不可殫詳若夫丹杏夏實林擒秋毓枸杞離
離沙果郁郁白梨味美甜瓜香馥野茱泥露而發榮山
葱過雨而蕃育酒泉迢遞鹽池遠屬又聞霜笛嘔啞胡
茄斷續遊兵邏巡飛騎馳逐正斜陽之半落對羣山之
如簇時屆於炎威雖挾纊而無燠自古惟用武之地豈

於今而始錄至若上將閱武於鞠場鉄騎交馳而競逐
繞貅奮武以爭雄劍戟森羅而眩矚弓矢斯張旌旗照
燭賞罰惟公號令齊肅三軍為之勇迅衆庶以之悅服
醜虜潛踪番夷竄伏撫字有方薰陶暢沃乃成君子之
鄉抑絕鄙人之俗流芳譽之洋洋扇淳風之穆穆聽輿
人之誦言乃家給而人足採菲言之疎畧是亦仙堤之
大目也

山丹弱水賦

以導弱水至於合恭為韻

高元振

德大唐堯功高神禹舟車橈撐四載乘而夏甸昉昉疏
淪決排九河導而周原膺膺績終於雍州利普夫西土
直窮弱水之流漸爰闢厥田之瀉滷原夫地列湧泉雪
融成膏波既清而且漣色偏紺而多滂惟順性之不違
斯因勢而利導障巨川而東之迴細流於西倒莫此靈
區濬茲淵澳况夫墳別赤壤山亦名丹澤沃青疇水何
妨弱連阡陌而能濡盈溝澮而勿涸既屈曲以繞城亦
滌洄而穿郭揚之不宰澄之不瞬非右軍鷺籠胡為萍

泛鷺鷥豈牽牛渡河竟爾梁成鳥雀駕長虹而斜跨甘
城蟠游龍以平鋪沙漠於以發必原始歸端竟委循伊
岸麓乘彼垣堦馬支倒映於銀珠雪嶽遙輝於玉髓瀉
末湍於龍沙吞餘浸於黑水業西旺於酉申斯北歸乎
壬癸爾其洶湧如勇精瑩似智蓄而能通散而可萃出
羗谷而下衍傍合黎以相次水晶盤裏比螺之青菱花
鏡中方黛之翠馮夷或鼓浪以行博望疑乘槎而至及
其被夫流沙放於海隅千紋沮洳而莫測寸滴潺湲而不
拘望洋而驚誠萬頃之浩浩恃源以往詎一帶之區區

颺湯池於玉塞限戎馬於單于又已無源弗長有美必
合山既周圍水亦重匝滋畎畝而九畹逡巡界華夷而
重岩稠沓淨瀚海之羶腥洗毳毳之遺邇酋虜飲馬以
來朝漢使浮桴而往答緬勳特峻遡蹟維奇芥不能容
無扁舟之可載橋不能設無勺蠶之可遺漬乎集乃環
乎月氏瑞徵三岐五穗歌徧黃叟黔黎宜乎元圭錫而
美八年之報是以洪範衍而為百世之師

祁連山賦

以色映吳鹽光
生玉樹為韻

原夫漢武開疆初分郡國黑水汙漫以西流天山聳
峙於北極外作輪臺之障羗狄知名內張函谷之屏
神京壯色匈奴號曰祁連自古永遮邊塞爾其祖崑崙之
脉以蜿蜒越瀚海之墟而橫亘探丹青而突兀高撐
銀河拖白練以岩薨俯着水鏡層層聳嶂柳絮頻封
叠叠堆崖瓊華相映疑是蓬瀛三島飄來莫可端倪
恍如太華五峯峻處誰知究竟至於倚天拔地近蔽
遠徂翹彼嶮巖芳甸時觀黛翠履茲幽壑溽暑亦見

銀鋪一望瑩瑩匡廬之瀑布奕異四圍朗朗裁眉之澹
掃無殊類玉壘之屏藩西蜀等鐘山之岷岷東吳
定襄伯之歌詩良有以也虞世南之賦景亶其然乎
若夫朝霞彩深長林峯排火樹夕月波搖澄澗沼印
星蟾或升粉署或捲珠簾或攤琥珀或幔霜縑或碎
子晉之簫紛飛瑤屑或柔和靖之樹遍灑晶鹽極陰
晴之錯落盡冬夏之觀瞻矧其千林競秀庶物蕃昌
有松皆作龍鱗干霄特立無栢不成鶴蓋凌漢悠揚
雪墊之蛆生而郁馥霜苞之卉發而幽香固乾健之

鍾靈而得秀亦坤輿不愛寶而涵光彼夫合黎之晨
雨兮猶青螺之茁穗八祖之晚照兮何絳帳之懸閭
榆木之龍蟠兮處偏隅而羽立焉支之虎踞兮當孔
道而雲橫雖極岡巒之體勢終少靈異之頻生孰若
瑤屏呈地軸之奇賜谷繫天心之屬亦產林邑之金
不匱藍田之玉標偉績兮稱博望之猷譜清音兮發
明妃之曲定三箭於瀚海爭傳薛氏遺跡抗一葦於
居延盡道霍家芳躅爰作歌曰祁連高聳兮睹牆籬
之永樹邊塞又安兮知

皇圖之鞏固人文蔚起今慶馳驅於遠路生值太平兮應

揮毫以作賦

鍾學說考古
取一等一名

馬支山賦

以山茂松柏色
點胭脂為韻

天開雄鎮屹屹名山擁成絳嶂突起彤巒峯燈燭爍
照石編爛兮張掖山丹之界煥祁連人祖之間原夫
嫖姚啟疆馬支滌秀挹朝旭於我巔披夕虹於遠岫
鮮滴凝脂蘊同畫繡形勝所由特洪光華因以逾茂
爾其艷曜遐烘漾蜃樓而一幟離朗素著昭鑽燧於
千峯磊處巖巖彷彿珊瑚之聚晴時灼灼依稀琥珀
之封瑪瑙頽岡顛頭疊疊芙蓉碎石礪齒重重宣第
青擎闕檜翠植徠松已哉爰以班飛絕巘蕊射緋岩

瀑醲紅鹽鹵熬赤澤有時雲興霧起九霄花雨高颺
倘遇烈日炎蒸半壁火輪顯赫本非渥洼之渚汗血
騰空不緣崗鳳之鳴口苞食栢若夫錦開杏苑村村
盡擷春華津問桃園樹樹俱收秋實黃柰傍麓而多
姿青梨沿坡而飽食枸杞垂櫻葡之囊沙棗擅金銀
之飾蓂蓉因候以敷榮黃良剖紋而絢色誇點綴於
芳林毓嘉珍於百億至於內夏外夷雨薰風染西捍
三邊東屏兩陝毳幕削平單于迹歛仰瞻非霜葉兮
九秋月裏豔三春俯矚是霞城兮萬綠叢中攢一點

猗歟盛哉初擬閼氏晉笏耀首塗胭繼迎神女霓裳
腰舞翩翩翻簇簇倉書之刪字霏霏勾漏之砂泉誠壁
立於般駁亘萬禩而凌烟頌曰卓哉庚旬壯矣楮圻
禹王導兮履朱崖若有人兮為投書之朱裳朱衣霍
帥登兮蒙赤甲若有物兮為揮武之赤矰赤旗鉅刻
丹楹兮纖樞丹篆共譜丹田之離離上翔紫鷲兮下
鍾紫芝羣煦紫氣之蕤蕤臂斷首虜兮頭飲月氏番
兒遠遁兮悔失臘脂婦女無顏色兮六畜不滋哥舒
作廟兮爰銘頽碑摩詰繪別兮載繪新詩自古在昔

兮庇我嘉師磐石永奠兮金塘湯池

紅鹽賦

以質同亦玉味
可調羹為韻

戎貢
郭曰春

五味之中鹹居其一
百產之精鹽列其質
掌在周禮
鹽人之職
暴隆制自宋朝
離政之興
維悉青齊
煮海而有資
河東沃池而無匹
筴雖異方形則固失
未有體猶凡醃色偏
迥軼如斯紅鹽堪稱
有鈇原夫刪丹之北
厥產維豐
澆乎坎水融在離宮
因係丹中名之曰紅
又睽境外或謂之戎
似秉焉支之靈結成
有味珊瑚疑絢
祁連之素熬出無瑕
璋璵紫荆石平鋪綠
野瑪瑙缸碎透青
叢臭真獨別象不雷同
爾其燧輪

乍湧含井內之珠虹錦昭回射塘中之珀霜葉飄而
丹穴瑩輝雪花出而朱顏粉澤脫經道韞之撒一天
紅雨翻飛倘入渥注之濱數陣赭驄頻獲饒他勾瀉
之砂莫羨銅母之赤然而潤在下也調洪範之作鹹
不曰堅乎比藍田之種玉鑲為採七馨芬兮甘美自
饒雕作盤盃火耀兮焚芒旁燭信為席上之珍允當
黃流之浴吾聞清廟之中醬鹽備味大賓之前形鹽
胥彙此而細屑高聳煌煌乎素堆絳雪之晶此而虎
跡平拳燦燦乎光走霞城之翡翠祀陳邊豆應升炎帝

之裡饗設几筵自映緋衣之貴迺其為品既華隨在
皆可櫻宴宜章乎黼宸葵衷更達乎青鎖溯明洪武
肇基江左有臣莊得採以上播供諸彤廷飾以錦裘
帝曰都哉瀑堆雲朶是何鹵靈燦如噴火貯之大官
庶幾近安且夫如斗之白於今未消累卵之青自古
為昭獨此媿於闐之貢似能為王燭之調勿論苦者
對之而頓淡既號飴者亦近之而尚遠是誠太公管
子之所未及而亦猗氏大寧之所難邀者也吾思韓
滉度支雖聞獻瑞崔倕衡石罕見冷英惟茲儲鼎藉

以和羹倘紫泥為封疊疊芙蓉之帳將朱干與立斑
斑孔雀之屏乃等雉裘而俱焚平叔當知自寢抑儕
龍團而并却蔡襄曷敢復呈遐哉

聖朝之不登異物已矣學士之無用標名鄙人蒞賦井里
蟲鳴匪侈文於甲乙聊紀產於辛庚

李陵送蘇武歸漢賦

以河梁搗手干
古交情為韻

邑令 黃 璟

吁嗟乎壯哉千古稱刎頸友者惟蘇李兩人而已當
其離滙渚別潯沈一為從戎之橫海一為歸漢之伏
波易水濤翻唱壯士悲風之曲高林聲振聽古道過
雲之歌自離宮闕於漢家夢到金莖寶鼎幾歷風烟
於塞上眼中野馬明駝子歸已矣我留云何誓死而
真堪沉璧盟心則直指交河當少卿既降單于也身
歸邊土目擊關梁孤情絕域遠嘯他鄉吹處處之哀
笳愁生老將聽聲聲之放馬淚滴降羌幸良朋之偶

聚思故國而難忘禦饑寒則羶醢乳酪庇風雨則毳
幕毡牆望天外之羽書攜手而還臨雁塞並營中之
籌筆戰語則前過狼臙此固兩人撫心感慨而互為
悲傷者也迨始元五年冬武將歸漢路指浚稽幸掌
韉之弗睹感帛書之親題回樂峯前還齋文詔受降
城外誰聽鼓擊飛臘雪於長沙牧羊遠散動秋風於
苔草老馬悲嘶十九年身在戰場冬節拒虛心之虜
三千里人歸中土春華感結髮之妻行人惘惘居者
淒淒修途袂解歧路手攜此一別也長歌起舞有不

為之慘悽者哉當斯時烟滿盧龍塵昏林藪瀚海波
寒沙場風吼吹蘆管兮紫塞前卧狐貉兮青塚後將
軍豎髮一怒冲冠烈士酸心幾番回首劍名巨闕擬
刎月支之頭雁斷胡天遠指河梁之手興悲嘯於異
方撫離情於故友驪駒曲裏愁添胡塞之歌鍊笛聲中
更進陽關之酒李陵奉觴而言曰嗟乎悲哉感去日
之風塵已成亥歲壯來時之冠劍曾是丁年載輦將
車精神堪訴半冰升糈委曲誰憐大夫一取單于徒
懷熱血壯士難遮虜騎竟恃空拳幟寧自立瓦忍求

全羞真無地罪可通天子也落盡節旄定卜侯封萬
戶予也永羈邊徼空傷卒掃五千何時寄尺素於中
原淚灑幾行之字從此泣孤臣於絕國愁看滿目之
烟屬國聞之而悲曰憂哉者陵傷哉者武來則口銜
天語幾經關塞津梁去則身帶胡烟猶是河山風雨
此日魂離幕府愁承大將之杯後來夢到氈城同聽
凶奴之鼓老父有力可前過虎谷雁門少子寄君須
時食羊脾牛乳歸時文壽聖君上書天府謂爾王名
右校百罰何辭而功忌貳師寸衷良苦刀環無望知

難解免於一時金鼓不鳴長此唏噓於千古嗟乎悲
哉累臣舊侶壯歲知交意既堅於金石離忽別夫漆
膠結兩人生死之忱愴生朔漠贈三尺縱橫之劍氣
咽長郊激烈士之壯心唾壺可碎聞雄師之戰壘勾
斗輕敲窟冷長城思飲征夫之馬行當險路須剗子
羽之蛟於焉歧途默默飲恨怛怛而塞外之風沙魂
消漢使隔樓頭之睥睨目斷邊城千里長征足下英
雄之淚五更獨坐遙聞鼓角之聲縱詩寄四篇徒教
心喟雖書聞九日空使神驚可知青年結誓白首寸

盟此一別也生別即為死別而悲歌慷慨實足壯千古之交情

詩鈔

詩與政通者也乃周秦同壤始為關雎葛覃後為車
鄰駟鐵轉移果何自耶古今樂府備採無幾而郭茂
倩獨取燉煌樂涼州妓八聲甘州更編曲譜匈奴歌
曰亡我祁連山使我六畜不蕃息沒我焉支山使我
婦女無顏色音韻鏗然自成天籟矣漢蘇李皆於徼
外鳴者也三唐出塞諸曲丰指居延匪有確按未

概登

國朝文治光華四訖無外鴻章麗句美不勝收並用搜輯

擇尤雅者著於篇

燕支行

唐王維

漢家大將才且雄時來謁帝明光宮萬乘親推雙闕
下千官出錢五陵東誓開甲第金門裏身作長城玉
塞中衛霍纔堪一騎將朝廷不數貳師功趙魏韓燕
多勁卒關西俠少何咆勃報仇只是聞嘗膽飲酒不
曾妨刮骨畫戟彫戈白日寒連旗大旆黃塵沒疊鼓
遙翻瀚海波鳴笳亂動天山月麒麟錦帶佩吳鉤颯
沓青驪躍紫騮拔劍已斷天驕臂歸鞍共飲月支頁

漢兵大呼一當百虜騎相看哭且愁
教戰須令赴渠
火終知上將先伐謀

出塞作

居延城外獵天驕
白草連天野火燒
暮雲空磧時驅
馬
秋日平原好射雕
護羌校尉朝乘障
破虜將軍夜
度遼
玉靶角弓珠勒騎
漢家將賜霍嫫姚

送韋評事

欲逐將軍取右賢
沙場走馬向居延
遙知漢使蕭關
外
愁見孤城落日邊

贈蘇綰書記

知君書記本翩翩為許從戎赴朔邊
紅粉樓中應計日燕支山下莫經年

度硤口山贈喬補闕知之王二無競

唐陳子昂

硤口大漠南橫絕界中國叢石何糾紛
赤山復翕絕遠望多衆容逼之無異色
崔萃乍孤斷逶迤屢迴直信開胡馬衝
亦跡漢邊塞豈依山河險將順修明德
物壯誠有衰勢雄良易極遷迤忽而盡
波濤平不息之子黃金軀如何此荒域
雲臺盛多士待君丹墀側

居延海

漠漠平沙際碧天
問人云此是居延
停驂一顧猶魂
斷蘇武爭禁十九年

祁連雪山

唐郭登

祁連高聳勢蒼堯
積素凝花尚未消
色映吳鹽迷曉
騎晴融謝絮引晨樵
尋梅臘外寒威斂
刻玉霄邊逸興飄
幾度豪來詩句險
恍疑策蹇灞陵橋

出塞曲送陳公聘使邊

民黎民表

聘望白狼間
追兵大漠閒
黃河通月窟
青海入天山

剖竹行秦隴封泥守漢關預知麟閣上日待策勛還

合黎山

明郭紳

高峯壁立老龍蟠削出芙蓉作畫看雨後髻鬟當戶
碧風前屏障倚雲寒要塗名古誇雄鎮弱水波回湧
急湍地載天開多秀色一方永奠萬年安

髮塔寺

郭紳

刪丹城外梵王宮金壁輝煌杳靄中髮果何時藏石
匣佛應自古化愚蒙幾年塔下沉埋久一旦人間敬
信同興廢從來前已定臨風不必嘆飄蓬

石峽口山

明張楷

白沙官道接羌胡
磽确難行是此塗
疑過井徑愁馬蹶
似經雲棧聽猿呼
兩山影逼天多暝
五月風高草已枯
明日西行望張掖
一川平似洛陽衢

山丹題壁

楊一清

關山偏仄人踪少
風雨蒼茫野色昏
萬里一身方獨往
百年多事共誰論
東風四月初生草
落日孤城早閉門
記取漢兵追寇地
沙場猶有未招魂

新河驛作

明陳棨

停午河城捲暗沙
盤飧移自總戎家
樽前屢出雞尸
豆廚裏先烹獺
卜花雪後遠山
供塞酒風前斜
日送胡笳殊方盡
喜天王地恩旆
何愁萬里槎

山丹

陳棻

古戍山丹舊月氏
還看羣木暗仙提
青衿候郭還清
蒸綠水穿城入圃
畦地接金川春浩
渺風連玉塞夜
凍迷甘泉尚喜無
烽火愁聽空中多
鼓擊

祁連山

陳棻

馬上望祁連連峯
高挿天西走接嘉
峪疑素無青烟

對峯拱合黎遙海瞰居延四時積雪明六月飛霜寒
所喜炎陽會雪消灌甫田可以代雨澤可以資流泉
三箭將軍射聲名天壤傳誰是挂弓者千年能比石

龍頭山

幾年豹尾侍仙班今見龍頭塞上山月眼慧觀民亢
早霜鱗高許士躋攀奇標直挂黃雲際遠勢橫陵青
海灣欲借山靈元甲萬河邊碎擊虜巢還

山丹西十里鋪有土佛坐倚山高十三丈耳可
容人指甲闊尺餘以五級閣衛之亦偉矣余過

此題其額曰虛無法象字經二尺因為言紀其事

明吳同春

大覺當年度衆人却于天半化金身耳通潮汐聞空
梵日耀星辰照法輪世界相乘魔外影因緣流轉劫
中塵本來無處能容物丈六須知不是真

登定羗廟城樓有感 謝 歷

定羗古戍獨登樓臨眺無端悵遠遊烟雨一天憑對

酒英雄千古幾封侯 定羗廟奮威將軍 塞鴻飄渺長

空遠羗管悠揚野草秋為問漢家教射客到今何用

姓名留

庚寅八月過山丹

莊學和

丹穴由來毓鳳池，剏傳繡嶺染胭脂。凱歌已奪西方

美茹，拍偏遺南國。姪山黛，嬌增楓葉豔。地黃劑，佐杏

林醫，溯源弱水由窮石。胡弗為霖，潤析支。時一路
患旱

山丹道中

趙蘊崇

仙堤古道幃丹楓，遙指陽關一綫通。寧濟廟邊飛野

馬，奮威祠畔喚征鴻。胭脂半抹凝烟紫，獵壁三環射

日紅。入貢祇今多汗血。道逢伊犁
貢馬者

聖朝豈數貳師功

弱水迴環繞合黎

高元振

疏導通西域乘橈到合黎山當極北峙水向郭東移
砥柱迴狂浪靈巖倚弱浙安瀾瓊疊疊雄鎮錦離離
岡梗排渠險峽開斷壁歌遊龍蟠遠岫踞虎飲清涓
麓激湍聲咽波啣峭勢蠟螺形盤裏現鬟影鏡中窺
隔岸疑逢鳥登峯俯月陂嶂屏遮虜幕河帶限番騎
翠滴千羣牧膏流萬井滋餘波浸黑水孤嶼到焉支
勒石銘還在乘槎路不迷烽消明雪巘腥洗淨湯池

沃澤堯衢普豐功禹穴垂太平徵有象美景譜新詩

山丹忠節祠

祀漢伏波將軍路博德等二十二人

曹毓瑞

為古忠貞度盡暨邊陲灝氣愈森森膏符寧濟流丹

水血染焉支貫碧岑上相下孚千百戶少卿中愧二

三心指揮鄭紀欣傳檄附驥名彰直到今

內祀及千百戶三人

戶八人係明都御史趙載檄指揮使鄭紀建造

石人石馬關

康生 郝道遵

地險崢嶸天險工啣杖結舌氣凌空拜來疊疊當呼

丈鞭起騰騰欲躡驥八陣齊排驚闕虎五花競耀逐

飛鴻楊公墩幃廖公碣

俱明都御史
遍築關隘

未及憑虛百二雄

大斗拔谷

扁都隘口氣蕭森魚貫行來溪障深
暗叱段公風烈

烈淒迷隋帝雨淋淋巢車好上龍山望
毳幙休教鹿

塢侵艷說凱歌勞衛國皇華搖曳碧雲岑

石壁獵形

山丹城
東山石

廩生
茹溶

噫吁戲異哉何天功之奇巧肖物類而如生
東山石

壁高千丈上有鷲鳥空中擎整翅獨立蒼崖間
雄姿

餓吻猛氣橫狐兔細瑣不入眼怒櫻鵬鵲走
麋麋目

如愁胡視天地勁翮凌霄彷彿欲超騰又有俊大名
韓盧天骨開張邈崎嶇長喙細脰比追風溪虎野狐
任所驅偉哉鷹與犬僧繇點就長康濡但見孤鳥啼
古木雄飛呼雌繞荒榛又見猿猴竄原隰欲前且止
啼而呻石勢何峻嶺山勢何嶙峋鷹瞰瞰犬狺狺衝
閉雲霧摩蒼昊走決雷電騰烟塵恍疑萬馬來天垠
噫吁戲異哉非畫工所能就非人力所能臻直是七
星二曜五嶽之陶鈞

蘇武牧羊場

或今平川或居延海或鎮番皆有蹟

生員任已任

羊臺隘口近平川道住蘇卿十九年到處忠臣人競
 護由來傑士地爭妍旃毛未必真三咽鴈帛何妨假
 一箋吳吳張元封邑在猶官削迹莫教傳

李陵遮虜幃

內外居延有守處
有戰處地亦不一

任已任

馬隆勇士只三千半萬材官鬪轉堅無命堪為屬國

典有顏僅作

閑賊臣未見誅降管良友何由報

腐遷惜別河梁詩數首論文亦是漢遺賢

過山丹祁家店大橋二首

戊戌
進士曹德元

流沙膩水似醍醐只利田疇不利塗寒沒冰山疑雨

岸暑行漢渚泛三衢忽逢烏鵲為填壑如叱龜鼈作

濟桴好擬仙堤書醋字丹梯徐引者趨鳧

樂善曾聞旌令威伊祁棟鄆繼芳徽

先有丁積祿捐建前太守李公

旌樂善好施區今祁斌祁彥兄弟倡募重築

彩色映膳峯靄樣月瀾迴

弱水磯四道相聯排鴈齒雙輿並駕度駉駉行人自

此歌周坦漆洧纒知鄭相非

刑丹朝暉

即古馬支

庚辰舉人李善道

我聞台嶺赤城霞飛花灑滿金庭藹又聞赤甲峯嶙

峴珀光倒映玻瓈水或應天星補地鰲朝披紅兮暮纈

紫蔚然獻色燦臙脂謂有七襄織紈綺不則畢昂聞
坤元離正司來赫焰起東升青帝照龍韜芬艷夫人
益旖旎虹輝幾文幃晶屏寸寸蔚藍排山紫圍為華
蓋自紛如煉就媧皇當類是緋衣逐隊間烏衣桃藥
成林颺梧藥斑爛三素展雲翹縹緲五樓吞海市朱
綠元圭伯禹旌火荼墨陣嫖姚壘月鏡熒熒神女粧
霓裳箚簇閔氏珥嵐嵐超黛毓黃良葉葉懸珠明赤杞
璋南璜北迭交加吳帶曹裾差足擬固宜象字錫刪
名豈特合黎涇石髓種竒天寶與地靈我意人文煥

亦爾鏤金錯玉夢江毫繡虎雕龍描蔡紙絳帳馬融
摘錦囊丹苞張鷟膏蘭綺韻鉢清敲瑪瑙盆城書峻
築芙蓉庠額郁遙冲北斗奎英華妙選西方美氣鬱
窺窺探穴間思飄彤闕紺谿裏於茲可悟大文章瑰
瑋陸離勗多士

紅鹽池

副榜趙炯

熬波結素獨凝緋採貢偏煩莊指揮五穗雙歧歌已
洽君謨茶餅亦知非

髮塔

教諭崔恒泰
隴西舉人

浮屠臨漢表屹立鎮嚴疆云是靈山佛來從淨梵邦
髮留包匭密塔近祇園昂古刹何人建殘碑此處詳
層層懸鳥道面面啟蓮堂世外三空法禪關一瓣香
四維涵物象五夜納星芒目駭高寒處心清湛寂方
遙吞丹嶂色直接白雲鄉疑有曇花現驚看寶氣藏
盤如承瑞露瓶若泥瓊漿弱水環流近連山疊映長
影圓知日午懂動聽風颺北並龍峯峙南通雪嶺望
朝霞迎縹緲暮靄隱蒼茫入夢金身幻垂慈寶筏祥
劫來形自固度去尺難量終古神功在千秋法力強

馱經傳自漢迎骨誌於唐八萬四千所奇哉阿育王

仲春登馬支山查勘松林放歌

署邑令許乃穀 浙江舉人

無草衆山死有樹一山活况復蒼苔千萬行招我到
此心目豁颺颺亂竄豺狼逃搖鞭直上摩天高虬枝
怒拔兩崖裂雲青蒼兮風蕭騷松花未開松子落雪
在巖頭冰在壑流沙沙強弱水弱缺口况無水一勺
祇仗冬春冰雪積五月消融灌阡陌山靈為守羊湖
口不許樵夫荷鋤走須知松即是蒼龍龍在何愁水
危徧婦女無色歌匈奴馬支山今臙脂無但合褒封

為大夫

秦中土

許乃穀

噫吁嚱奇哉怪哉聚天下之黃沙白土橫塞於秦中
蜿蜒幾千萬里兮忽特立而成壁忽亂疊而為峯巨
靈笑束手祖龍怒不鞭女媧搏人鍊石而莫滅兮風
伯力難吹散於大千不見草木之森靄兮但見高高
下下犁為田不見樓閣之縹緲兮但見蜂窠簇簇埋
萬姓於荒烟與天無盡與地無極風急雲黃塵低月
黑悶悶沉沉閉此絕域嗟乎哉五行不可缺一兮奈

何金木水火之俱失胡不移茲土之百一分護長堤
一線於東南五丁力士莫畏難吾將用以障萬頃之
狂瀾

天山雪

許乃穀

赤帝騎龍天半來
驕雲毒日蒸塵埃
山靈大笑我能
抵驅得銀山雲外峙
昏朝寒氣撲廉櫳
十萬王龍鞭
不起一望馳迢迢
千里凌巖峽
奕奕還瀼瀼
誰云見
覘消有時滲漉成膏澤
祁連千仞頭仍白
不雨不河
灌汗陌甘涼萬戶資
靈液山崩石爛海枯竭
六出花

偏堅似鐵將軍三箭平戎烈尚有當年未融雪

訪周小泉留贈

明儒

段

堅

蘭州人

白雲封鎖萬山林卜築幽居深更深養道不于軒冕
貴讀書採取聖賢心何為有大如天地須信無窮自
古今欲鼓遺音絃絕後關閩濂洛待君尋

小泉泉水隔烟蘿一濯冠纓一浩歌細細靜涵洙泗
脉源源鼓動洛川波風埃些子無由入寒玉一泓少
更多老我未除塵俗累欲煩洗雪起沉疴

雜纂

秦皇帝初月氏疆勝輕匈奴單于曰頭曼太子
曰冒頓頭曼有愛閼氏生少子欲廢冒頓而立其少
子迺使冒頓質於月氏而急擊之欲殺冒頓冒頓竊
其善馬騎亡歸頭曼以為壯使將萬騎冒頓迺作鳴
鏑習勒其騎射殺其父雄北土

漢文帝時匈奴遺漢書曰今以少吏之敗約故罰右
賢王使至西方求月氏擊之以天之福吏卒良馬力
強以滅夷月氏盡斬殺降下定之樓蘭烏孫呼揭及

其旁二十六國皆已為匈奴諸引弓之人並為一家
山海經載流沙出鍾山西行又南行崑崙之墟西南
入海黑水之山郭璞註今西海居延澤尚書所謂流
沙者形如月生五日也 載弱水青水出西南隅以
東又北又西南過畢方鳥東郭璞註云鳥戈國去長
安萬五千餘里西行至條支國臨西海長老傳聞有
弱水淮南子云弱水出窮石今之西郡那冉蓋其派
別之源耳

晉李石續博物志載弱水出流沙在西海郡北山有

赤石白色以兩石相打則水潤打之不已則潤盡火
出山石皆燃炎起數丈不滅有大黑風自流沙出奄
之乃滅其石如初不敢輕近也山丹一種紅鹽色味
俱佳北部以請閣門易菽粟其鹽根色如丹堅如石
以作器擬琥珀云明指揮莊得歲採供御後以境外
奏罷之也在山丹北口外五百里又產醉馬草馬食
之者輒如醉未能移足以其根及根旁土煎湯灌之
乃醒又多馬雞松雞他喇卜花及鹿兔黃羊青羊之
屬


合黎山產材木康熙十一年參將石福遼山中見多
茶樹乃遣僮往牧馬隨地採製市之陰獲厚息按今
南山亦稱有茶而其性頗溫與茶不類也合黎所產
相似

扁都口南五十里有野馬川出野馬古所稱駒駝者
也俗呼野騾子唐貢其革曰野馬之皮

洪水西水關外古佛寺以古刹名水草豐美宜畜牧
安寺明初所建以處番僧國師者其地有巴系川明
設墩以通西寧四衛聲息我

朝順治八年叛回米刺印丁國棟餘黨數百人善烏金
者逃出降於番夷滾卜台吉滾卜親率諸回住牧於
巴系墩以為羽翼將前明巡撫唐澤所築西水關盡
為壞毀無跡矣今自雍正初年驅逐番部開地為提
標馬牧在洪水一百一十里

山丹縣續志卷十



封面	-2
书名	-1
1	1
2	2
3	3
4	4
5	5
6	6
7	7
8	8
9	9
10	10
11	11
12	12
13	13
14	14
15	15
16	16
17	17
18	18
19	19
20	20
21	21
22	22
23	23
24	24
25	25
26	26
27	27
28	28
29	29
30	30
31	31
32	32
33	33
34	34
35	35
36	36
37	37
38	38
39	39
40	40
41	41
42	42
43	43
44	44
45	45
46	46
47	47
48	48
49	49
50	50
51	51
52	52
53	53
54	54
55	55
56	56
57	57
58	58

59	59
60	60
61	61
62	62
63	63
64	64
65	65
66	66
67	67
68	68
69	69
70	70
71	71
72	72
73	73
74	74
75	75
76	76
77	77
78	78
79	79
80	80
81	81
82	82
83	83
84	84
85	85
86	86
87	87
88	88
89	89
90	90
91	91
92	92
93	93
94	94
95	95
96	96
97	97
98	98
99	99
100	100
101	101
102	102
103	103
104	104
105	105
106	106
107	107
108	108
109	109
110	110
111	111
112	112
113	113
114	114
115	115
116	116
117	117
118	118
119	119

120 120
121 121
122 122
123 123
124 124
125 125
126 126
127 127
128 128
129 129
130 130
131 131
132 132
133 133
134 134
135 135
136 136
137 137
138 138
139 139
140 140
141 141
142 142
143 143
144 144
145 145
146 146
147 147
148 148
149 149
150 150
151 151
152 152
153 153
154 154
155 155
156 156
157 157
158 158
159 159
160 160
161 161
162 162
163 163
164 164
165 165
166 166
167 167
168 168
169 169
170 170
171 171
172 172
173 173
174 174
175 175
176 176
177 177
178 178
179 179
180 180

181 181
182 182
183 183
184 184
185 185
186 186
187 187
188 188
189 189
190 190
191 191
192 192
193 193
194 194
195 195
196 196
197 197
198 198
199 199
200 200
201 201
202 202
203 203
204 204
205 205
206 206
207 207
208 208
209 209
210 210
211 211
212 212
213 213
214 214
215 215
216 216
217 217
218 218
219 219
220 220
221 221
222 222
223 223
224 224
225 225
226 226
227 227
228 228
229 229
230 230
231 231
232 232
233 233
234 234
235 235
236 236
237 237
238 238
239 239
240 240
241 241

242 242
243 243
244 244
245 245
246 246
247 247
248 248
249 249
250 250
251 251
252 252
253 253
254 254
255 255
256 256
257 257
258 258
259 259
260 260
261 261
262 262
263 263
264 264
265 265
266 266
267 267
268 268
269 269
270 270
271 271
272 272
273 273
274 274
275 275
276 276
277 277
278 278
279 279
280 280
281 281
282 282
283 283
284 284
285 285
286 286
287 287
288 288
289 289
290 290
291 291
292 292
293 293
294 294
295 295
296 296
297 297
298 298
299 299
300 300
301 301
302 302

303 303
304 304
305 305
306 306
307 307
308 308
309 309
310 310
311 311
312 312
313 313
314 314
315 315
316 316
317 317
318 318
319 319
320 320
321 321
322 322
323 323
324 324
325 325
326 326
327 327
328 328
329 329
330 330
331 331
332 332
333 333
334 334
335 335
336 336
337 337
338 338
339 339
340 340
341 341
342 342
343 343
344 344
345 345
346 346
347 347
348 348
349 349
350 350
351 351
352 352
353 353
354 354
355 355
356 356
357 357
358 358
359 359
360 360
361 361
362 362
363 363

364 364
365 365
366 366
367 367
368 368
369 369
370 370
371 371
372 372
373 373
374 374
375 375
376 376
377 377
378 378
379 379
380 380
381 381
382 382
383 383
384 384
385 385
386 386
387 387
388 388
389 389
390 390
391 391
392 392
393 393
394 394
395 395
396 396
397 397
398 398
399 399
400 400
401 401
402 402
403 403
404 404
405 405
406 406
407 407
408 408
409 409
410 410
411 411
412 412
413 413
414 414
415 415
416 416
417 417
418 418
419 419
420 420
421 421
422 422
423 423
424 424

425 425
426 426
427 427
428 428
429 429
430 430
431 431
432 432
433 433
434 434
435 435
436 436
437 437
438 438
439 439
440 440
441 441
442 442
443 443
444 444
445 445
446 446
447 447
448 448
449 449
450 450
451 451
452 452
453 453
454 454
455 455
456 456
457 457
458 458
459 459
460 460
461 461
462 462
463 463
464 464
465 465
466 466
467 467
468 468
469 469
470 470
471 471
472 472
473 473
474 474
475 475
476 476
477 477
478 478
479 479
480 480
481 481
482 482
483 483
484 484
485 485

486	486
487	487
488	488
489	489
490	490
491	491
492	492
493	493
494	494
495	495
496	496
497	497
498	498
499	499
500	500
501	501
502	502
503	503
504	504
505	505
506	506
507	507
508	508
509	509
510	510
511	511
512	512
513	513
514	514
515	515
516	516
517	517
518	518
519	519
520	520
521	521
522	522
523	523
524	524
525	525
526	526
527	527
528	528
529	529
530	530
531	531
532	532
533	533
534	534
封底	535